

CASPARI BARTHOLINI
Thom. F. — K
SPECIMEN
PHILOSOPHIÆ
NATURALIS
Præcipua Physicæ capita
exponens.

In gratiam Juventutis Academicæ.

Accedit

De Fontium Fluviorumque
Origine ex Pluviis,
DISSERTATIO PHYSICA.



OXONIÆ:

Typis Leon. Lichfield, Impensis Henr.
Clements, An. Dom. 1698.



ILLVSTRISSIMO
ET
EXCELLENTISSIMO

HEROI,

D^{no}. Conrado,

*COMITI DE REVENT-
LOV, DOMINO DE
CLAUSHOLM, CAL-
LOE, FRISENVOLD
ET LOYSTRUP; ORDI-
NIS ELEPHANTINI
EQUITI AURATO;*

*SACRÆ REGIÆ MA-
JESTATIS DAN. ET
NORVEG.*

CON-

CONSILIARIO INTIMO
ET PROVINCIALI.

SUPREMO REGIÆ VE-
NATIONIS PRÆFE-
CTO, ET UNIVERSI-
TATIS HAFNIENSIS
PATRONO BENI-
GNISSIMO,



S. F. Q. P.

humillimus cliens

CASPARUS BARTHOLINUS

Thom. F.

Dedicatio.

Non ægre feres Illustris-
simo Nomini Tuo gra-
ta devoti animi submissione
inscribi Specimen hoc Philo-
sophiæ Naturalis, in grati-
am Juventutis Academicæ
editum. Ut enim ad luci-
dissimi Solis aspectum ani-
mantur sublunaria, & ipsa
quasi spiritum recipit Natu-
ra; ita benigno Tuo vultui
sistere se humillime gestiunt
Naturæ interpretes, ut novo
splendore perfusi gratiosis
Tuis radiis foveantur. Nec
de

DEDICATIO.

*de Patrocinio Tuo dubitare
possum, qui hanc Philosophiæ
partem Tibi offero ; cum e-
nim Sacræ pariter ac profa-
næ Eruditionis cultores in-
effabili digneris favore, gra-
tiam apud Te invenient &
ii, qui Naturæ Librum e-
volvunt, atque in operibus
contemplantur Creatorem,
ad quem prehensa quasi ma-
nunos deducit illa causarum
series & admiranda rerum
Creatarum harmonia. Et
hæc Philosophica rerum Na-
turalium contemplatio neu-
tquam aliena est a pietate
Tua, quæ, cum summa re-
rum*

DEDICATIO.

*rum gerendarum prudentia
& omnium Heroicarum vir-
tutum immenso cumulo jun-
cta, implet illustrissimum pe-
ctus. Deus, Naturæ Autor,
diu Te conservet, ut diu fa-
veas Naturæ cultoribus;
Sero Naturæ debitum sol-
vas, ut sero Te Patronum
desideret Academia nostra,
sub Tuis auspiciis felicissi-
ma.*

*Hafniæ d. xv. Octobr. Anno
M. DC. XCII.*

LECTORI. S.

SI quæ fuerit unquam utilitas Naturalis Scientiæ, ea certe præcipua est seculo hoc nostro, quo tantus in hoc studiorum genere factus est progressus, ut experimenta a Natura ad artem, & ab hac ad illius contemplationem cum fructu transferantur. Est tamen alius ejus finis, isque longe nobilior, ut scilicet elevetur anima ad invisibilia DEI ex visibilibus agnoscenda, & ex admirabili rerum omnium contextu, ordine & dispositione, hauriat

P R Æ F A T I O.

riat manifestissima Divini
Conditoris argumenta. Et-
enim complectamur licet a-
nimo quicquid Stagirita do-
cuit & tota Doctorum scho-
la, assequamur feliciter,
quicquid posteriorum æta-
tum ingenia vel excogita-
runt vel invenerunt novi,
credamus nos esse ipsi Na-
turæ quasi e conciliis, mi-
serrimus tamen est omnis
Naturæ scrutator, nisi Na-
turæ Autorem agnoscit, fru-
stra contemplamur opera,
nisi Divini Opificis simul
veneramur Majestatem. Ap-
prime quidem Philosophus
& convenienter operationes
rerum Naturalium explicat
per mechanicam materiæ
con-

P R Æ F A T I O.

confiderationem, sed non ideo tolli debet Autoris, libere & cum summa prudentia agentis, operatio primaria, sine qua non modo nihil efficerent figura, proportio & motus, sed vere nulla esset figura, proportio nulla, nullus motus. Soline ergo partium quarumvis figuræ & plurium simul concurrentium proportioni atque motui omnia adscribenda sunt? cum tamen per hæc sola operationem ederet nulla machina, nisi accederet simul principium movens; imo ipsa automata quid efficerent omni partium suarum proportionem, nisi motum acciperent vel a vi refili-

P R Æ F A T I O.

filiendi ferri, vel a descensu
gravium, quæ omnia Arti-
fex non aliter automato
largiri potest, nisi quatenus
eidem applicat motum ali-
quem naturalem, & frustra
esset omnis ars, si principi-
um hoc a natura non assu-
meret. Et quæso, unde ille
motus, quem certe materi-
am ex se non habere conce-
dere coguntur omnes? Pro-
grediamur licet per longam
seriem causarum, quæ in
motu intermediæ sunt, eæ
tandem nos deducunt ad a-
liquam primam causam,
quæ independens est & æ-
terna. Ita neutiquam infra
Christianum erit illa rerum
Naturalium Contemplatio,
quæ

P R Æ F A T I O.

quæ ad Autorem rerum omnium agnoscendum nos attollit, neutiquam pio homine indigna videbitur hæc cura, qua examen corporum naturalium ita aggreditur Philosophus, ut creaturas contempletur in Creatoris gloriam, ut per operum considerationem ad Autoris amorem perducatur. Atque hunc finem contemplationum nostrarum Philosophicarum si assequuti fuerimus tum demum bene collocatos existimabimus illos labores, quos in hac Philosophiæ parte in gratiam Juventutis Academicæ suscepimus.

INDEX CAPITUM

In Specimine Philosophiæ Naturalis.

- Cap. I. **D**E Hypothesium Necessitate
in Rerum Naturalium ex-
plicatione. pag. I
- II. De Principiis Corporum Natu-
ralium, Materia & Forma. II
- III. De Affectionibus Corporum,
quæ inseparabiles sunt à mate-
ria; nempe Extensione & di-
visibilitate materiæ, loco &
tempore. 20
- IV. De Motu & Qualitatibus. 35
- V. De Calore & Frigore. 46
- VI. De Corpore Fluido & Solido,
raro & denso. 53
- VII. De Lumine & Colore. 62
- VIII. De Sono, Sapore & Odore.
71
- IX. De Gravitate & Vi Magne-
tica. 78
- X. De Elementis. 89
- XI. De Mundi Systemate & Corpo-
ribus Cælestibus. 95
- XII. De

I N D E X.

XII. <i>De Aëre & Meteoris.</i>	107
XIII. <i>De Globo Terraqueo.</i>	122
XIV. & ult. <i>De Corporis Animati Functionibus.</i>	143

CASP.

CASP. BARTHOLINI TH. F.

SPECIMEN

PHILOSOPHIÆ

NATURALIS,

Novissimis rationibus & experimentis
illustratæ.

CAP. I.

*Hypothesium necessitate in rerum
Naturalium explicatione.*

§. I.

PHYSICA dicitur illa *Philosophia* pars, quæ rationes & causas reddit effectuum & mutationum, quæ *naturaliter* contingunt in corporibus, ideoque *Philosophia Naturalis* communiter vocatur. Quia autem in illis operationibus rerum Naturalium raro admodum ipse agendi modus sensibus
A nostris

*Ad rerum
Naturalium
explicationem
inveniendæ
sunt
hypotheses.*

nostris se sistit, sed plerumque saltem per effectus cognoscitur, ideo ad illam rerum intimam naturam explicandam inveniendæ sunt *hypothese* vel *suppositiones* quædam, quæ tales esse debent, ut cum ipsa natura exacte conveniant, omniaque in corporibus occurrentia phænomena ita explicent, ut nihil sibi habeant contrarium.

Ex effectibus rerum natura concluditur.

Ita quia in Sole deprehendimus lucem & calorem, illosque eosdem effectus videmus esse igni proprios, ideo Solem concludimus esse naturæ igneæ; quia in calore videmus particulas situm mutare, alia donari figura, quod sine motu particularum fieri non potest, ideo concludimus calorem consistere in motu particularum, & quia non omnem motum hunc calorem sensibilem producent animadvertimus, ideo concludimus calorem in calore sensibili adesse speciem motus, qui rapidus est, celer & perturbatus.

§. II.

Hypothese
in Physica
necessaria.

Et cum ad intimam rerum naturam agnoscendam non aliter quam

per tales *suppositiones* deducamur, facile apparet quam illæ *hypotheses* Physica necessariæ sint; Imo non re alia ad rerum naturam investigandam nobis relicta est via, cum objecta externa saltem per sensus percipiamus, & illa ipsa sensuum perceptio ad intima rerum non per-
ngat.

Quousque enim per sensuum acumina progrediamur in rerum cognitione, re-
net tamen aliquid sensibus nostris
pervium, cujus naturam & agendi
dum non aliter reddere possumus,
am per *suppositiones* haustas ex illis
fectibus, quos experientia nobis ma-
festat. Ita licet videamus ossa mo-
eri à musculis, musculorum motum
ovenire à fibris carnosiss, fibras car-
osas in illo motu contrahi & ex lon-
oribus breviores fieri, tamen & mo-
am & causam contractionis non aliter
am per *suppositiones* ex effectu illo
sumptas colligimus. Et hoc pacto
ulta de iis rebus, quæ ex effectibus sal-
m cognoscuntur, non minus certò
obis constare possunt, quàm de aliis,
quæ vel maxime in sensus nostros in-
arrunt. Ita aer licet oculos nostros
A 2 fugiat,

*Plurima in
rerum natu-
ra non aliter
quam per
hypotheses
explicari &
cognosci
possunt.*

nostris se sistit, sed plerumque saltem per effectus cognoscitur, ideo ad illam rerum intimam naturam explicandam inveniendæ sunt *hypotheses* vel *suppositiones* quædam, quæ tales esse debent, ut cum ipsa natura exacte conveniant, omniaque in corporibus occurrentia phænomena ita explicent, ut nihil sibi habeant contrarium.

Ex effectibus rerum natura concluditur.

Ita quia in Sole deprehendimus lucem & calorem, illosque eosdem effectus videmus esse igni proprios, ideo Solem concludimus esse naturæ igneæ; quia in calore videmus particulas situm mutare, alia donari figura, quod sine motu particularum fieri non potest, ideo concludimus calorem consistere in motu particularum, & quia non omnem motum hunc calorem sensibilem producere animadvertimus, ideo concludimus talem in calore sensibili adesse speciem motus, qui rapidus est, celer & perturbatus.

§. II.

Hypotheses in Physica necessariae.

Et cum ad intimam rerum naturam agnoscendam non aliter quam per

per tales *suppositiones* deducamur, facile apparet quam illæ *hypotheses* in Physica necessariae sint; Imo non fere alia ad rerum naturam investigandam nobis relicta est via, cum objecta externa saltem per sensus percipiamus, & illa ipsa sensuum perceptio ad intima rerum non peringat.

Quousque enim per sensuum acumina progrediamur in rerum cognitione, remanet tamen aliquid sensibus nostris impervium, cujus naturam & agendi modum non aliter reddere possumus, quam per *suppositiones* haustas ex illis effectibus, quos experientia nobis manifestat. Ita licet videamus ossa moveri à musculis, musculorum motum provenire à fibris carnosiss, fibras carnosiss in illo motu contrahi & ex longioribus breviores fieri, tamen & modum & causam contractionis non aliter quàm per *suppositiones* ex effectu illo desumptas colligimus. Et hoc pacto multa de iis rebus, quæ ex effectibus saltem cognoscuntur, non minus certò nobis constare possunt, quàm de aliis, quæ vel maxime in sensus nostros incurrunt. Ita aer licet oculos nostros

Plurima in rerum natura non aliter quam per hypothesiss explicari & cognosci possunt.

A 2 fugiat,

fugiat, ejus tamen proprietates manifestissime ex effectibus deprehendimus, uti gravitatem & vim elasticam, & licet sensum omnem fugiat vis magnetica, ejus tamen motum & naturam haud obscure indicant operationes magneticae.

§. III.

*Certitudini
Physicae non
repugnant
hypotheses.*

Nec ideo *scientiae* nomen amittit *Physica*, quia *hypothesibus* nititur illa nostra de rebus naturalibus cognitio; Nam licet videri quidem posset, veritatem saltem contingentem sequi ex meris *suppositionibus*, talis tamen illa est, quæ pro demonstratione haberi potest.

In hypothesibus quædam est demonstrationis species.

Licet veritatem non plane demonstrativam, sed saltem contingentem polliceri nobis videantur *hypotheses*, est tamen in iis demonstrationis quædam species, cum per facta experimenta certum sit, effectum hoc modo fieri posse, licet, an revera hoc modo fiat, interdum determinare nec possimus nec debeamus, præsertim cum potentiam Naturæ adeo amplam agnoscamus, ut idem effectus diversis modis produci possit, adeoque
nec

Specimen Philos. Naturalis. . 5

nec mirum est, eundem diversis modis à nobis explicari posse. Quod autem ^{Idem effectus diversis modis & explicari & produci potest.} idem effectus diversis modis non solum à nobis explicari, sed & à natura produci possit, patet in rarefractione, quæ non solum à calore, sed & è frigore interdum producitur in corporibus.

Non ergo rejiciendæ sunt *hypothese*, cum & interdum videamus ex iis, ^{Ex falsa hypothese verum concludi potest.} licet falsis, posse verum concludi. Id quod manifesto exemplo patet in duobus illis Mundi Systematibus à Copernico & Tychoe excogitatis, quorum licet unum saltem verum esse possit, omnia tamen, quæ inde deducuntur, phænomena, in utroque Systemate, licet diversissimo, conveniunt.

§. IV.

Non tamen ullæ admittendæ sunt *hypothese*, nisi quæ cum ratione & experientia consentiunt, neque aliquid ex iis concludendum est, nisi ^{Quanam admittendæ sunt hypotheses & quomodo illa admittendæ.} quod *clare & distincte percipimus*, sed omnia tollenda sunt *præjudicia* de quibus ulla nobis *dubitandi* causa.

Quia veritati indagandæ non libere accedere potest mens nostra, *præjudiciis* ^{Præjudicia tollenda sunt, non tamen de omnibus dubitandum.} occupata, ideo proderit illas præconcep-
tas

ceptas opiniones, de quibus ulla nobis
dubitandi causa est, ad novum revocare
 examen; Non tamen ideo *de omnibus*
semel in vita dubitandum est, ut voluit

• Princip.
 p. I. Art. I.

* *Cartesius*, sed circumspectius dixisset,
 dubitandum saltem esse de iis, quæ ali-
 quam falsi speciem habent. Deponenda
 quidem sunt præjudicia, sed illa saltem,
 quæ falsa aut dubia sunt; Ita non pro-
 derit Geometriæ ista dubitatio, an trian-
 gulum ex tribus angulis & totidem la-
 teribus non constet, id enim ab animo
 suo non impetrabit, ut credat.

QUÆSTIO I.

*An officio suo satisfecerit Physicus ubi
 rationes adduxit probabiles?*

Id qui negaverit plura à Physico re-
 quirat, quam requirere debet. Sufficit
 enim illi, ubi rationes demonstrativæ
 haberi non possunt, adduxisse probabi-
 les, modo tales sint, ut cum ipsa natura
 conveniant & omnibus effectibus. Non
 enim hæc scientia aliud requirit, quam
 talem probabiliter res explicandi mo-
 dum, quem humano intellectui aperuit
 Divinus opifex, qui veram rerum na-
 turam sibi soli notam reservavit. In-
 tellexi,

Intellexi, inquit Ecclesiastes, quod omnium operum Dei nullam possit homo invenire rationem eorum quæ fiunt sub Sole & quanto plus laboraverit, tanto minus inveniet.

*Veræ verum
causæ nobis
ignotæ sunt.*

Q U Æ S T I O II.

*An iis semper acquiescendum est, quæ
clare & distincte percipimus?*

Bene quidem monuit * *Cartesius* nihil pro vero admittendum esse, nisi quod clare & distincte percipimus, sed hoc ipsum cum cautione quadam accipiendum est, scilicet si ipsum objectum quoad omnia conveniat cum ejus idea in mente nostra clare & distincte percepta. Adeoque acquiescendum quidem est illa rerum clara & distincta cognitione, ex effectibus hausta, ubi ulterius nos progredi non patitur Natura, sed in corporibus, quæ nobis obvia sunt, interior etiam structura tentanda est, ut videamus, an cum illa conveniant suppositiones nostræ, id enim quia neglexit *Cartesius*, ideo nec de Cordis motu, nec de functionibus animæ ejusque sede in cerebro, sententia ejus cum ipsa Natura consentit.

* Princp.
p 1. A rt. 43,
44, 45.

*Cavendum
est ne ipsum
objectum ex-
tra mentem
sit diversum
ab ejus idea
in mente
concepta.*

Q U Æ S T.

QUÆSTIO III.

An sit aliquid in intellectu, quod non ante fuit in sensu?

*Mens nostra
nihil fingere
potest quod
omni ex
parte sit
Chimera.*

Ea est mentis humanæ conditio, ut de rebus corporeis nullum habeat cognitionem, nisi quæ à sensibus ducitur. Adeoque non potest mens nostra aliquid fingere, quod absolute sit Chimera, hoc est, quod non antea vel quoad totum vel quoad partes per sensus sit perceptum. Ita ut, quando equum alatum, anserem quadrupedem, montes aureos & plura talia nobis imaginamur, non fingat mens nostra, sed rerum per sensus antea perceptarum ideas male vel coniungit vel dividit. *Zab. in lib. 1. Post. Anal. c. 15.*

CONCLUSIONES.

1. Physica est scientia, quæ circa corporum Naturam investigandam versatur.
2. Ad illorum intimam naturam agnoscendam non aliter, quam per hypotheses & suppositiones deducimur.
3. Ideoque illæ hypotheses maxime in Physica sunt necessariae;
4. Ex

4. Ex iis autem licet dici quidem posset veritatem saltem contingentem sequi, cum idem naturæ effectus diversis modis & à nobis explicari & à natura produci possit.

5. Talis tamen illa est, quæ aliquam demonstrationis speciem habet.

6. Nec ideo scientiæ nomen amittit Physica, quia per suppositiones rerum natura explicatur.

7. Nam ad illam investigandam alia via nobis relicta non est;

8. Idque ideo quia per sensus saltem percipimus objecta externa.

9. Et illa ipsa sensuum perceptio ad intima rerum non pertingit.

10. Non ergo rejiciendæ sunt hypotheses, cum videamus ex iis etiam, licet falsis, posse tamen verum concludi.

11. Hoc tamen non ita intellectum volumus, ac si alias admitteremus hypotheses, nisi illas, quæ cum ratione & experientia consentiunt.

12. Nec ideo minus officio Physici satisfactum est, ubi adductæ sunt illæ rationes, quæ rerum Naturam apprime explicare possunt, licet illæ saltem videantur esse probabiles.

13. Largimur quidem Cartesio iis solum fidem adhibendam esse, quæ clare percipimus.

14. Sed

14. Sed hoc ipsum cum certa saltem conditione admittimus, nempe si imago rei in mente, cum ipso objecto extramentem conveniat.

15. Mens nostra nihil fingere potest quod est absolute Chimera, sed saltem rerum perceptarum ideas male vel conjungit vel dividit.

16. Adeoque nihil de rebus corporeis est in intellectu, quod non antea fuerit in sensu.

17. Quia vero illa sensuum judicia, quibus ab ineunte ætate uti fuimus absque sufficienti examine, variis præjudiciis & erroribus sunt obnoxia, ad novum examen revocandæ sunt præconceptæ opiniones.

18. Nec tamen ideo de omnibus semel in vita dubitandum, sed de iis saltem, quæ aliquam falsi speciem habent.

C A P. II.

De Principiis Corporum Naturalium
Materia & Forma.

§. I.

IN simplissimo & generali rerum Naturalium examine duo nobis occurrunt, ex quibus omnia dependent, quæ de iis sciri possunt, nempe *materia & motus*. *Materia* est tanquam commune aliquod rerum omnium subiectum, quod *generalem* iis essentiam & naturam tribuit, cujus partes quando per *motum* variè disponuntur, oriuntur diversæ ejus *species & forma*, quæ *propriam* & ab aliis distinctam naturam cuilibet rei largiuntur.

Natura corporum ex materia & motu dependet.

Ita ubi aqua in glaciem convertitur, cum eadem in aqua & glacie adsint partes, sed hic quiescentes, ibi motæ, *materiam* illam, quæ ad utriusque essentiam pertinet, *principium primum* vocamus, sed tale saltem, quod *generalem* de
utro-

Ex materia generalis rerum essentia oritur, ex forma specifica propria.

utroque corpore nobis concedit notiti-
am; atque *formam* illam, quæ inest a-
quæ partibus in motu constitutis, & gla-
ciei, iisdem quiescentibus & rigidis, ac
tam huic quam illi corpori peculiaris
est & *propria*, *alterum principium* dici-
mus, sed tale, quod in qualibet re *spe-*
cificam naturam communi essentiae super-
addit.

§. II.

Corporum
Naturalium
duo prin-
cipia.

Et hæc *duo* dicuntur communiter
Principia corporum, quia primo à
nobis concipiuntur pertinere ad re-
rum essentiam constituendam, *ma-*
teria scilicet, in qua conveniunt
omnia corpora, & *forma*, per quam
varie determinatur materia, & di-
versa facie existit.

Principio-
rum varia
genera apud
Philosophos.

Principia hic intelliguntur non illa,
quæ *externa* vocantur, ut *efficiens* &
finis, sed interna, quæ rerum essentiam
ingrediuntur, atque ita illud, quod est
tanquam rerum omnium subjectum com-
mune, *materiam* vocamus; & modum,
quo hanc materiam in diversis corpo-
ribus constitutam, conformatam & fi-
guratam deprehendimus, *formam* dici-
mus. Alias tria apud Philosophos ut
plurimum distinguuntur *Principiorum*
genera,

genera, primo *compositionis* principia, ex quibus res constat, ut *materia* & *forma*, secundo *generationis*, quæ ad rei productionem concurrunt, & hoc sensu *privationem* addunt *Aristotelici*, quæ tamen pro principio haberi non debet, tertio *cognitionis*, quæ in rerum notitiam nos ducunt, tale est, *Impossibile est idem esse & non esse*, & illud *Cartesii*, *Cogito, ergo sum*.

§. III.

Materia ipsa in hoc universo homogenea est, eadem numero manet, nec ante totius interitum perit vel destruitur.

Materia omnis est homogenea.

Licet alii Philosophorum inter se nonnihil differre dicant in diversis corporibus *materiæ* partes, alii etiam *pan-
spermiam* cum *Anaxagora* admittant, probabilius tamen videtur, eandem ubique esse *materiam*, scilicet quoad proprietates, quæ ad materiam, quatenus est nuda materia, pertinent, nempe *substantiam extensam & impenetrabilem*, quæ mere passive se habet & indifferens est ad quamcunque formam recipiendam. *A. Le Grand.*

Quomodo materia eadem in omnibus corporibus.

Cartes. Princip. p. 2. Art. 22. 23.

§. IV.

§. IV.

*Formæ quid
sunt?*

Formæ nihil sunt nisi varii *existendi modi* ab ipsa materia dependentes, quorum omnis differentia oritur a vario materiæ *motu*, *magnitudine* & *figura*.

*De formarum
origine
Philosophorum
varie
questiones.*

Consulto hic omittuntur prolixæ Philosophorum & fere in utiles questiones de *formarum origine*, quas alii *creari* asserunt, cum fiunt ex nihilo, alii *educi è materia*, in qua nullo modo sunt nisi in potentia, alii *formas viventium educi* quidem, sed non *creari*, at potius *traduci*; At cum omnes illæ qualitates, per quas varie determinatur, materia, non dependeant nisi a vario materiæ *motu* & *figura*, videmus manifeste formas corporum esse saltem qualitatum atque proprietatum congeriem. *Pemle. Boyle. Phil. Burgund. Poncius.*

§. V.

*Formarum
varietas.*

Formarum nonnullæ quidem aliis magis *essentiales* sunt, scilicet quæ subjectis suis necessario competunt, omnes tamen sunt *accidentales*, & illæ,

illæ, quibus plures conveniunt proprietates, compositæ dici possunt, simplices vero, quibus pauciores.

Ita figura trium laterum in triangulo, est *forma* ejus *essentialis*, quia hac sublata tollitur triangulum, rotunditas in globo &c. omnes autem *formæ* dicuntur *accidentales*, quia potuit eadem materia vel constituere triangulum, vel globum. Et hujus *essentialis formæ* respectu dicuntur aliæ *formæ accidentales*, quæ speciem subjecti non mutant, ut cum ferrum ex frigido fit calidum, idem est specie quod antea, sed per *formam essentialem* est ferrum, eaque illi speciem & characterem tribuit. Inter *formas compositas* auri forma numerari potest, quia ad illam pertinent & soliditas, & ductilitas, & pondus & color flavus &c. Maxime autem *simplices* sunt *formæ elementorum*. Adeoque ut rerum natura nobis manifestior evadat, a *simplicium formarum* examine ad *compositarum* cognitionem progrediendum.

Formæ essentialis & accidentales, compositæ & simplices.

Q U Æ S T I O I.

An privatio pro peculiari principio habenda sit?

Qui *Aristotelem* sequuntur tria statuant generationis principia, materiam, for-

*Privatio
non diversa
est a forma.*

formam & privationem, quia, cum generatio sit mutatio à non esse ad esse, tria hic necessario requiri concludunt, terminum scilicet à quo, nempe *privationem*, terminum ad quem, nempe *formam*, & subjectum mutationis, quod utrique termino subternitur, tanquam fundamentum, nempe *materiam*. Cœterum cum *privatio* rebus non insit, nec ad earum compositionem concurrat, duo saltem principia admittenda sunt, *privatio* enim est saltem prior illa forma, quæ in generatione alterius corporis destructa est, nec aliud fuit quàm certa particularum figura & dispositio à motu dependens. *Poncius*.

Q U Æ S T. II.

Quid intelligendum est per materiam, quam communiter primam dicunt?

*Materia
primæ consi-
derationi ad
tempus im-
morari ju-
vat.*

Per *materiam primam* intelligi debet materia generalissime & indeterminate sumpta & abstracta ab omni forma, atque dici potest rei genitæ & corruptæ commune quoddam subjectum. Atque ut rectius intelligantur illa omnia, quæ proprie ad essentiam *materiæ* pertinent, non incongruum erit paulisper ita considerare

considerare *materiam* sine motu vel ullis earum proprietatibus, quæ à motu exsurgunt, hoc est, quasi abstractam ab omni forma, non quod ideo ulla talis detur, quæ non formam aliquam prædita est. Zab. Colleg. Conimbr. Arriaga. Pontius.

Q U Æ S T. III.

Quo sensu formæ dici debent substantiales?

Forma dici quidem potest *substantialis*, si intelligatur quasi ratio substantiæ, hoc est, causa cur corpus aliquod sit certa quædam substantia, hæc vel illa, non autem si credatur per se subsistere, id enim nulli formæ nisi animæ rationali soli competit. Per *substantiales* ergo formas potius intelligendæ sunt *essentiales*, per quas corpora essentialiter & specificè ab omnibus aliis distinguuntur. Heereboord Disp. 34, 35, 36. 38. Arriaga.

Anima rationalis sola forma est, quæ per se subsistere potest absque materia

Q U Æ S T. IV.

An formæ corporum viventium habeant esse quoddam absolutum, non saltem respectivum.

Nonnulli contendunt formas corporum animatorum, esse entitates absolutas,

tas, non saltem *respectivas*, vel à materia dependentes. Et hoc quidem de Anima rationali admittimus, quæ est forma hominis, & quæ sola per se subsistere potest, non autem de animis brutorum, quæ dependent à organis corporeis & materialibus. Nec enim valet

*Brutorum
animæ pen-
dent ab or-
ganis corpo-
reis.*

illa nonnullorum objectio, quod non ideo negandæ sint illæ *entitates absolutæ*, licet non ita omnia circa eas à nobis explicari possint, eodem enim jure dicimus, non ideo negandum esse, ab organis corporeis dependere animas brutorum, licet per generalem materiæ ejusque motus conditionem non omnes, quas ab anima brutorum proficisci videmus, proprietates explicare possimus. *Philos. Burg. p. 1. Tract. 1. Diff. 1. c. 2.*

CONCLUSIONES.

1. Quia in Examine corporis naturalis duo saltem nobis occurrunt, ex quibus dependent reliqua, quæ de iis sciri possunt, materia nempe & motus,

2. Ideo duo saltem tanquam generalissima Corporum principia admittimus, nempe,

3. Materiam, tanquam subjectum commune rerum omnium.

4. Et

4. Et formam, quæ à motu & varia dispositione partium dependet.

5. Materia omnis homogenea est, nec destruitur ante universi interitum.

6. Primam materiam dicunt, quando illam considerant absque motu & proprietatibus, quæ à motu dependent,

7. Atque hoc pacto rectius intelliguntur illa, quæ proprie ad materiam pertinent ;

8. Non tamen ideo ulla talis datur, quæ omni forma destituta est.

9. Formæ saltem sunt varii existendi modi ab ipsa materia dependentes.

10. Et cum à motu omnis illarum oriatur varietas, facile apparet, nullas esse substantiales, hoc est, per se subsistentes.

11. Si solam animam rationalem exceperimus.

12. Dici tamen possunt essentielles, quæ subjectis suis necessario competunt,

13. Accidentales vero, quæ speciem subjecti non mutant,

14. Licet stricte loquendo omnes sint accidentales ;

15. Et compositæ oriuntur formæ, quando plures concurrunt proprietates.

C A P. III.

De Affectionibus corporum, quæ inseparabiles sunt a materia, nempe Extensione & divisibilitate materia, loco & tempore.

§. I.

*Affectionum
duo genera,
quædam a
corporibus
Naturalibus
inseparabi-
les sunt,
quædam
separabiles.*

Affectiones dicuntur illæ proprietates, quæ comperunt Corporibus Naturalibus, illarum autem quædam necessario & inseparabiliter comperunt materiæ, & sine quibus illa concipi non potest, ut *Extensio, resistentia, divisibilitas, locus, & tempus*, quædam à materia separabiles sunt, adeoque spectantur saltem tanquam simplicia ejus *accidentia*, ut *motus*, & quæ ab eo dependent, *qualitates omnes*.

*Nec motus,
nec qualita-
tes proprie
ad naturam
materiæ per-
tinent.*

Quando in materiæ consideratione removemus omnia, quæ ab ea, quatenus est nuda materia, separari possunt, videmus, nec motum, nec calorem, nec frigus vel alias qualitates proprie ad ipsam mate-

materiam pertinere, sed saltem tanquam ejus accidentia spectari posse ; non autem separari posse à materia *extensionem* seu *trinam dimensionem* in longitudinem, latitudinem & profunditatem, *resistentiam* & *divisibilitatem* ; præterea omnia corpora certum *locum* in mundo occupare, & denique omnia existere *aliquando* & *durare*, quod *tempus* dicimus ; adeoque non dubitamus has tanquam *essentiales* materiæ *proprietas* nominare.

§. II.

Generalissima & maximè *essentialis proprietas*, quæ potest materiæ tribui, est *extensio*, sed talis, quæ juncta cum *resistentia* seu *impenetrabilis*, est id, quod *extensioni immateriali*, quam in *spatio inani* concipiunt nonnulli, tribui non potest.

Extensio cum resistentia essentialis materiæ proprietas.

In *extensione* *essentiam materiæ* positam statuunt *Cartesiani*, quia non aliam *extensionis*, quam *corporeæ*, ideam haberi posse contendunt, cum ibi necessario corpus adesse asserant, ubi est *extensio*. Cæterum, an *trina illa dimensio* sine idea corporis concipi non possit, merito dubitarunt alii Philosophorum, adeoque licet recte inferri quidem possit,

In sola extensione non consistit essentia materialis.

Due exten-
sionis spe-
cies, una
quæ compe-
tit corpori,
altera quæ
spatio.

substantiam corpoream sine extensione concipi non posse, non tamen ideo sequitur, *extensionem* ipsam esse rem corpoream, cum illa sine corpore concipi possit, quemadmodum genus abstracte concipitur sine specie. Duæ ergo supponi possunt *extensionis* species, una *corpori* propria, altera *spatio* à materia vacuo, atque, ut distinguamus inter illam *extensionis* speciem, quam corporibus naturalibus tanquam proprietatem essentialem tribuimus, quæque illis solis competit, ab illa extensione, quæ concipi posset in spatio ab omni corpore vacuo, dicimus, *materiam* esse rem *extensam* & *impenetrabilem*, hoc est, tale *extensum*, quod habet *resistentiam*. Ita licet *extensio* sit generalissima corporis affectio, quæ omni corpori competit, non tamen soli corpori competit, nisi illam cum *resistentia* junctam intelligamus. Ph. Burg. p. 1. Tr. 2. Diff. 1. c. 1. A Le Grand.

§. III.

Materiæ ex-
tensa com-
petit divisi-
bilitas.

Primum, quod concipimus accidere posse *materiæ extensæ*, est ejus *divisibilitas* in partes certis figuris comprehensas, quousque autem illa procedit *divisio*, lis est inter Philosophos.

Epi-

Epicurus & Philosophorum alii vo- *Materiae
partes minu-
tissime divi-
sibiles sunt
potentia.*
lunt *materiae partes ad atomos saltem,*
seu *puncta indivisibilia esse divisibiles,*
alii autem *ut Cartesiani,* concipiunt ul-
teriore adhuc divisionem admittere
posse illud corpus, quod, licet minimum
sit, partes tamen habet loco diversas.

Quod autem sit è natura *materiae,* ut
quælibet ejus pars posset dividi, si hoc *Extensio
presupponit
divisibilita-
tem.*
requireret Natura, inde patet, quia est
extensa, quicquid enim est extensum,
habet partes in longitudinem, latitudinem
& profunditatem patentes, & quicquid
habet partes, potest dividi, licet actu
non semper dividatur; atque ita dici
potest, toties dividi posse illam, quæ
nobis etiam videtur minima, *materiae*
particulam, ut sufficiat operationibus
omnibus, quæ in rebus naturalibus con-
tingunt, & ita quamlibet *materiae* par-
ticulam potentia quidem ulteriorem ad-
mittere divisionem, licet eandem actu
non admittat, quia scilicet hoc in Na-
tura non requiritur. Atque hinc facile
patet, quo sensu intelligi debeat *divisi-* *Quomodo in-
telligenda
divisibilitas
materiae in
ind. finitum.*
bilitas materiae in indefinitum, quam de-
fendunt *Cartesiani,* scilicet, quod illam
determinare non possit mens nostra, sit-
que saltem *indefinita* respectu intellectus
nostri. Probabilius ergo erit dicere, eo
usque progredi, si non actu, saltem po-
tentia,

tentia, materiæ *divisibilitatem*, ut in ea intellectus noster nullum inveniat terminum, quam dicere, dari quasdam particulas, quæ non solum actu indivisæ sunt, sed etiam potentia plane indivisibiles, quas *atomos* vocant; illæ enim *atomi*, si non sint potentia divisibiles, naturam corporis deponunt, quia omnia corpora sunt extensa, adeoque & partes habent & possunt dividi. *Robault*, p. 1. c. 9. *Phil. Burg.* p. 1. Tr. 2. Diff. 1. c. 2, 3. *Heereb. Disp.* 50. *Arriaga*.

§. IV.

Prima loci
significatio
est pro su-
perficie pro-
xime ambi-
ente.

Locus etiam talis est proprietas, quæ competit omnibus corporibus, ejus autem *triplex* est significatio. Prima dici potest *locus externus*, vel *superficies* proxima, quæ corpus aliquod immediatè ambit.

Solam su-
perficiem
ambientem
pro loco cor-
porum ha-
bent Carte-
siani.

Hanc solam *loci* significationem tanquam propriam admittunt *Cartesiani*, & quoties corpus *locum* mutare dicitur, id intelligendum esse de superficie aliorum corporum id ambientium, cujus variis partibus diversimode applicari potest; & cum extensionem sine materia dari posse negent, corporibus plena supponunt

nunt esse omnia spatia, adeoque extensionem spatii non differre ab ipsis corporibus. At licet ipsis largiamur quidem omne corpus esse extensum, non tamen ideo sequitur, omne, quod extensum concipimus, ideo esse corporeum.

§. V.

Secunda *loci* significatio dici potest *locus internus*, seu *spatium* quod corpus occupat, & sive repleatur corpore, sive non, manet tamen ibi capacitas excipiendi corpus, & *locus* dicitur, quando impletur corpore, *spatium* autem quando vacuum est.

Secunda loci significatio est locus internus.

Sumitur hæc *loci* significatio pro *extensione* illa, quæ fingitur in *spatio*, quod corpus occupat, & quæ figura, longitudine, latitudine & profunditate convenit cum *locato*, vel corpore contento, differt autem in eo, quod in *locato* materiam una cum extensione, in *loco* vero seu *spatio*, quod excipit vel excipere potest corpus, solam extensionem & figuram illi similem, quam habet locatum, concipiamus. Atque hanc *loci* propriam fig-

Extensio quæ fingitur in spatio, quod corpus occupat, qualis est.

Gassendi opinio de duplici extensione, materiali & locali.

significationem defendit *Gassendus*, qui *Epicuri* doctrinam de *vacuo* restauravit. Ille enim duas admittit *extensionis* species, unam *materialem*, talis est ex. gr. longitudo, latitudo & profunditas aquæ vel aëris aut alterius corporis in vase quodam contenti, alteram *localem*, quæ erit eadem extensio, quæ restabit inter latera vasis, licet omne corpus exclusum sit, & hæc erit saltem *distantia* inter corpora. Atque ita concipit totum locum, quem hoc universum occupat, tanquam *spatium* per omnia diffusum, permanens & immobile, in quo motus omnium corporum perficiuntur, & in quo commodè rerum distantias & motuum quantitates dimetimur. Nec aliunde *immobilitas* loci repetenda est, quam ab illo considerandi modo abstracto & pene mathematico. Hoc autem *spatium imaginarium* quodammodo vocari potest, cum non sit quid reale, sed in illo saltem concipiamus corpora contineri.

Vacuum duplex, disseminatum & coacervatum.

Locum omni corpore destitutum, seu *vacuum*, in natura dari posse negant *Cartesiani*, sed *Epicurus*, *Gassendus* & qui ipsos sequuntur, hoc admittunt, adeo ut, etiam *vacuum* vel *inane* principii loco sumant. Notandum autem est, duplex ab his supponi *vacuum*, *coacervatum* & *disseminatum*. *Vacuum* quidem *coacervatum*

servatum defendi non potest, quia illud nullis hactenus stabilitum est rationibus. Nec enim nova illa seculo nostro facta circa *inane* experimenta, per mercurium & machinam pneumaticam, nec dissolutio salium in aqua illud probaverunt. *Vacuum* autem *disseminatum*, per quod intelligunt spatia inter minutissimas materiæ particulas vacua, necessarium aliquo modo videri potest. in rerum Naturalium explicatione, adeo ut sine eo natura corporum fluidorum, motus, imo ipsa hypothesis *Cartesiana* de materia subtili, vix intelligi aut explicari possint.

Exper. Mag.
Phil. Burg.
p. 1. Tr. 2.
Diff. 2. c. 8,
9, 10.

§. VI.

Tertia *loci* significatio est, quando nec ad *superficiem* immediate ambientem, nec ad *spatium*, quod corpus occupat, habetur respectus, sed saltem ad *situm* aliorum corporum, sive ipsi vicina sive remota sint.

Tertia loci
significatio
pro certo
corporum
situ in mun-
do.

Denotat enim *locus* non minus proprie certum alicujus corporis *situm* in mundo, facta comparatione cum aliis corporibus, quorum loca situsque sunt cogniti & determinati, nullo habito respectu *superficiæ* illud proxime contin-
gentis.

Quomodo
locus corpo-
ris conside-
ratur habito
respectu ad
situm alio-
rum corpo-
rum.

gentis. Et hoc modo *locum* mutare dicitur illud corpus, quod modo cum duobus aliis constituebat triangulum, & mox, mutato loco, in eandem cum illis pervenit lineam rectam. Atque hic tantum abest, ut corporis locati *extensio* consideretur, ut potius nullus habeatur respectus magnitudinis corporum, sed quodcunque corpus spectetur saltem tanquam minimum, quemadmodum motus corporis alicujus non consideratur, nisi tanquam in unica linea, quam decurreret minima quæque ejus particula. Ita quando quæritur ubi sita sit Hafnia vel Roëschildia, non solliciti sumus de extensione magnitudinis, quantum spatii utraque urbs occupet, nec de aëre immediate ambiente, sed dicimus illam prope *sinum Codanum* ad littus *freti Sundici* sitam esse, hanc autem prope *Isefiord*.

§. VII.

*Tempus est
determina-
tio duratio-
nis rerum.*

Uti omnia corpora, quæ existunt, existunt *aliquando*, ita cum mens nostra determinat *quando*, & *quamdiu* existunt, id *tempus* vocamus. Dicitur ergo debet *tempus rerum duratio*, in qua determinanda utimur *motu* Solis, astrorum, horologii, imo qualibet *vicissitudine*. Ut

Ut corpora quæque creata aliquem in mundo *locum* occupant, eumque definit mens nostra ex vicinia circumjacentium, atque *ubi* sint determinamus respectu habito ad *locum* aliorum corporum; ita ratione *temporis*, quando res existit & *quamdiu*, hoc est, ejus *durationem* determinamus comparatione facta cum *motu* quodam certo nobis cognito; non secus ac Geometra certam atque cognitam adhibet mensuram, ex.gr. unam ut rei quantitatem dimetiatur. Per *tempus* igitur rerum *duratio successiva* intelligitur, quatenus mens nostra eandem agnoscit, ejusque durationis ordinem ac terminum, hoc est, an diu vel brevi res durent, an simul cum aliis, an post vel ante alias, metitur & comparat cum motibus rerum cognitis, qui maxime regulares sunt, ut motu Solis, astrorum, horologii. Ita quando *duratio* illa comparatur cum certis revolutionibus Solis sive diurnis sive annuis, quædam res simul cum illis durare conspiciuntur, quædam ante, quædam post, unde varia temporis momenta dicuntur vel præsentia, vel præterita vel futura.

Duratio illa determinatur a mente nostra per motum aliquem.

QUÆST.

QUÆST. I.

An dari possint in rerum natura atomi?

Ad *materiae* quidem naturam, inquiunt nonnulli, pertinet, ut illa possit semper dividi, non autem ad naturam *corporum* aut *particularum minimarum*, ex quibus exsurgit materia, quales particulas *atomos* vocant, *materia* enim, ajunt, generatur, hoc est, ex *atomis* producitur, *atomi* autem creatæ sunt, non vero jam producuntur, illa varie mutatur, dividitur & corrumpitur, hæ autem eadem semper manent. At respondemus, hæc omnia gratis supponi, nec ullam adduci rationem, cur aliam particulis *materiae*, ex quibus constat corpus, attribuamus conditionem, quam ipsi copori, si enim corpus componant, necessario erunt naturæ corporeæ. Dicendum ergo est, nullas tales dari *atomos* quæ nullis constant partibus & plane indivisibiles sunt, sed dari quidem illas particulas, quæ plane indivisæ sunt & non amplius dividuntur, quia scilicet hoc Natura non exigit, adeo ut, licet particulis constent minoribus, in eas tamen à Natura non dividantur. *Magnenus. Heereb. Lucretius. Bishop Stillingfleet's Or. Sac. lib. 3. c. 2.*

Nullæ dari
possunt ato-
mi plane in-
divisibiles.

QUÆST.

QUÆST. II.

An impossibile sit à nobis concipi posse vacuum spatium?

Cartesius & qui ipsum sequuntur, vacuum spatium omni corpore destitutum non solum non fingi vel concipi posse, nec naturaliter dari, sed ne à Deo quidem omnipotenti in rerum naturam induci posse existimant. Et in hac opinione tam constantes sunt, ut, si omne corpus ex vase quodam excludi posset evenituum afferant, ut ejus vasis latera eodem momento ad se invicem accederent, ita ut nullum inter ea superstes daretur spatium. Cæterum vident quidem illi, nullum aliud corpus interjacere, ubi se tangunt duo corpora, sed non animadvertunt, quod non ideo necesse sit ea se contingere, quæ à nullo corpore disjunguntur. Potest ergo illud vacuum à nobis concipi saltem quasi distantia inter corpora, quæ tamen non ideo est materia, hoc enim si foret, nulli corporibus essent termini, quæ enim extra hunc mundum à nobis concipiuntur spatia, ideo essent corpora, quod trinam haberent dimensionem.

Vacuum a nobis concipitur ut distantia inter corpora.

Non semper ibi est corpus, ubi est distantia.

QUÆST.

Q U Æ S T. III.

*An à motu Solis dependeat tempus,
vel esse possit tempus absque motu?*

Duratio rerum non dependet à motu, sed saltem ejus determinatio, quæ fit à mente nostra.

Corpora, quæ componunt hoc universum, existunt & *durant*, quamdiu autem permaneant in illa *duratione*, vel in illo suo statu, in quo à nobis deprehenduntur, determinat mens nostra, facta comparatione cum motu quodam. Ipsa ergo *rerum duratio* non dependet à motu, sed saltem ejus determinatio, quæ fit à mente nostra, indiget aliqua rerum vicissitudine. Ita ab antiquis *hoc vel illo anno ab Urbe Condita hoc vel illud factum memoratur, post excidum Trojæ, à bello Macedonico vel Punico primo aut secundo &c. regnante hoc vel illo Imperatore.* Quod si autem omnis motus sisteretur & nulla esset in rebus mutationum vicissitudo, non ideo minus res *durarent*, licet nihil esset cum quo illius *durationis quantitas, ordo & successio* à mente nostra conferri & numerari possent. Adeoque cum *tempus sit determinatio durationis rerum, sive moveantur sive quiescant, apparet facile, tempus non ita dici posse mensuram motus, quin potius motus sit mensura temporis, & revera tempus idem esset, licet Sol tardius vel celerius vel non omnino moveretur.*

C O N.

CONCLUSIONES.

1. Extensio licet sit generalissima corporis Naturalis affectio, quæ omni corpori competit, non tamen soli competit, nisi illam cum resistentia junctam intelligamus.

2. Extensio ergo cum resistentia, quæ impenetrabilis est, competit omni corpori, soli & semper,

3. Sed extensio penetrabilis tribui potest spatio à materia vacuo.

4. Materiæ partes, etiam illæ, quas minutissimas concipimus, divisibiles sunt, si non semper actu, saltem potentia.

5. Adeoque nullæ dantur atomi, id est particulæ, quæ nullis constant partibus & plane indivisibiles sunt,

6. Sed dantur quidem illæ, quæ sunt indivisæ, & tamen possunt ulterius dividi, si hoc requirat natura;

7. Quælibet enim pars materiæ est extensa, & extensio præsupponit partes, adeoque & divisibilitatem.

8. Locus sumitur vel pro superficie proxima, quæ corpus ambit,

9. Vel pro spatio, quod corpus occupat.

10. Vel pro situ, quem servat inter alia corpora.

C

11. Locus

11. Locus ab omni corpore vacuus, spatium dicitur.

12. Tale spatium vacuum licet impossibile existiment nonnulli vel concipi vel dari in natura posse,

13. Videtur tamen aliquo modo necessarium ad motum corporum explicandum, imo & ad intelligendam Cartesianam hypothesein de materia subtili.

14. Loquimur autem hic de vacuo disseminato, illud autem quod coacervatum dicunt, nullis rationibus vel experimentis defendi potest.

15. Tempus sumitur vel pro rerum existentium duratione, vel etiam pro illa ejus determinatione, quæ fit à mente nostra.

16. Ipsa illa rerum duratio esse quidem potest absque motu, nec ab illo dependet, sed à nobis cognosci & determinari non potest absque motu vel vicissitudine aliqua.

17. Adeoque tempus idem esset, licet Sol tardius vel celerius vel non omnino moveretur.

C A P. IV.

De Motu & Qualitatibus.

§. I.

Motus est translatio corporis de loco in locum, cujus *causa* Motus & d. inter causa. prima est primus motor, nempe Deus, *secunda* vero variae, & inter Phil. Burg. p. 1. Tr. 2. Diff. 2. c. 1. has prima dici potest *materia subtilis* vel *materia aetherea*, quæ ideoque *materia motrix* appellari potest.

Moveri dicimus illa corpora, quæ mutant locum. Quod ad *motus causam* Motus causa intermedia. attinet, occurrit quidem nobis varia series *causarum*, quæ *intermediae* dici possunt, dum videmus motum ab uno corpore in aliud transferri posse, & eundem *impetum* rei projectæ à re projiciente *impressum*, *continuati motus* causam dici posse, tamen licet progrediamur per multiplices causas intermedias, tandem eousque perveniemus, ut agnoscamus illam *substantiam fluidam* Materia subtilis prima inter secundas causas motus. & *subtilissimam*, quam, tanquam primam motus causam in materia ponimus,

Deus prima
motus causa.

Vim omnem suam ac motum repetere ab alia priori causa, nempe rerum omnium Auctore..

§. II.

Motus uni
corpori ab
alio commu-
nicatur jux-
ta diversas
leges.

Motus ab uno corpore in aliud transferri potest, & ille *impetus* rei projectæ à re projiciente *impressus*, certis quibusdam *legibus* communicatur, juxta quas diversimode moventur corpora, pro eorum *magnitudine*, pro *celeritate motus*, pro *varietate materiae*, ex qua constant corpora, & denique pro *diversitate medii* in quo moventur.

Corpora mo-
ventur per
contactum
& impulsio-
nem.

Motus leges
variae sunt
pro ratione
magnitudi-
nis corpo-
rum.

Ut corpora moveantur requiritur *contactus* corporum communicantis motum & motum recipientis, sed ita, ut *vis* sit sufficiens in uno ad alterius, quod ab eo impellitur, translationem. Et quod *leges* attinet hujus *motus communicationi* à natura præscriptas, primo ratione *magnitudinis* corporum: si duo corpora æqualia & æquali celeritate mota sibi occurrant, cum æquali celeritate in partes oppositas resiliunt; si sint inæqualia, quod minus est reflectetur, & ambo æquali celeritate in easdem partes pro-
gredi-

gredientur. Secundo ratione *celeritatis* Pro ratione celeritatis motus,
motus: si sint æqualia sed inæquali ce-
 leritate mota, quod tardius incedebat,
 reflectetur. Tertio varietas materiæ Pro varie-
tate materiæ corporum,
 varias efficit motuum leges, ita diver-
 sas plane ab iis à *Cartesio* excogitatis,
motuum leges variis experimentis obser-
 vavit *Mariotte*, prout majori vel mi-
 nori vi elastica prædita sunt corpora.
 Denique plurimis experimentis probari Et pro di-
versitate me-
dii in quo
movenitur.
 potest, quod *aëris pressio & medii*, in quo
 corpus movetur, major vel minor re-
sistentia, *motus determinationem* varie
 mutet. Adeoque non spectandæ sunt
 istæ *motuum leges* secundum se & quasi
 in abstracto, nihil præter motum & ma-
 teriam spectando, quemadmodum à *Car-*
tesio factum est, sed potius ut in rerum
 natura occurrunt, & rebus ita, ut nunc
 sunt, constitutis.

§. III.

Corpora *mota* feruntur, quoad Corpora co-
nantur mo-
veri per li-
neam rectam
 fieri potest, per *lineam rectam*, hæc
 autem *motus determinatio* ubi ab oc-
 cursu aliorum corporum mutatur, A le Grand.
 fit *motus vel reflexus vel refractus*.

Pars quæque materiæ, quæ movetur, In motu re-
flexo motus
saltem de-
terminatio
mutatur.
rectam, quantum potest, affectat *lineam*,
 quoties

quoties tamen aliorum corporum ec-
cursu à recto tramite deflectere cogitur,
manet quidem idem motus, sed ejus *de-*
terminatio mutatur.

§. IV.

*Circulus vel
successio
corporum fit
in omni
motu.*

Quando autem corpora, quæ ob-
via sunt alii corpori, quod movetur,
cedere possunt, deflectunt quasi per
circulum, & occupant locum à priori
corpore relictum, & hoc *circulo* sub-
lato, cessat ipse *motus*.

*Quo pacto
corpora de-
flectunt qua-
si in circula-
rem motum.*

Cum impenetrabiles sint materiae
partes & omnia in mundo plena suppe-
nantur, scilicet quoad plena esse possunt,
necessarium est in omni motu integrum
corporum *circulum* moveri, quando sci-
licet corpus, quod movetur, cogit alia
corpora, quæ ipsi obvia sunt & cedere
possunt, deflectere in *circularem motum*,
& succedere in locum à priori corpore
relictum. Atque hoc *circulo* sublato vel
denegato corpori, cessat ipse motus hinc
fit, quod ex puteo undique arte clauso
aqua exhauriri non possit beneficio an-
tilæ, nec è dolio vinum effluere possit,
nisi aperiatur in superiori parte dolii
foramen, per quod aer in locum exeun-
tis vini ingredi possit.

§. VI.

§. V.

A *motu* dependent mutationes & *Qualitates a motu dependent.*
qualitates omnes, quæ in rebus naturalibus à causis secundis produ-
 cuntur, dum per illum varie trans-
 formatur materia, atque per variam
 particularum dispositionem, mag-
 nitudinem & figuram diversa specie
 existit. *Phil. Burg. p. 1. Tr. 3. Diff. 1.*

Ita ex *motu* partium materiæ vide-
 mus diversas inter illas oriri *connexio- Prout connexio & figura particularum variata & diversæ oriuntur qualitates.*
nes & figuras. Et illæ diversæ *determi-*
nationes, quia corpora distinguunt &
 specialem illis tribuunt essentiam, pro-
 pter quam talia dicuntur, vocantur *qua-*
litates. Sic Adamas ex bruto vel aspero
 fit lævis, idque folius agentis mecha-
 nici vi, dum exstantes partes deterun-
 tur & expoliuntur. Vitrum contusum
 ex perspicuo fit opacum, ignis vi fustum
 iterum fit perspicuum. Corallia rubra
 in pulverem contrita, fiunt alba. Clavus
 sola mallei percussione incalescit.

§. VI.

Qualitatis ergo nomine significa-
 mus illud, quod in corporibus nobis
 occurrit tanquam causa hujus vel
 illius *Quid proprie per qualitates intelligendum.*

illius sensus in nobis producti ab actione objectorum, illa autem causa consistit in varia *figura & dispositione partium* materiæ.

*Differen-
tia inter al-
terationem
& generati-
onem.*

*In generati-
one nova non
oritur sub-
stantia, nec
in corrupti-
one aliqua
perit.*

*Peripateti-
corum for-
mæ, faculta-
tes & poten-
tiæ opera-
trices saltem
ex effectio-
nibus me-
chanicis flu-
unt.*

Atque hinc omnis generum & specie-
rum oritur differentia, & *alteratæ* res
dicuntur, quando leviter saltem mutan-
tur, nec nomine suo & specie excidunt,
sed quando ea corpori accidit mutatio,
ut novum nomen & speciem acquirat,
tunc *genitum* dicitur vel *corruptum*; non
quod vel in *generatione* nova emergat
substantia, quæ antea non fuit, vel in *cor-*
ruptione aliqua plane pereat, sed quia
nova saltem oritur congeries *qualitatum*
& *affectionum*, quæ à solo *motu & magni-*
tudine partium dependent. Sic motu &
sola partium transpositione à lacte con-
cusso fieri videmus butyrum, lignum in
flammam, cineres & fulginem abire.
Ita frustra quis cum Peripateticis, aut
formas intus delitescentes, aut potentias
operatrices, aut facultates & nescio
quæ speciosa nomina quæsierit in horo-
logio, cum tota illius ratio ex motu &
structura partium dependeat, ubi con-
voluti chalybis & rotarum coaptatio
tam constantes motus efficiunt. Certe
potentia illa, qua clavis feram aperit vel
claudit, nihil est à materia & figura cla-
vis distinctum.

QUÆST.

Q U Æ S T. I.

An eadem motus quantitas fuit ab initio, quæ hodieque manet?

Ita quidem placuit *Cartesio*, qui eandem *motus quantitatem* in primo rerum exordio à Deo inditam fuisse corporibus censuit, quæ eadem etiamnum manet, dum à Deo conservatur, ita ut quantum uni corpori accedit, tantum detrahatur alteri. Id vero rectius pro incerto relinquitur; certum autem est, Deum, qui materiæ creatæ motum ab initio indidit, posse vel eundem numero conservare, vel pro liberrima sua voluntate augere & minuere. *Cartes. Princip. p. 2. Art. 36. Voyage to the World of Cartes. pag. 63. Ale Grand, p. 5. c. 6.*

Incertum est, an motus quantitas in hoc universo semper eadem maneat.

Q U Æ S T. II.

An conantur omnia corpora in eodem statu permanere, in quo sunt?

Id haud dubie statui potest, cum observemus corpora, sive moveantur sive quiescant, nunquam illum *statum* mutare, nisi ab alio corpore vel impellantur ad motum, vel in motu fistantur. Ita

Corpora non moventur ex se ipsis, nec quiescunt nisi ab aliis fistantur.

COR.

corpus, cui semel inditus est motus, eundem suum motum continuaret semper, nisi ab occurſu aliorum corporum in illo motu ſiſteretur, corpus autem ſemel quieſcens nunquam movebitur, niſi ad motum ab alio impellatur. Nulla enim ratio eſt cur illum ſuum *ſtatum*, in quo ſemel conſtituta ſunt corpora, mutarent, niſi ſuperveniat aliquod tertium corpus, quod illa eſt ſtatu ſuo deturbat.

Alc Grand, p. 4. c. 15, 16.

Q U Æ S T. III.

An fiant motus quidam propter fugam vacui?

Aqua in antlia & ſiphone aſcendit propter preſſionem & gravitatem aeris.

Ea fuit nonnullorum Philoſophorum opinio, fieri omnes illos motus per fugam vacui, quos recentiores rectius per pondus & gravitatem aeris explicant. Nimirum, cum beneficio antliæ vel ſiphonis aqua ex puteo vel vaſe quodam educi & exhauriri poſſit, ita ut embolo vel piſtillo attracto, ſtatim illum motum ſequatur aqua, & aſcendat intra antliam & ſiphonem, illam aquæ aſcenſionem ideo fieri aſſeruerunt, ne daretur in natura vacuum, ſcilicet ne ſpatium illud, quod poſt attractum embolum relinquitur in antlia, omni prorſus corpore deſtituere.

tueretur, & ita series hujus universi interrumperetur. Sed vanus est ille metus, nec enim vacuus fieret locus, qui potius Quomodo intelligendum vacuum in machina Boyleana. impleretur à materia subtiliori, per poros antliæ vel siphonis intrante, quem admodum videmus ope machinæ pneumaticæ Boyleanæ, ex vitro quodam vel recipiente, ut vocant, exhauriri posse aërem, licet nullum aliud in ejus locum intra vitrum succedat corpus, præter materiam subtilem, quæ poros vitri subit, expressa quasi ex poris aëris externi compressi.

Cæterum per fugam vacui fieret ille Aqua quousque ascendit in antliis aspirantibus. motus in antliis, quare saltem fit ascensio illa ad certam altitudinem, cum nunquam ultra pedes 32 aqua beneficio antliæ aspirantis attolli possit, etiam quacunque vi adhibita? Cur deinde ex puteo undique arctissime clauso nulla aqua ope antliæ hauriri potest? id quod quotidiano videmus experimento. Nimirum cum illi omnes motus fiant à pressione & gravitate aëris, manifestum est, aquam nec ultra pedes 32 intra antliam ascendere posse, quia tunc fit quasi æquilibrium quoddam aquæ ascendentis & columnæ aëris prementis, nec eandem ex puteo undique arcte clauso educi posse, quia tunc præcluditur via aëri, qui superficiem aquæ premeret.

Phil.

Phil. Burg. p. 1. *Tr.* 2. *Diff.* 3. c. 8. *Robault*, p. 1. c. 12. *Exper. Magdeb. A Le Grand.*

Q U Æ S T. IV.

An detur attractio in motu illo, qui fit per suctionem.

*In suctione
pellitur li-
quor a motu
pectoris.*

Effectus ille revera provenit ab *impulsione*, adeoque nec in follium *inspiratione* & *expiratione*, nec in *respiratione animalium*, nec in *fluidorum per antlias & siphones motu*, eodem habet *attractio*. Ita liquor ille, quem ore *ingere* dicimur, non *attrahitur*, sed à motu pectoris intra os *pellitur*. *Exp. Magdeb.*

C O N C L U S I O N E S.

1. Moveri dicimus illa corpora, quæ locum mutant.

2. Cum autem nulla corpora ex se moveantur, sed ab aliis impellantur, proficiscitur illa impulsio ab alio corpore, cui motus ille itidem ab alio impressus & communicatus est.

3. Et ita plures causæ intermediæ dependent à materia subtili, tanquam causa inter secundas prima.

4. Sed illa ipsa materia subtilis nul-
lum

lum in se motum haberet, nisi illi inditus fuisset à primo motore, nempe Deo.

5. Unumquodque corpus permanet in eodem statu in quo est, nisi ab alio corpore vel impellitur ad motum, vel in motu sistitur.

6. Impulsio corporum diversimode fit juxta varias leges, quæ tamen ita considerandæ, ut & respectus habeatur ad medium, in quo fit motus, & vim elasticam, qua prædita sunt corpora, non saltem ad nudam materiam & motum.

7. Corpora mota feruntur, quantum possunt, per lineam rectam,

8. Id tamen non obstat quin circulus fiat in omni motu, & successio corporum, quam impenetrabilitas partium materiæ requirit.

9. Per impulsione[m] enim fit omnis motus, neutiquam per attractionem vel suctionem, multo minus per fugam vacui.

10. Per qualitates nihil intelligi debet nisi certa quædam dispositio, figura & magnitudo particularum materiæ, quæ efficiunt ut has vel illas proprietates sensibus nostris exhibeant corpora.

11. Et ab illa particularum diversitate, quæ à motu dependet, oritur omnis in qualitatibus varietas.

12. Nec

12. Nec aliunde dependent variae illae potentiae operatrices & formae intus delitescentes, ad quas provocarunt antiqui, quam ab affectionibus mechanicis, quae à motu oriuntur.

C A P. V.

De Calore & Frigore.

§. I.

Calor in motu rapido & perturbato consistit.

Calor consistit in *motu* particularem, sed tali, qui *rapidus* est & *perturbatus*, atque a materia quadam subtiliori proficiscitur, quae poros corporum ingressa, eorum particulas varie & celerrime exagitat.

Insensibilium partium agitatio in calore provenit a materia subtili.

Cum & corpora possint *calida* fieri, quibus nihil accidit praeter *motum*, ut manus frigore affecta, si fricentur, calx aqua frigida irrorata, aqua fortis cum limatura chalybis confusa, oleum vitrioli cum oleo tartari, & nihil incalescat sine *motu*, credibile est *calorem* nihil esse praeter *insensibilium partium* *variā* in omnes partes *agitationem*, quam efficit sub-

subtilis & ætherea materia, quæ omnium corporum poros implet. Et cum fluida corpora partes habeant, non modo dis-
 junctas, sed etiam motu indeterminato <sup>Motus par-
 ticularum
 celerissimus</sup> & vario commotas, neque idcirco <sup>ad calorem
 requiritur.</sup> *ad sensum calida* sunt, censendum est, ce-
 lerrimum motum ad calorem requiri,
 qui deest fluidis corporibus. Dico *ad
 sensum calida*, quia in omnibus fluidis <sup>In omnibus
 fluidis adest
 calor.</sup> adest calor quidem, cum à materia sub-
 tili agitentur & fluidæ conserventur
 illorum particulae, licet ille calor com-
 paratus cum corpore nostro non ita sit
 sensibilis. Ita idem balneum uni homini
 calidum, alteri frigidum videri potest,
 prout est agitatio & calor humorum in
 corpore accedentis ab balneum. *Phil.
 Burg. p. 1. Tr. 3. Diss. 2. Robault, p. 1.
 c. 23.*

§. II.

Quando ille *motus* particularum <sup>Frigus est
 absentia vel
 imminutio
 caloris.</sup> cessat, vel non adeo rapidus est &
 perturbatus, aut propter absentiam
 materiae subtilis, aut propter par-
 tículas ejus adeo subtiles & exigua-
 as, ut non sufficiant commovendis
 partibus corporis, *frigus* adesse di-
 citur.

Et

An ad expli-
candum fri-
gus necesse
sit adducere
effluvia fri-
gorifica?

Congelatio
liquorum ar-
tificiosa.

Bacon Nat.
Hist. Cent. 1.

Et ideo marmor, glacies, &c. dicun-
tur corpora *frigida*, quod poros habeant
sic constitutos, ut solas subtilissimi æ-
theris minutissimas partes excipiant.
Itaque cum, prout majori vel minori
copia adest materia subtilis, ita & cor-
pora vel *calida* vel *frigida* dicantur, tuto
asserri potest, *frigus* nihil esse præter ab-
sentiam & imminutionem caloris, quic-
quid pro *effluviis frigorificis* adducat du
Hammel, quibus omnes frigoris effectus
deberi statuit; etenim, licet frigus qui-
dem non aliter quam per caloris & mo-
tus imminutionem explicari posse con-
cedat, arbitratur tamen, illud ipsum,
quod caloris vim sistit, esse quid reale
& positivum, id quod evinci posse credit
ex *artificiosa* liquorum *congelatione*, quan-
do nix vel glacies cum sale aut nitro
permixta & vasi cuidam vel tubo vitreo
circumfusa, aquam in tubo contentam
in glaciem convertit, etiam media æ-
state, aut prope ignem, quod vix citra
substantiales effluxus ab illa nivis & salis
mixture prodeuntes, intelligi posse con-
tendit.

At non opus videtur ad peculiara
effluvia frigorifica hic recurrere, cum ea-
dem effluvia, *materia nempe subtilis*,
quando in circumfusas nivis vel glaciei
particulas agit, ita ut illæ in aquam sol-
vantur,

vantur, relinquat aquæ particulas in tubo contentas, quæ ideoque propter ejus absentiam vinctæ & quiescentes concreſcunt in glaciem. Nec minus *positivum* quid est, particulas in frigidis corporibus *quiescere*, quam easdem in calidis *moveri*. *Boyle of Cold.*

Q U Æ S T. I.

Quo sensu dicendum est calorem inesse igni?

Calor sumitur vel pro *potestate* qua- Caloris du-
plex est fig-
nificatio.
dam certis corporibus insita excitandi
in nobis talem sensum, vel pro illo *sensu*
qui in nobis oritur ex vicinia rerum,
quæ calidæ dicuntur. Et cum non sint
nobis distincta vocabula ad exprimen-
dam & illam *actionem objectorum*, quæ
consistit in motu vario & perturbato
particularum minimarum, & *passionem*
nostram, quæ consistit in alteratione,
quæ ex motu isto accidit partibus cor-
poris nostri, quæ facultate sentiendi
præditæ sunt, plerumque idem caloris
nomen & attribuitur qualitati nos affi-
cienti, & ipsi sensui nostro, qui ex illa
in nobis resultat. Non credendum ergo
est, simile quid illi nostræ passioni inesse
Calor quo
sensu attri-
buendus est
igni.
igni. Sed est vis quædam in igne, per-

D

turbata

*Candor nivis
in quo con-
sistit.*

turbata videlicet & celerrima partium agitatio, quæ in nostris corporibus, quæ facultate sentiendi prædita sunt, excitat illum sensum, quem calorem vocamus, sed in reliquis corporibus quæ sensu destituta sunt, non aliud efficit nisi motum. Ita & de aliis dicendum est, ex. gr. candore nivis, nisi enim lux in eas particulas, ex quibus componitur, incidat, atque ad oculos nostros resiliat, non magis candor dici potest, quam verberatus aer & occurso corporis concavi percussus, echo dici potest, nisi ad aures nostras appulerit. In nonnullis autem *sensibilium qualitatum* adfunt distincta vocabula pro exprimenda & actione objectorum & passione nostra. Ita objecta dicuntur *sapida*, lingua autem *gustat*, objecta *odorata* dignoscimus *olfactu*.

Q U Æ S T. II.

Quo pacto non solum à calore sed & à frigore interdum proveniat rarefactio.

*Rarefactio
à calore pro-
diens.*

Inter caloris effectus non ultima est *rarefactio*, dum enim rei calefactæ partes celeri & perturbato motu agitantur, majorem locum postulant. Hinc metalla fusa nonnihil attolluntur. Ferrum igitur

nitum longius est eodem antea frigido. Idem & de ligno verum est, quod calori expositum longius fit. *Frigus* autem quamdiu moderatum est, caloris duntaxat agitationem inhibet, corpora contrahit atque densat, cum verò valde intensum est, ærem quidem in angustum colligit, quia illius motum expansivum & elasticum coërcet, aquæ vero partes dilatat, adeo ut *rarefactio* non à solo calore, sed & à frigore interdum oriatur. Hinc aqua tubo inclusa, per artificiosam congelationem nona sui parte aut decima interdum attollitur & majus occupat spatium. Atque hæc ratio est, cur glacies aquæ supernatet, quia pro mole sua levior est. Ita tubi & vasa plerumque franguntur, cum aquæ contentæ pars summa primo in glaciem abit, quin & ferrei tubi sclopetorum aqua pleni & diligentissime occlusi, à frigore cum impetu disrumpuntur. Nec alia ratio est cur multa vi *frigoris* corrumpuntur, quam quia per *frigus* dilatatae aquosæ partes ita immutant particularum structuram, ut restitui nequeat.

*Rarefactio
a frigore.*

*Frigus quare
quedam
corrumpit?*

Q U Æ S T. III.

*Quomodo de caloris & frigoris intensi-
sione rectissime judicari potest?*

*Thermome-
tri beneficio
observandi
caloris &
frigoris gra-
dus.*

De caloris aut frigoris intensiōne non rectius judicari potest, quam beneficio *thermometri*, in quo vel aqua vel spiritus vini sponte sua sursum ascendit aut deorsum labitur, prout vel calida vel frigida est aëris temperies; atque inde de caloris & frigoris gradibus certius haberi potest indicium, quam per sensum tactus, qui de iisdem saltem comparate judicat, prout scilicet se habent ad calorem partium corporis nostri. Ita eadem res uni frigida, alteri calida videri potest.

C O N C L U S I O N E S.

1. Calor sumitur vel pro potentia quæ inest corporibus calidis, vel etiam pro illo sensu, qui ex iis in nobis excitatur.
2. Illa actio objectorum calidorum consistit in motu vario & perturbato particularum minimarum;
3. Passio autem nostra in illa alteratione, quæ ex isto motu accidit partibus corporis nostri, quæ facultate sentiendi prædita sunt.

4. Non

4. Non ergo credendum est simile quid isti nostræ passioni inesse igni,

5. Sed est aliquid in igne, quod in nobis excitat calorem.

6. Hunc autem calorem sensibilem non omnis motus producit, sed ille saltem, quo particulæ varie & celerrime agitantur.

7. Frigus nihil est præter absentiam & imminutionem caloris,

8. Cum nondum liquido nobis persuasum sit dari alia effluvia frigorifica,

9. Sed prout vel majori vel minori copia in corporibus adest materia subtilis, ita vel calida vel frigida dicuntur.

C A P. VI.

De Corpore Fluido & Solido, Raro & denso.

§. I.

Fluidum corpus illud est, cujus Corpus fluidum in quo consistit. particulæ omnes, quæ proprie ejus massam constituunt, exiguæ sunt & aptissima ad motum, ideoque tactui cedunt, & quam facillime separantur, atque à materia subtiliori, inter eas se commovente, varie agitantur. Con-

Ad fluiditatem requiritur exiguitas partium.

Partium insensibilium motus est in fluiditate.

Motus partium in fluidis provenit a materia subtili.

Consistit ergo *fluiditas* in *exiguitate partium*, & *figura ad motum expedita*, simulque *motu ipso*, qui ab æthere aut aëre vel humore intercurrente provenit. Et primo quidem, quod *exiguitas partium* ad fluiditatem requiratur, demonstrant pulveres tenuissimi, qui liquorum speciem præbent, nec metallorum fusio aliud esse videtur, quam partium comminutio. Sic alabastrum in minutissimum pulverem comminutum igni admotum liquoris ebullientis speciem præbet, & bacillo agitatum non magis resistit, quam metallum fustum, quia & fumos videtur emittere, cum tamen saltem sit minutissimus pulvis, qui partium agitatione fluidum corpus repræsentat. Deinde quod in *partium insensibilium motu* consistat *fluiditas*, exinde patet, quod in liquoribus varia corpora dissolvantur & diffuant, quæ inter corporis solidi partes in suo statu conservantur. Sales in aqua, imo aëre humido dissolvuntur, metalla in aquis Stygiis, id quod non aliter quam per motum fieri potest, cum sint hæc corpora ipso humore, in quo dissolvuntur, graviora.

Atque uti partes corporum solidorum, quæ à fluidis solutæ sunt, in hoc motu detinantur à particularum fluidi motu,

ita

ita supponendum est, illas *fluidorum* partes liquiditatem suam conservare & perpetuo agitari motu à materia qua-
 dam subtiliori illas permeante, quæ iti-
 dem in motu est, quæque constare de-
 bet ex ejusmodi particulis, quibus no-
 men materiæ primi & secundi elementi
 indidit *Cartesius*. Ab hac materia quan-
 do ita agitantur particulae liquorum, ut
 ab invicem segregentur & per aërem
 dispergantur, evaporare dicuntur, ubi
 vero remissus est & valde subtilis hic
 motus, conservare non potest illam cor-
 porum quorundam liquiditatem, & hoc
 modo aqua in glaciem abit. *Boyle of*
Fluidity and Firmness. Rohault, p. 1.
c. 22. Cartes. Pr. p. 2. Art. 54, &c. A
Le Grand. p. 4. c. 21.

*Ubi vehe-
mens est
particula-
rum motus,
fit evapora-
tio.*

*Ubi remissus
& subtilis,
concretio
corporis.*

§. II.

Solidum corpus vel *firmum* dici-
 mus, cujus particulae non nisi *diffi-*
cillime dividuntur, adeoque magis
motui resistunt & juxta se ita *quie-*
scunt, ut earum nexus & series non
 interrumpatur ab alia materia, inter
 eas se commovente.

*Solidi cor-
poris natu-
ra.*

Dicimus *solidorum* corporum natu-
 ram consistere in tali quiete & nexu
 D 4 par-

*Qualis par-
ticularum
quies est in
solido cor-
pore.*

*Partes cor-
porum soli-
dorum non
raro locum
mutant.*

particularum, qui non interrumpitur ab alia materia inter eas se commoven- te, quia est in corporum, etiam solidissi- morum, poris materia, quæ continuo movetur, exit & intrat, sed quando par- tículas corporum non ita sensibiliter exagitat, ut situm mutare deprehen- dantur, tunc *solida* dicimus illa corpo- ra; Addimus *sensibiliter*, quia revera e- tiam solidissimorum corporum parti- culæ situm mutare possunt, ut vidit *D. Boyle* in turcoide maculas subinde locum mutasse, & in Achate nebulam interdum evanuisse. Et quod in duris corporibus partes insensibiles non omni prorsus motu carcant, licet is motus a- deo tardus sit, ut sensu percipi non possit, patet in ossibus animalium, quæ crescunt & augentur, imo & asseribus abietinis, ex quibus gummi non raro erumpit. *Phil. Burg.* p. 1. Tr. 3. Diff. 3. *Bacon's Nat. Hist.* pag. 22.

§. III.

*Qualitates
quæ tactiles
vocantur,
unde depen-
dent?*

Qualitates illæ, quæ vulgo *tactiles* vocantur, uti *mollities*, *durities* &c. dependent vel à varia conditione superficiei objectorum, vel à vario situ, figura & connexionem partium omnium corporis.

Sic

Sic corpus *solidum*, prout partes habet varie conformatas, ita vel *molle* est vel *durum*, vel *flexile* vel *fragile* vel *ductile*. Corpora mollia dura, fragilia, flexibilia & ductilia.

Et quemadmodum *mollia* corpora facilius penetrat materia subtilis, quam *dura*, ita *fragilium* partes sese velut in puncto tangunt, *flexibilium* autem & *ductilium* particulae magis sibi mutuo implexae sunt. Vitrum quidem fragilius est, sed durius plumbo, quod partes vitri sese velut in puncto tangant, sed plumbi ut & auri partes sunt magis ramosae. *Phil. Burg. p. i. c. ult.*

§. IV.

Rarum corpus illud dicitur, cujus pori apertiores sunt, & alia materia heterogenea implentur, à qua distenditur & majus occupat spatium, quam ante; *Densum* autem id, cujus pori pauciores & minores, ita ut in parvo spatio eadem corporis moles contineatur, cum particulae arctius & propius sibi invicem junctae sint sive illud corpus densum sit solidum sive fluidum. Corpus rarum & densum.

Non enim omne corpus *durum* est *densum*, nec omne corpus *liquidum* est *rarefactum*; glacies enim rarior est aqua, Differentia inter durum corpus & densum.

Corpus rarefit per ingressum alterius materie per ejusdem poros.

Quantitas in rarefactione non augetur.

qua, & ferrum ignitum rarefactum est respectu ejusdem antea frigidi. Corpus ergo *rarum* est illud quod pauca constans materia magnum occupat spatium, seu quod parum habet materie in multis locis dispersæ, & corpus densum id, quod in parvo spatio multa constat materia. Intelligenda vero hic est illa materia, quæ huic corpori propria est, & sic insensibilis illa materia, quæ, quando ingreditur poros corporum, quæ dilat, fit rarefactio, & quando egreditur, fit condensatio, consideratur tanquam materia extranea, quæ non pertinet ad corpus, quod subiit & è quo egressa est. Adeoque non necesse est molis ipsius aut dimensionum incrementa in rarefactione fingere, cum ipsa quantitas materie corpori propria non augeatur. *Phil. Burg. p. 1. Tr. 3. Diff. 1. c. 3. Observ. touching Raref. and Condens. 8^o Lond. 1677. Camerarius, P. 2. Qu. 29. A Le Grand, p. 4. c. 10. 22.*

Q U Æ S T. I.

Qua ratione aqua fit rara quando congelatur.

Aquearum particularium natura.

Quando aqua in glaciem abit, ex corpore fluido fit solidum, & ex denso rarum. Aquæ ipsius natura ita commodissime

diffime concipi & explicari potest, si
ejus particulæ flexiles, oblongæ & lu-
bricæ concipiantur, ita ut facillime ab
interfluente materia ætherea commo-
veri, flecti & arctius inter se invicem
applicari possint; quando autem eadem
particulæ non amplius à materia illa
subtiliori commoventur, quiescentes
sunt, rigidæ, & majus spatium exigunt,
ita ut eadem inter illas in utroque hoc
statu sit differentia, quæ est inter an-
guillas vivas & frigore obrigescentes,
illæ enim in arctum spatium cogi pos-
sunt, hæ vero neutiquam. Atque hæc Aque rare-
factio in
glacie.
ratio est cur *aqua*, beneficio frigoris in
glaciem conversa, ex *denso* corpore fit
rarum, quia recedente materia subtili,
quæ antea particulas lubricas & flexiles
commovendo, eas facile arctius inter se
cogebat, eadem particulæ rigidæ & im-
mobiles fiunt, majusque spatium, in quo
quiescant, requirunt, quia non tam apte
aliæ aliis incumbunt. Atque hanc rare-
factionem à frigore ortam tam necessa-
rio exigit Natura, ut etiam ideo soli-
dissima corpora disrumpat, quemadmo-
dum notum est de lapidibus quibusdam,
qui ubi madidi per hyemem exponuntur
intenso frigori, dissiliunt & rumpuntur.
Ita & vitra, globi ferrei bellici &c. rum-
puntur, quando per *artificiosam conge-*
latio-

lationem præ frigore concrefcens aqua contenta extenditur & crescenti moli suæ exitum quærit.

Q U Æ S T. II.

An partes solidi corporis per solam quietem & immediatum contactum inter se cohæreant? Cartes.Pr. p.2. Art. 55, 56.

Aeris pressio ad duritiem corporum confert.

Non quieti solum & immediato partium contactui, sed subtilis aëris pressioni corporum *duritiem* deberi credibile est, cui firmitati etiam accedit figura & contextus partium interior. Ita celebre est illud experimentum Magdeburgi tentatum, quod duo marmora à crassiore aëre pressa tam arcte cohærent, ut vix divelli possint.

CONCLUSIONES.

1. Fluida corpora partes habent motu vario agitata.
2. Ille motus particularum in fluidis proficiscitur à materia subtili poros omnium corporum permeante.
3. Et ubi vehemens est talis particularum motus, fit evaporatio,
4. Quem

4. Quemadmodum ab eodem motu nimis remisso & subtili fit corporis concretio.

5. Solidi corporis natura consistit in quiete & nexu particularum,

6. Est tamen in corporum etiam solidissimorum poris materia, quæ continuo movetur.

7. Corpus solidum prout partes habet varie conformatas, ita vel molle est vel durum, vel flexile, vel fragile vel ductile.

8. Non omne corpus durum est densum, nec omne corpus liquidum rarefactum.

9. Densum corpus est, quod pauciores & angustiores poros habet, & sub eadem mole materiæ minus spatii occupat.

10. Rarum autem fit, quando ab alia materia replente poros distenditur eadem moles materiæ, & majus spatium occupat.

11. Ipsius autem materiæ, corpori propriæ, quantitas in rarefactione non augetur, sed saltem eadem ejus moles majus exigit spatium.

C A P. VII.

De Lumine & Colore.

§. I.

Lumen &
colores.

Lumen consistit in *motu* quodam corporis *lucidi* impresso æthereæ substantiæ inter oculum, & objectum intermediæ, & prout varie à superficie objecti *reflectuntur* & *franguntur radii*, ita & varii in oculis nostris pinguntur *colores*.
Boyle of Colours.

Duplex lu-
minis & co-
loris signifi-
catio.

Lumen in
motu parti-
cularum cor-
poris lucidi
consistit.

Per *luminis* & *coloris* voces non solum intelligitur id quod in ipsis objectis est, tanquam causa talis sensus in nobis producti, sed & ipse ille sensus, qui in nobis oritur ex conspectu Solis, flammæ & objectorum variorum, quæ *lucida* & *colorata* vocantur, non secus ac *doloris* nomine indicamus illum sensum, quem infixa acicula imprimit partibus corporis nostri, quæ facultate sentiendi præditæ sunt. Et quidem cum objecta, quæ *lucida* vocantur, non immediate oculis nostris applicentur, sed intermediis aliis corporibus diaphanis agant, credibile

bile est *lucem* consistere in motu quodam à partibus corporis *lucidi* communicato æthereæ illi substantiæ, quæ poros corporum diaphanorum implet, ita ut à corpore *lucido*, tanquam à centro ad circumferentiam *radiis* imperturbatis diffundatur. Quod *lucidi* corporis natura consistat in *motu* particularum, haud difficulter probari potest, cum nullo corpus luceat, nisi idem moveatur. Sic lapis Bononiensis cum calcinatus est & radiis solaribus expositus, noctu lucet, idem & videmus in lignis putridis & piscibus quibusdam cum putrescere incipiunt, tunc enim habent partes celeri & intestino motu agitas, de quibus vid. *Th. Bartholini* b. m. Parentis mei Lib. de Luc. Animal. Maxime autem hoc confirmatur ex adamante illo Regis Britanniæ, de quo *D. Boyle*, qui lucem sparsit eo majorem, quo duriori corpori affrictus fuit. Ad *lumen* autem requiri videtur *motus* particularum insensibilium celer & brevis, quemadmodum vehemens & validus ad calorem, & ad fluiditatem varius & inæqualis.

Corpora varia lucentia.

Adamas lucem spargens.

Differentia inter motum particularum in luce, calore, & fluiditate.

Quia vero hi *lucis radii* ad oculos nostros à diversis corporibus vel *reflexi* vel varie *refracti* remittuntur, in hac *lucis reflexione & refractione* colorum

Lumen ad colores requiritur.

na-

natura posita est. Etenim cum corpus coloratum nullum in nobis producat sensum in tenebris, sed ut appareat coloratum necessario recipiat lumen, cuius natura est, ut reflectatur in occurso corporum, quæ penetrare non potest, facile apparet, quod *lumen* sit illud, quod in organa nostra agit, ut sentiamus *colorem*, & quod omnis actio corporis colorati consistat in remittendis radiis lucis, sed cum aliqua in diversis corporibus differentia, unde tam varius in oculo producitur colorum sensus. Atque hinc patet *radios luminis* revera *corporeos* esse, quia iis competunt corporis proprietates, uti frangi & reflecti. *Ale Grand*, p. 5. c. 15. *Robault*, p. 1. c. 27. *Cartes. Diopt.* c. 1. *Phil. Burg.* p. 2. Tr. 1. Diff. 2. & p. 3. Tr. 1. c. ult.

Radii luminis sunt corporei.

§. II.

Reflexio radiorum luminis.

Reflexio accidit *radio lucis* quando occurrit corpori opaco, à quo reflectitur, sed hac lege, ut angulus incidentiæ sit æqualis angulo reflectionis.

Quot modis reflectitur lumen, & qua lege?

Corpora opaca, à quibus *reflectitur* ad oculos nostros *lumen*, sunt duum generum, polita sc. & aspera, illa *radios lucis*

lucis ad certam partem, hæc quaquaver-
sum regerunt, tam in his quam illis est
*angulus reflexionis æqualis angulo inciden-
tiæ*, & hoc principio, tanquam funda-
mento, nititur tota catoptica, seu spe-
culorum scientia, adeoque specula plana
radios lucis eodem ordine & situ remit-
tunt, quo insiderant. Atque hæc *re-
flexio* motus saltem determinationem
mutat, quemadmodum pila oblique in
parietem impacta, in oppositam partem
reflectitur, ad angulum æqualem. *D.
Gregorii Catopt. Elem. Pr. 1. Cartes. Di-
opt. c. 2. Ale Grand, p. 4. c. 19.*

§. III.

Refractio fit, quando *radius lucis* *Refractio
radiorum
lucis.*
ab uno medio in aliud diversum
transit, quod prout vel majori vel
minori facilitate penetrare potest,
ita cursum suum mutat, recedendo
vel à perpendiculo vel ad perpen-
diculum.

Tamdiu enim *radii luminis* recto im- *Causa re-
fractionis.*
pelluntur itinere, donec occurrat mu-
tatio medii, per quod transeunt, tunc
enim *franguntur*, prout in medio illo,
magis vel minus denso, diversam inve-
niunt

niunt resistantiam. Ita *radii luminis*, qui ex aëre in aquam aut vitrum commeant, occurſu corporis durioris ſic *franguntur*, ut ad *perpendiculararem lineam* magis accedant. Hanc *refractionem* manifestiſſime videmus in tranſitu *luminis* per humores, qui in oculis reperiuntur. Etenim, vitrum in utraque parte convexum, cuiusmodi eſt cryſtallinus humor, duplo citius radios colligit quam ſi eſſet ex una parte convexum, planum ex altera, illud enim radios colligit non ſolum in ingreſſu ſed & in egreſſu.

*Radii quo
modo in hu-
moribus o-
culorum
franguntur?*

*Cur Sol a
nobis videa-
tur poſt-
quam ſub
horizontem
deſcendit.*

Radii autem recedunt à perpendicularo, ubi ex aqua in aërem tranſeunt, hinc fit ut nummus in fundo vaſis ſic poſitus, ut ab oculo oblique ſpectantis videri amplius non poſſit, affuſa aqua iterum in aſpectum veniat. Ita & Solem videmus, etiam poſtquam ſub horizontem revera deſcendit, propter *refractionem*, quam patiuntur *radii* ab eo emiſſi in athmoſphæra & vaporibus, qui aëri terræ vicino immixti ſunt. *D. Gregorii Diopt. Elem. Scheiner Fund. Opt. Varii Geogr. l. 1. c. 19.*

QUEST

QUÆST. I.

An luminis diffusio fiat in instanti?

Ita putavit *Cartesius* & cum eo alii; Ecclipses satellitum Jovis confirmant, ad luminis diffusionem requiri aliquod tempus.
 nulla autem ratione probari potest illa *luminis in instanti propagatio*. Requiritur autem aliquam temporis moram, ut *lumen* ad remotissima corpora diffundatur, nuper à Celeberrimo Mathematico *Olao Romero* demonstratum est ex satellitum Jovis ecclipsibus. Cum autem celerrima sit illa propagatio & nullus sensus sit visu acutior, hinc illam in momento temporis perfici arbitramur.

QUÆST. II.

An quidam colores sint reales, quidam vero saltem apparentes?

Omnes colores æque veri & reales Realitas qua coloribus tribuitur dependet a judicio nostro.
 sunt, imo stricte loquendo, nulli sunt reales in ipsis objectis, quia extra oculum nostrum non sunt. Sed est quidem extra oculum nostrum illa superficies objectorum, quæ quando reflectit ad oculos nostros radios lucis varie refractos; tunc in oculo pinguntur colores. Realitas ergo illa, quæ coloribus tribuitur,
 E 2 tur,

tur, non dependet nisi à iudicio nostro, quando percepti *colores* referuntur ad objecta, quibus non insunt, cum in oculo nostro omnes pingantur. *Phil. Burg.* p. 3. Tr. 1. c. ult.

Q U Æ S T. III.

An album & nigrum dici debeant colores.

Albedo & nigredo quid sũnt?

Nigra corpora radiis solaribus exposita, diutius calorem tuentur.

Ruber flavus & cœruleus, colores sunt primarii.

Albedo ex sola luminis reflexione oritur, nec est nisi lumen undiquaque reflexum, ideoque proprie non est *color*, uti nec *nigredo*, cum nigra corpora imbibant & suffocent radios lucis, ita ut ad oculos nostros non reflectantur. Hinc videmus duo corpora, penitus homogenea, quorum unum candidum & alterum nigrum, si simul radiis solaribus exponantur, non simili modo incaloescent, sed nigrum diutius calorem tuetur. Ex refractione autem luminis oriuntur *colores*, inter quos *flavus*, *ruber* & *cœruleus* veluti *primarii* censendi sunt, quia ex iis cum *luce* & *umbra*, seu *albo* & *nigro* temperatis, nascuntur reliqui *colores*. Id quod in vitris coloratis luculenter apparet, si enim flavum vitrum cum cœruleo jungas, lux per utrumque transmissa, viridem colorem

in

in parte opposita depinget, rubrum cum flavo, croceum, rubrum cum cœruleo, purpureum. Ita colores in prismatico vitreo varie mutantur, prout in varia objecta colorata projiciuntur, & in iride ex flavi & cœrulei vicinia nascitur viridis color.

Q U Æ S T. IV.

An Colores sint extra oculum?

Ad lumen tria requiruntur, 1. *materia* illa, quæ *lucida* est, cujus particulae in motu constitutæ sunt. 2. *Materia diaphana & transparens*, quæ lumen transmittit, dum à motu particularum corporis lucidi premuntur globuli illi ætherei, quibus probabiliter constare concipitur. 3. *Oculus* excipiens *radios luminis*, qui, quando simpliciter reflexi sunt ab objectis, *lumen* exhibent in oculo, quando autem varie refracti sunt, *colores* repræsentant. Adeoque *lumen* extra oculum non est nisi motus ille, vel propensio ad motum, seu pressio, *color* autem non est nisi varia conditio superficie corporis, quatenus partes habet varie dispositas; ipse autem ille *sensus*, quem proprie *luminis & coloris* voce exprimimus, nobis proprius est, nec est

extra oculum. Adeoque nec ulli *colores* sunt in tenebris, ubi enim nullum lumen est, ibi nullus color. Imo & notandum est, quod ille, qui cæcus natus est, nullam *colorum* ideam habere possit.

CONCLUSIONES.

1. Corpora, quæ lucent, particulas habent in motu constitutas.

2. Lucem illam transmittunt corpora diaphana, dum per radiorum luminis, seu substantiæ ætheræ, quasi pressionem quandam, æqualiter circumquaque ab objectis lucidis diffunditur.

3. Quæ lucis propagatio, licet sit celerissima, non tamen fit in instanti.

4. Illi autem radii luminis incidentes in objecta opaca, quando ab iisdem simpliciter reflectuntur, excitatur in oculo lumen;

5. Quando vero simul varie franguntur, exhibentur in oculo colores.

6. Et cum lumen in illa pressione ætheræ materiæ, à motu particularum corporis lucidi orta, consistat,

7. Et colores in varia luminis reflectione & refractione,

8. Facile apparet, quod nulli colores sint vel in tenebris vel extra oculum,

9. Nisi sumantur pro sola superficie objecti, quæ prout varie est disposita,
ita

ita & varie remittit radios luminis ad oculum.

10. Non ergo valet illa distinctio vulgata colorum in reales & apparentes,

11. Cum omnes æque sint reales & in oculo nostro pingantur, extra quem nihil sunt præter luminis radios à superficie objectorum varie reflexos & refractos.

12. Primarii colores dici merentur, ruber, flavus & cœruleus, quia ex iis, cum luce & umbra, seu albo & nigro temperatis, oriuntur reliqui.

13. Albus & niger non sunt proprie colores, ille enim saltem est mera luminis in omnem partem reflexio, & hic luminis suffocatio.

C A P. VIII.

De Sono, Sapore & Odore.

§. I.

Sonus consistit in *motu* quodam tremulo, à collisione duorum corporum orto & *aeri* communicato, atque ita ad aures delato.

Sonus in motu tremulo positus.

Motus ille tremulus & reciprocus in sono non solum talis est in ipsis corporibus sonoris eorumque particulis insensibili-

Motus ille tremulus est in particulis insensibilibus tam

corporis solidi, quam aeris.

bilibus, sed & eodem modo per intermedium aërem, repetitis vibrationibus similiter trementem, propagatur ad organum auditus. Et quemadmodum tremulus ille motus à solido & duro corpore in aërem transmitti potest, ita & idem solidis corporibus ab aëre communicatur. Atque hinc videmus chordas ad similitudinem aliarum, quæ eodem modo tensæ sunt, sonum edere, & vi-

Vitrum ad certum vocis humane sonum rumpitur.

trum ad certum vocis humanæ sonum, primo totum tremere, deinde in frusta rumpi. Ita & credendum haud dubie est, corporis solidi partes etiam minimas, ex. gr. campanæ, eodem motu reciproce agitari, quem aëri circumfuso communicant, illum enim partium quasi fremitum & tremorem deprehendimus manu imposita campanæ agitatæ. Nec aliunde crebros illos subsultus particularum in sono elegantius deprehendimus, quam in scypho vitreo, cui aqua infusa est, quando scilicet margines ejus digito circumducto premimus, immoto tamen manente toto corpore vitri, tunc aqua contenta ita agitabitur motu illo tremulo & subsultorio, ut quasi crispetur & bullas excitet, guttulasque in altum projiciat, quem motum ab aëre eodem modo à particulis scyphi sonori exagitato accipit. Nec alium in finem plectrum instru-

strumenti musici colophonia obducunt, quam ut asperitate sua, quasi totidem denticulis, chordas motu reciproco exagitat; quando autem in chordis vel tympanis flaccidis, & tintinnabulis, admota manu, inhibetur ille *subsultus* & *tremulus motus*, etiam sonus tollitur vel mutatur. *Bacon's Nat. Hist. Cent. 1, 2. Phil. Burg. p. 3. diss. 4. c. 3. Robault, p. 1. c. 26.*

§. II.

Sapores consistunt in certa magnitudine & figura partium, unde omnis illorum oritur varietas.

Sapores a certa figura partium dependent.

Quod certa & determinata in particulis gustum afficientibus requiratur moles, inde patet, quod multa corpora sint insipida, non quia destituuntur figura, quæ linguam afficere potest, sed quia requisitam non habent, adeoque eadem iterum sapida fiunt, ubi aliter disponuntur eorum particulæ. Ita argento, cujus massa integra est insipida, in aqua forti dissoluto & in crystallos coagulato, nihil est amarius. Vitrum est insipidum, conflatur tamen ex salibus, quæ maxime linguam feriunt. *Ale Grant, p. 8. c. 13. Ph. Burg. p. 3. diss. 4. c. 1. Robault, p. 1. c. 24.*

A mutata figura partium mutatur sapor.

§. III.

§. III.

*Odores in
quo consist-
unt.*

Odores consistunt in substantiali, sed subtili admodum, partium effluxu.

*In odoribus
fit partium
substantialis
effluxus.*

Effluxus ille est quasi evaporatio quarundam particularum, quæ subtiles sunt, mobiles & cum humido mixtæ, eaque præditæ figura, quæ commovere potest nervorum filamenta per olfactus organum in naribus dispersa. Id quod inde haud dubie apparet, quod per calorem particulæ odoratæ magis effundantur, & frigus easdem in quiete detineat, atque *odorata* magis sint corpora, quamdiu propter adjunctam humiditatem partes illorum sunt mobiles, & denique quod varia dentur corpora dura, quæ tum demum *odorem* emittunt, quando vel accenduntur, vel solum invicem affricantur. Ita marmora nigra & solidissima saxa nonnulla, facta eorum, dum poliuntur, attritione, odorem emittunt, etiam sine externi caloris adminiculo valde sensibilem. Ex fermentatione & motu particularum odor intenditur, quod deprehendimus in uvis, pane & calce, cui aqua affunditur, imo & ex putredine, uti in moscho, Zibetho & quibusdam brutorum stercorebus apparet.

*Odor exci-
tatur ex at-
tritione cor-
porum.*

*Et fermenta-
tione &
putredine.*

ret. Quod autem cum *substantiali effluxu* ^{Effluvia}
 conjuncti sint odores, exinde patet, ^{particula-}
 quod succinum, petroleum, camphora, ^{rum in odore}
 & aromata, imminuantur tandem pon- ^{sunt valde}
 dere; & denique quod valde subtilia ^{subtilia.}
 sint illa effluvia, videmus in quibusdam
 odoratis corporibus, ut chirothecis Hi-
 spanicis, quæ diutissime odorem con-
 servant. *Phil. Burg.* p. 3. diff. 4. c. 2.
Robault p. 1. c. 25.

Q U Æ S T. I.

An Aer soni sit vehiculum?

Aerem esse soni vehiculum haud ob-
 scure patet, ubi animadvertimus, *sonum*
 vix percipi posse vel in aqua vel in ma-
 china pneumatica sublato aëre. Præ-
 terea tormentorum & tonitruï bombus ^{Exper. Mag.}
 vitra fenestrarum non raro confringit, ^{pag. 91.}
 vinum & alios liquores turbat, quæ
 mutatio utique ab aëre commoto profi-
 ciscitur. Adeoque videmus & vento
 secundo rectius ad nos deferri *sonum*, ^{Vento secun-}
 & eundem, quo aër est purior, eo etiam ^{do & aere}
 melius percipi. Quemadmodum ergo ^{puriori re-}
 corpora lucida oculos movent per in- ^{lius perci-}
 termediam materiam ætheream, ita cor- ^{pitur sonus.}
 pora, quæ *sonora* sunt, aures feriunt me-
 diante aëre, cui eundem, quem accepe-
 runt,

*Tardius fit
soni propa-
gatio quam
diffusio lu-
cis.*

runt, imprimunt motum. Citius au-
tem nobis communicatur lux quam so-
nus, ideoque observamus, sonum ab ex-
ploso tormento bellico tardius nonnihil
ad nos deferri, quam lucem flammæ,
una erumpentis. *Ale Grand*, p.8. c.15.

Q U Æ S T. II.

*An credendum est odores esse posse sine
substantiali effluxu, licet videamus
corpora quadam etiam diutissime o-
dorem spirantia, non ita sensibiliter
minui pondere? Bacon's Nat. Hist.
p. 177.*

*Effluvia o-
dorifica re-
vera sub-
stantialia
sunt, licet
vix sensibi-
lia.*

Non ideo effluvia substantialia negari
debent, licet tanta eorum sit subtilitas,
ut sensuum vim plerumque effugiant;
ideoque illa, quæ revera fit, particula-
rum secedentium jactura, non ita de-
prehendi potest. Quam enim subtilia
sunt illa in leporis vel cervi vestigio
hærentia effluvia, quæ tamen à canibus
venaticis post aliquod etiam tempus ol-
factu percipiuntur? Imo & dici haud
inepte potest in iis corporibus, quæ diu-
tissime odorem spirant absque notabili
ponderis imminutione, ab aere circum-
fuso continuo iterum reparari seceden-
tium

tium effluviolorum jacturam, quemadmodum observatum est, vitriolum aqua, oleo & spiritu per distillationem spoli-
atum, novum aquæ, olei & spiritus pro-
ventum trahere ex circumfuso aere, quando saltem sub dio expositum est.

Pondus, quod per effluvia substantialia amittunt corpora odorata, alio modo reparari potest.

CONCLUSIONES.

1. A tremulo & reciproco motu dependet sonus,
2. Qui per aerem, tanquam vehiculum, propagatur ad organum auditus.
3. Illo enim motu posito ponitur sonus, & sublato tollitur.
4. Et eodem etiam partes insensibiles & minutissimæ corporis sonori subsiliunt & tremunt.
5. Qui motus duri & solidi corporis in aerem transmitti potest.
6. Quemadmodum etiam ille idem solidis corporibus ab ipso aere communicari.
7. Sapores dependent à certa quadam particularum dispositione,
8. Id quod inde apparet, quod corpora, quæ sunt insipida, fiant sapida, ubi aliter disponuntur eorum particule.
9. Odores esse non possunt absque substantiali effluxu,
10. Licet corpora interdum diutius odorem spirantia non sensibilibiter minuantur pondere.

CAP.

C A P. IX.

De Gravitate & vi Magnetica.

§. I.

*Gravium
corporum
proprietates.*

Gravitas est qualitas, qua corpora centrum terræ petunt; Illa *gravitatis* actio non impediri potest ab interpositione ullius corporis hætenus nobis noti, & ad eam conferunt partes omnes interiores corporis. *Gravia* corpora illum motum suum inter descendendum accelerant, ita tamen ut certi huic *accelerationi* præstituti sint fines, & descensus propter resistantiam mediæ tandem fiat æquabilis.

*Gravitas &
levitas quomodo
explicentur a
Philosophis.*

Non alia magis qualitas occultæ nomen meretur, quam *gravitas*. Etenim corpora, quæ in aere non sustentata deorsum feruntur, *gravia* dicuntur, & quæ sibi relicta ascendunt, *levia*; sed horum motuum principia non ita clare hætenus explicata sunt. Ut enim *gravitatis* & *levitatis* naturam exponerent Philosophi, dixerunt instinctum quendam inesse

inesse *gravibus* corporibus centrum terræ attingendi, *levibus* vero ab eodem recedendi. Alii omnia corpora ad centrum terræ tendere crediderunt, sed alia majori, alia minori impetu. Nonnulli denique omnia corpora dixerunt ascendere, & à centro recedere conari, sed quædam magis quam alia. Novissime *Cartesius* fingit partes corporis aliqujus, quod in gyrum circa centrum movetur, secessum ab eo moliri, illasque magis, quæ ad motum aptiores sunt, atque ita, cum terram una cum aere & crassioribus corporibus supponat in fluida & ætherea substantia velut fluctuare & turbinato motu vorticis instar circumagi, hanc ætheris materiam majori conatu à centro recedere debere, quam terrestria corpora, quæ ad motum minus idonea sunt, illamque ita recedendo locum crassioribus relinquere & illa deorsum propellere. Nuperrime *Hugenius gravitatem* corporum deduxit ab impetu, quem, ut recedat à centro, facit materia fluida, quam supponit circa centrum Terræ quaquaversum moveri, adeoque & deprimere omnia corpora, quæ hunc ejus motum sequi non possunt. Et licet difficile sit dare talem analogum in natura motum, qui in omnes partes fertur, tamen similem in aë
quæ

quæ particulis motum supponere cogimur, imo & infusione metallorum, præsertim argento, quando per docimasticen probatur, haud obscure talis deprehenditur. *Alc Grand* p. 4. c. 11. *Phil. Burg.* p. 1. tr. 2. diff. 3. *Robault* p. 2. c. 28.

§. II.

*Magnetis
proprietates.*

Magnetis proprietates hæ sunt præcipuæ, quod ferrum ad se trahat, ut vulgo loquuntur, vel alium magnetem, quod certum quendam situm mundo affectet, polum suum australem ad polum mundi borealem convertens, & denique quod hanc vim ferro communicet.

Magnetis actio non fit per qualitatem occultam, sed per manifestum motum localem.

Per occultam fieri qualitatem vulgo dicitur, quod *magnes* in certa quadam distantia ferrum ad se trahat, & quod ipse *magnes* eodem modo ad ferrum vel alium magnetem accedat, deinde quod hæc eadem vis ferrum trahendi communicetur ipsi ferro, quando saltem certæ magnetis parti attritum est, & denique quod *magnes*, & ferrum vi magnetica imbutum, peculiarem in mundo situm affectent, unam semper partem ad Septentrionem obvertendo,

op.

oppositam vero versus meridiem. Atque illi omnes, quos tales in magnete oculorum judicio deprehendimus, effectus, licet per manifestum satis localem motum fiant, tamen quia hujus motus ita ad certam semper partem determinati, causa non adeo sensibus nostris obvia est, ideo hanc quasi occultam qualitatem admiramur. *A le Grand*, p. 6. c. 10. *Cartes. Pr.* p. 4. *Pb. Burg.* p. 2. *Tr.* 3. c. 6. *Robault*, p. 3. c. 8. *Gilbertus*.

§. III.

Notandum autem est, nullam hic proprie fieri *attractionem*, sed revera *impulsionem* esse quandam in utroque corpore, & *magnete* & *ferro*, quæ *impulsio* commodissime explicari potest per motum alterius materiæ intermediæ, itidem in motu constitutæ.

In magnete non est attractio sed impulsio.

Nulla enim in nobis est clara & distincta *attractionis* idea, nisi ea cum *impulsione* conjuncta, nec est ulla in rerum natura *attractio*, nisi saltem ad sensum vulgi. Ita, cum corpus, quod movetur, subsequitur causam moventem, uti cum rem aliquam fune adducimus, *attractionem* dicimus, cum tamen hoc non fiat

Nulla proprie datur attractio.

*Magnetis
motus ori-
tur ab im-
pulsu mate-
riae subtilio-
ris.*

fine impulsione. Atque ita hic in mag-
nete illud attractioni vulgo tribuitur,
quod veræ impulsioni debetur. Adeo-
que quando magnes fertur ad ferrum,
vel etiam ad certum terræ polum dire-
ctus convertitur, id fieri existimabimus
per impulsum alterius corporis inter-
medii, vel materiæ in motu constitutæ,
sed subtilis adeo, ut vim sensuum elu-
dat.

§. IV.

*Materia
Magnetica
motus quo-
modo fit?*

Et determinationem illius motus,
quem habet hæc *materia magnetica*,
haud obscure indicant *directio & in-
clinatio magnetis*, unde concludi-
mus, illam per terræ polos à Sep-
tentrione in austrum, aut vicissim
ferri, eandemque poros magnetis
& ferri eodem modo ingredi. In
quem finem haud inconvenienter
talis figuræ esse supponitur, ut ean-
dem remeare viam eadem particula
non possint, adeoque vel instar co-
chleæ contorta fingitur, vel aliis
figuris prædita, quas iidem effectus
necessario sequi possunt.

Quinam

Quinam enim sit hujus *materiae magneticae* motus, evidentissime patet ex ipsius magnetis & acus nauticae directione, nempe, quod ita à polo australi ad Borealem, aut vicissim, feratur, ut eandem remeare viam eadem particulae non possint. In quem finem aptissimam huic materiae figuram tribuit *Cartesius*, quando illam instar cochleae contortam & striatam fingit, illamque vorticis instar, circa terrae globum ab uno ad alterum polum per lineas axi mundi fere parallelas commeare, cum autem ferrum aut magnetem offendit, per illorum poros, qui terrae, praesertim interioris, poris similes sunt, liberius moveri, & eosdem in sui motus leges inflectere. Et licet haec omnia non nisi mera conjectura niti videantur, intermediam tamen aliquam materiam ejusdem vel similis plane naturae hic requiri, demonstrat illa convenientia, quae est inter effectus omnes à vi magnetica prodeuntes, & illos, quos concipimus à materia modo descripta produci posse, quales sunt, magnetis versus polos mundi conversio & pro diversitate locorum inclinatio varia, magnetis cum ferro vel alio magnete conjunctio, denique excitatio & communicatio virtutis magneticae in ferro. Probari quinetiam potest ille ma-

*Materia
magnetica
particulae
quales sunt?*

teria magneticæ motus, ex acu nautica, quæ varios obtinet situs, prout varie circa magnetem componitur. Præterea in limatura chalybis temere in chartam, sub qua positus est magnes, effusa, gyros & vortices pulchre descriptos videmus, dum succussa charta, limatura illa velut in quosdam annulos se aptat, quorum illi sunt majores, qui in partes polo viciniore redeunt, & prout varie sub charta movetur magnes, ita & limaturæ chalybis in varias partes inflectuntur.

Q U Æ S T. I.

An gravia quæque corpora in suis locis gravitent ?

Gravia quæque corpora in suis locis gravitare, probatur ex aëris æquilibrio cum suspenso hydrargyro aut aliis liquoribus. Hinc patet cur urinatores vix ad fundum maris possint descendere, nisi pedibus appenso pondere, cum enim ab aqua omni ex parte, quasi in æquilibrio, sustineantur, eo majori vi repelluntur, quo altior est aqua. Adeoque quando corpus grave consideramus in aëre vel aqua, non perspecta nobis esse potest ejus gravitas absoluta, sed sal-

saltem pondus, quo superat æqualem
massam vel aëris vel aquæ.

Q U Æ S T. II.

*An vis magnetica jure dici possit qua-
litas occulta.*

Non certe magis quam calor aut reli-
quæ qualitates, quæ etiam manifestissi-
mæ habentur. Etenim ut legitima sit
rerum naturalium indagatio, licet non
raro in occulto lateat vera illa causa,
ex qua tam varios naturæ effectus pro-
ductos miramur, sufficiet tamen Philo-
sopho in subjecti alicujus natura expli-
canda, id reperisse per quod facilis reddi
potest ratio omnium, quos in eo depre-
hendimus, effectuum, sed ita, ut suppo-
sitioni nostræ nulla sint phænomena
contraria. Nec enim aliter explicari
possunt qualitates reliquæ, etiam illæ,
quas manifestissimas esse credimus. Ita
quia per calorem videmus partes situm
mutare, alia donari figura, & etiam
rarefieri ad sensibilem usque evapora-
tionem, ideo caloris naturam consistere
supponimus in motu cujusdam corporis
subtilissimi, quod sensus nostros fugit,
sed cujus præsentiam saltem ex effectu
concludere cogimur, quia illam, quæ in

*Magnetis
qualitas non
magis occul-
ta, quam
calor.*

particulis à calore fit, mutationem, sine motu fieri non posse, manifestum est. Atque hac methodo explicantur illæ qualitates, quæ pro manifestis vulgo habentur; quod si autem idem de occultis reperiri possit, non magis in his quam illis naturæ accusanda erit obscuritas.

Q U Æ S T. III.

Quid sit magnetis inclinatio & quid declinatio?

*Magnetis
inclinatio.*

Acus vi magnetica imbuta & ad æquilibrium posita, statim illud amittit, & cuspis illius australis, quæ ad polum mundi borealem tendit, statim deprimatur, atque eo magis quo polus mundi in ea regione plus attollitur, atque hoc est quod *magnetis inclinationem* vocant, quæ sub æquatore fere nulla est. Ideo nautæ ceram vel aliud corpus leuiusculum alteri extremo acus nauticæ solent adjicere, ut æquilibrium tueatur. Nec absimili modo concipi potest hæc *acus nauticæ* ad terram compositio, ac videmus acum chalybeam filo suspensam ad *magnetem* ipsum se convertere: hæc enim polo magnetis admota huic insistit ad perpendicularum, versus æquatorem *magnetis* magis ac magis inclinatur, &
in

in ipso æquatore situm *magneti* paralle-
lum obtinet. Adeo ut valde probabile
sit è terra ipsa, præsertim interiori, tan-
quam ex magnete profluvia quædam
continenter à Septentrione in austrum
& vicissim ferri. Quia autem ista terræ
interioris constitutio in diversis locis
varia esse potest, & diversimode etiam
mutari, hinc forsan ratio duci posset,
cur magnes, licet semper polum suum
australem ad polum mundi borealem
convertat, tamen nonnunquam paucis
gradibus à Septentrione *declinet*, quæ
variatio etiam in iisdem locis non raro
mutatur.

*E terra pro-
fluant efflu-
via magne-
tica.*

*Magnetis
declinatio.*

CONCLUSIONES.

1. Gravia Corpora centrum terræ pe-
tunt,
2. Ita ut inter descendendum acce-
leretur eorum motus, donec æquabi-
lis fiat.
3. Et hæc qualitas, si quæ alia, oc-
cultæ dici meretur, licet variis modis à
Philosophis explicata.
4. Maxime vero probabile est cor-
pora deprimi ab impulsu materiæ flui-
dæ & subtilis.
5. Cujus motus supponi omnino debet
quaquaversum circa centrum terræ fieri.

particulis à calore fit, mutationem, sine motu fieri non posse, manifestum est. Atque hac methodo explicantur illæ qualitates, quæ pro manifestis vulgo habentur; quod si autem idem de occultis reperiri possit, non magis in his quam illis naturæ accusanda erit obscuritas.

Q U Æ S T. III.

Quid sit magnetis inclinatio & quid declinatio?

Magnetis inclinatio.

Acus vi magnetica imbuta & ad æquilibrium posita, statim illud amittit, & cuspis illius australis, quæ ad polum mundi borealem tendit, statim deprimitur, atque eo magis quo polus mundi in ea regione plus attollitur, atque hoc est quod *magnetis inclinationem* vocant, quæ sub æquatore fere nulla est. Ideo nautæ ceram vel aliud corpus leviusculum alteri extremo acus nauticæ solent adjicere, ut æquilibrium tueatur. Nec absimili modo concipi potest hæc *acus nauticæ* ad terram compositio, ac videmus acum chalybeam filo suspensam ad *magnetem* ipsum se convertere: hæc enim polo magnetis admota huic insistit ad perpendicularum, versus æquatorem *magnetis* magis ac magis inclinatur, & in

in ipso æquatore situm *magneti* paralle-
lum obtinet. Adeo ut valde probabile
sit è terra ipsa, præsertim interiori, tan-
quam ex magnete profluvia quædam
continenter à Septentrione in austrum
& vicissim ferri. Quia autem ista terræ
interioris constitutio in diversis locis
varia esse potest, & diversimode etiam
mutari, hinc forsan ratio duci posset,
cur magnes, licet semper polum suum
australem ad polum mundi borealem
convertat, tamen nonnunquam paucis
gradibus à Septentrione *declinet*, quæ
variatio etiam in iisdem locis non raro
mutatur.

*E terra pro-
fluant efflu-
via magne-
tica.*

*Magnetis
declinatio.*

CONCLUSIONES.

1. Gravia Corpora centrum terræ pe-
tunt,

2. Ita ut inter descendendum acce-
leretur eorum motus, donec æquabi-
lis fiat.

3. Et hæc qualitas, si quæ alia, oc-
cultâ dici meretur, licet variis modis à
Philosophis explicata.

4. Maxime vero probabile est cor-
pora deprimi ab impulsu materiæ flui-
dæ & subtilis.

5. Cujus motus supponi omnino debet
quaquaversum circa centrum terræ fieri.

6. Qualis motus, qui fit in omnes partes, licet rarior sit, tamen in aliis etiam corporibus fluidis observatur.

7. Vis magnetica est, qua corpora ad certam terræ partem diriguntur, scilicet versus polos.

8. Deprehenditur hæc vis in magnete & ferro à magnete tacto.

9. Ille autem magnetis motus, quo & versus terræ polos dirigitur & ad ferrum accedit, non fit per attractionem, sed ab impulsu materiæ subtilis.

10. Cujus materiæ motus supponitur fieri à Septentrione in austrum aut vicissim, eodemque modo poros magnetis aut ferri ingredi.

11. In quem finem probabiliter concipitur constare particulis striatis aut alterius figuræ, ut eandem regredi viam nequeant, quæ per poros ferri & magnetis expeditius commineant, eosque sibi adaptant.

12. Et talis materiæ magneticæ necessitas non difficulter probari potest ex affectibus magnetis.

13. Imo & ejus motum elegantissime describunt gyri & vortices limaturæ chalybis, ubi spargitur super chartam, sub qua positus est magnes.

14. Nec improbabile est ipsam terram, præsertim interiorem, ejusdem esse naturæ,

45. Cum

15. Cum pro diversitate locorum terræ & elevationis poli diversa sit inclinatio magnetis,

16. Qui non alio modo ad terram ipsam se convertit, quam acus chalybea ad magnetem.

C A P. X.

De Elementis.

§. I.

Elementa dicimus materiæ partes minutissimas, & insensibiles, ex quibus aliæ majusculæ & sensibiles componuntur, ita ut illorum formæ maxime sint simplices. Atque hoc sensu nec *Elementa Aristotelicorum*, ut ignis, aër, aqua, terra, nec Chymicorum, ut sal, sulphur & mercurius, prima rerum elementa dicenda sunt, cum illa corpora, quæ his vocabulis indicantur, sint revera composita. *Boyle's Scept. Chymist.* *A. Heereboord Melet. Rohault*, p. 1. c. 19, 20. *Ph. Burg.* p. 1. tr. 1. diff. 3. c. 1. &c.

*Elementa
materiæ
partes mi-
nutissime.*

Di-

Quomodo
varie ele-
menta deter-
minarunt
Philosophi.

Dicantur quidem *elementa* entia quædam simplicissima, ex quorum varia mixtione alia deinceps corpora varie componi possunt, sed in numero *elementorum* determinando non conveniunt Philosophi, idque ideo, quia res ab iis non perspectæ sunt in propria natura, sed potius in respectu ad sensus, quos in nobis producere aptæ sunt. Ita Philosophorum illi, qui ad solum visus sensum animum attenderunt, asseruerunt hujus mundi *elementa* esse *lucidum & obscurum*; alii, qui ad tactum omnia retulerunt, vel *liquidum*, & *solidum*, vel *calidum & frigidum* statuerunt *elementa*. In posteriorum numero fuit

Zabar. &
Qual. Elem.
Poncius.

Aristoteles, qui primo perpendens calorem, frigus, humiditatem & siccitatem, deinde videns, duas ex illis qualitatibus in eodem subjecto posse concurrere, & quatuor posse invicem jungi quadrupliciter, statuit *quatuor elementa*, nempe unum *frigidum & siccum*, quod *terram* appellavit, *frigidum & humidum*, *aquam*; *calidum & siccum*, *ignem*; *calidum & humidum*, *aërem*, & totidem elementis quatuor mundi spatia cœlo comprehensa repleti voluit, imum *terrâ*, summum *igne*, proximum summo, *aëre*, proximum imo, *aquâ*.

Quod

Quod *Chymicorum elementa* attinet, illa certe non omnium prima sunt, sed dici possunt partes sensibiles corpora componentes.

§. II.

Verum ut rite stabiliatur numerus *elementorum*, debet id fieri juxta *Cartesii elementa.* determinationes, quas concipimus accidere posse materiæ in se consideratae & absolute; qua via progressi, qui *Cartesium* sequuntur, concipiunt: primum, quod materiæ contingere potest, esse ejus divisibilitatem in frustra certis figuris comprehensa; & ex illa divisione, quocunque demum modo facta, tria corporum genera oriri statuunt, quæ totidem *elementa* nominant. *Primum* vocant minutissimam & subtilissimam substantiam, quæ omnium corporum poros replet, qualis in igne, sole & stellis fixis maxime viget; *secundum* vocant globulos cælestes, qui ætheream cœli substantiam efficiunt & corpora diaphana; *tertium* crassioribus partibus constat &

& ad motum ineptoribus, ex quibus aer, terra, aqua componuntur.

Quomodo
orta conci-
piuntur ele-
menta Car-
tesii.

Cum materia ipsa in hoc universo sit homogenea, omnisque formarum varietas saltem ex ejusdem divisione & motu procedat, ex illa divisione, quocunque demum modo facta, *tria debere corporum genera* oriri statuit *Cartesius*, quæ totidem vocat *elementa*. Quippe cum partes materiæ, vel in frustra cubica vel quadrata divisæ, vehementi motu agitatae sint, tum circa commune centrum, tum singulæ circa proprium, non potuerunt non, angulis exstantibus ex mutua collisione detritis, globosæ fieri, & minutissimus ille pulvis, qui ex collisione majuscularum partium prodiit, spatia inter hos globulos occupare. Atque ita *Cartesius primum elementum* vocat has particulas minutissimas & fluidas motu celeberrimo ita agitatas, ut nullius sint figuræ tenaces, sed quæ corporum adjacentium figuras facile induant, & hoc elementum *lucida* corpora efficit, in iisque maxime viget, nempe Sole, stellis fixis & igne. Secundum *elementum* dicit minutissimos illos globulos, idque non modo instar primi elementi, meatus corporum implet, sed & purissimam *aetheris & cæli substantiam* efficit & corpora

pura diaphana. Denique tertium *elementum* ex particulis primi elementi ramosis & mutuo implexis, ideoque jam crassioribus & ad motum ineptis, exoriri fingit, & ex hoc terra, aqua, aër, imo omnia corpora mixta componuntur. *Cartes. Pr. p. 3. Art. 52. A le Grand p. 4. c. 6. Robault p. 1. c. 21. Ph. Burg. p. 1. tr. 1. diff. 2. c. 3.*

Q U Æ S T. I.

An quatuor Aristotelicorum elementa cum triplici Cartesianorum materia conciliari possint?

Non difficile erit tribus hisce *elementis* nomina imponere more Aristotelicorum; desumpta à rebus, quæ illorum naturæ maxime respondent; sic nomine *ignis* primum elementum donare liceret, nomine *aëris* vel potius *ætheris* secundum, & tertium *terræ*, atque ita cum elementis Aristotelicorum conciliari possunt, si pro tertio elemento non solum terram, sed & aquam atque aërem crassiorem habeamus.

Q U Æ S T.

QUÆST. II.

Quid per materiam, quam communiter subtilem vocant, intelligendum?

Materiam illam, quam multi etiam antiquorum admiserunt aëre ipso subtiliorem & ætheris nomine donarunt, *Cartesiani materiam subtilem* vocant, primi scilicet & secundi elementi ætheream ac cœlestem substantiam. Et hujus materiæ existentiam non esse pro lubitu effictam, demonstrant varia in thermometris & Mercurio vivo facta hoc seculo experimenta. *Ph. Burg.* p. 1. tt. 1. diff. 2. c. 3.

CONCLUSIONES.

1. Elementorum formæ maxime simplices sunt.
2. Et ex iis, tanquam simplicissimis & insensibilibus, componuntur majora corpora.
3. Ad hanc ergo classem referri non merentur vel Chymicorum vel Aristotelicorum elementa, cum non sint corpora simplicia.
4. Aptius Cartesiani elementa corporum ad tria genera reducunt.

s. Ma-

5. Materiam nempe primi elementi
vigere in sole, igne & stellis fixis.

6. Secundi materiam æthera & fluidam
cœli substantiam efficere.

7. Et Tertiæ crassiores esse partes, ut
in aëre, aqua, terra &c.

8. Nec difficulter hæc elementa cum
Aristotelicis conciliari possunt.

C A P. XI.

*De Mundi Systemate & Corporibus
Cælestibus.*

§. I.

OMnia, quæ in hoc universo re-
periuntur corpora, ad tria ge-
nera reduci possunt, *lucida, diaphana*
& *opaca*.

Tria Corporum genera in universo

Lucida sunt, quæ lumen emittunt, ut
sol & stellæ fixæ; *opaca*, quæ aliunde ac-
ceptam lucem reflectunt, ut *terra &*
Planetæ; *diaphana*, quæ lumen trans-
mittunt, ut *æthereæ illa & fluida substan-*
tia in qua sidera, velut suspensa, conti-
nentur, & quam expansum hujus univer-
si vel cælum communiter vocamus.

Lucida, opaca & diaphana.

§. II.

§. II.

*Stella vel
fixa vel er-
rantes, seu
Planeta.*

Stella in duplici sunt discrimine, vel enim *fixæ* sunt vel *errantes*, seu *Planetae*. Stellarum illæ, quæ proprio fulgent lumine & à nobis remotiores sunt, *fixæ* ideo dicuntur, quia in motu suo eandem semper inter se servant distantiam. *Planetae* vero lumine alieno resplendent, nobis viciniore sunt, & motu vario circa solem feruntur, adeoque & diverso inter se situ nobis apparent.

*Differentia
inter stellas
fixas & er-
rantes.*

Differentia inter hæc duo *stellarum* genera ex triplici fonte desumitur, primo, quoad *locum*, cum *Planetae* nobis viciniore sint, & *fixæ* in parte cœli superiori à nobis remotæ. Secundo quoad *motum*, cum *fixæ* vel non omnino, sc. secundum hypothesin Copernici, vel saltem tardissime moveantur. Cum enim longitudo stellarum fixarum cum tractu temporum mutetur, concludunt Astronomi, præter illum motum diurnum, quem supponit Tycho, alio donari stellas fixas ipsis proprio, qui fit ab occidente in orientem, & qui non nisi 26000 annis absolvi potest, ex calculo Tychonis; sc.

secundum alios vel tardius vel citius; qui per unius hominis ætatem vix sensibilis esse potest. Tertio quoad *lumen*, cum fixæ lucem ex se habeant, errantes autem eandem mutuuntur à sole. Tanta enim est fixarum à sole distantia, ut sol ex earum loco visus, vix forte major stella primi ordinis videretur: non igitur lux fixarum adeo vegeta, ex lucis solaris reflexione proficiscitur, sed ipsis propria & congenita est.

§. III.

De *motu* horum corporum cœlestium diversæ sunt Astronomorum hypotheser, adeoque hæcenus tria mundi *systemata* celebrata sunt *Ptolemaicum*, *Tychonicum* & *Copernicanum*, quibus & quartum addi potest, quod ex Tychonico & Copernicano mixtum est, à *Longomontano* excogitatum

De motu corporum cœlestium varia hypotheser.

Etenim inter Planetas nonnulli solem numerant, alii terram, & hi solem quasi pro stella fixa habent; & ex diversis illis suppositionibus totidem oriuntur mundi *systemata*, dum alii considerant terram quietam in centro mundi, & circa illam

Quatuor mundi systemata Ptolemaicum Tychonicum, Copernicanum & Longomontanianum.

G

con-

concipiunt primum mobile ab oriente in occidentem converti, atque eodem motu abripi stellas omnes, quam hypothesein sequuntur *Ptolemæus* & *Tycho Brahe*; alii vero supponunt eum motum, quem spatio 24 horarum in cœlo & fixis stellis videmur nobis percipere, saltem esse apparentem, & globum hunc, qui ex terra, aqua, & circumjecto aëre constat, revera converti circa proprium axem ab occidente in orientem, quam sententiam, quæ olim fuit *Thaletis* aliorumque in lucem revocavit *Copernicus*. Sed quia in prima hypothese *Ptolemæus* orbes, per quos moventur Planetæ, solidos supponit, & *Tycho* cœlum omnino fluidum considerat, hinc tria diversa mundi *systemata* hætenus celebrata sunt, nempe *Ptolemaicum*, *Tychonicum* & *Copernicanum*, & totidem modis hujus universi fabrica & constructio imprimis determinata est. Potest tamen & his jure addi quartum *systema*, à *Longomontano* inventum, quod cum Tychonico in reliquis consentit, nisi quod terræ illum motum attribuat, quo 24 horarum spatio circa centrum suum converti concipitur, qui motus compensat illum diurnum motum firmamenti vel primi mobilis. *Copernicus*. *Lipstorpheus*. *Galileus*. *Alc Grand*, p. 5. c. 8, 9. *Ph. Burg.*
p. 2.

p. 2. tr. I. diff. I. c. 5. *Exper. Magdeb.*
Robault p. 2. *Fienus. Mercator. Hook's*
Observ. Hevelii Selenog c. 7.

§. IV.

Ptolemaicum Systema merito rejicitur, cum sit contrarium phœnomenis, quæ aptius explicantur in *Tychonico, Copernicano & Longomontaniano*, licet modis diversis. *Quenam Systematum probabilia sunt?*

Cum reliquæ hypotheses, excepta *Ptolemaica*, æque clare & sufficienter explicent phœnomena & motus omnes corporum cœlestium, perinde erit quacunque utamur suppositione; videtur tamen *Copernici* simplicior, & ad singula facilius intelligenda magis accommodata. In hac enim *stellarum fixarum* regio *Motus Planetarum circa Solem.* pro extremo mundi agnoscitur, & circum solem, qui mobilis tantum est circa proprium axem, (quem motum 26 vel 27 circiter dierum spatio perfici concludunt Recentiores Astronomi ex motu macularum solarium,) primus concipitur *Mercurii* circulus, tunc *Veneris*, deinde *Terræ*, tandem *Martis & Jovis*, denique *Saturni*. Et præter hos alii minores occurrunt circuli, unus in quo *Luna* movetur & qui pro centro habet

G 2 *terram;*

terram; quatuor, qui pro centro *Jovem* habent, in quibus moventur minores quidam planetæ, *Satellites Jovis* dicti, & circa *Saturnum* circuli quinque, quos totidem ejus *Satellites* percurrunt. Ita ut plures quam septem sint *Planeta*, interque eos sex primarii, & reliqui secundarii, omnes corpora opaca à sole illuminata. Notandum autem, circa solem tanto tardius moveri hos *Planetas*, quo à sole sunt remotiores. *Saturnus* à sole remotissimus, motum suum absolvit 30 annis. *Jupiter*, qui huic proximus est, 12 annos impendit huic circulo, *Mars* duos annos, *Terræ* annuo spatio hunc motum absolvit, *Venus* octo mensibus, *Mercurius* octoginta octo dierum decursu circulum suum perficit. Atque ita explicat Copernicus motum proprium omnium planetarum; sed motum omnibus communem quem *primum mobile* vulgo dicimus, deducit saltem à terræ conversione circa proprium axem cum talis etiam motus Planetis reliquis competat, atque ita terram 24 horarum spatio circa se volvi supponit, & trecentis sexaginta quinque vicibus hunc motum absolvere, dum circa solem motu annuo semel circumducitur.

*Tychonis
Systema.*

Ab illa delineatione *Copernici* non diversum est *Tychonis Systema*, nisi quod in

in hoc concipiatur Sol terram ambire & circumferre orbes Planetarum, qui circa illum interea moventur, ut in Systemate Copernicano.

Longomontanianum Systema consentit cum Tychonico, quod motum diurnum tribuat terræ, quæ circa axem suum convertitur; Atque hoc modo & terra non desinit esse stabilis, & insuper tollitur maxima & fere incredibilis illa rapiditas, qua omnia, quæ supra aeris regionem sunt, propinqua & remotissima volvi videntur ab ortu in occasum, cum tamen in nullo astrorum talis motus observetur, quippe quæ omnia, tam in orbibus suis, quam circa centrum quæque suum ab occasu in ortum tendunt.

Longomontanianum Systema.

Motus Corporum Cælestium fit ab occasu in ortum.

Q U Æ S T. I.

An cælum sit expers generationis & corruptionis?

Negativam sententiam astruunt *Macule Solares*, quæ in Sole reperiuntur, quas ne-
tquam credendum est esse in aeris re-
gione, cum ex observationibus constet, illas vel ipsum Solis corpus obsidere, vel illi quam proximas esse, cum quo in orbem moventur circa ejus centrum. Haud dubie autem à Sole ipso prodierunt,

Macule Solares quomodo generantur?

runt, ex particulis ad motum minus idoneis conflatae, & iterum, ubi ab ignea solis substantia subactae sunt, dissolvuntur, & fortasse à sole ipso, quasi spumae resorbentur. Quod autem antiqui Philosophi negent in cœlo dari generationem & corruptionem, non aliunde

*Ratio cur
Antiqui ne-
gaverint in
cœlo dari
generatio-
nem & cor-
ruptionem.*

ortum est, quam quod Aristotelis doctrinam parum caute sequantur, ille enim cum cœlum pro Deo habuerit, mutationem omnem, quæ entibus terrenis competit, cœlo detrahit. At Christiani Philosophi, qui ejus doctrinam sequuti sunt, æternitatem quidem cœli rejecerunt, sed retinuerunt tamen ex hac doctrina aliquid, quod inde sequebatur, nempe quod cœlum esset generationis & corruptionis expers, quamvis ipsa demonstret experientia tuborum opti-
corum beneficio, quod in cœlestibus corporibus modo materię collectio & conjunctio, modo ejusdem iterum divisio & disgregatio fiat. *Coll. Conimb. in lib. 1. de Cœlo c. 3.*

Q U Æ S T. II.

An Sol sit centrum universi?

*Sol centrum
est sui vor-
ticis.*

Nulla est ratio cur vel terram vel Solem centrum universi dicamus. Dici-
qui-

quidem *Sol* potest centrum illius *vorticis*, in quo *Planetae* moventur, consentientibus & *Tychone* & *Copernico*; At non ideo centrum universi haberi potest. *Vorticem* vocat *Cartesius* totum illud spatium, quod septem ex. gr. *Planetae* occupant. Et in tales vortices seu turbines totum hoc universum distribuit: ita ut tot possint esse magni vortices, quot stellæ fixæ, & *Sol* una ex fixis, adeo ut centrum sui vorticis occupet. Solem autem efficere materiam primi elementi tenuissimam, quæ est quietis impatiens, hinc *Sol* rapidissime circa se vertitur, atque eodem prorsus motu cælum planetarium atque ipsos planetas circumagit, eo majori impetu, quo solem vicinius petunt. *Exp. Magd.*

Q U Æ S T. III.

An Cometa inter Corpora cælestia referri debeant?

Inter corpora cælestia referendi omnino sunt *Cometae*, qui quasi *Planetae* sunt, qui ab uno in alium *vorticem* migrant & sub aspectum nostrum cadunt, cum nobis sunt viciniore, atque hinc fieri potest, ut fortasse idem *Cometa* identidem recurrat. Quod autem non

Cometa non generantur in aere.

cauda co-
metarum.

vel sint generentur in aeris regione, ut visum est *Aristoteli*, sed in cœlo ipso, evidentissime inde demonstratur, quod longe minorem, quam Luna *parallaxin*, seu aspectus diversitatem, habeant, adeoque necesse est Luna eos esse sublimiores, exhalatio autem sulphurea in aëre accensa non potest eodem in loco ubique terrarum apparere. Quod Caudam Cometarum attinet, forsitan illa nihil aliud est, quam exhalatio quædam ab illius globo extrorsum vibrata, unde fere semper soli opposita videtur. *Cartes. Pr. p. 3. art. 126, &c. A le Grand, p. 5. c. 17. Robault p. 2. c. 26. Ph. Burg. p. 2. diss. 2. c. 10. Hevelius. Exper. Magd. p. 184. Fromondus. Hooke.*

Q U Æ S T. IV.

An Luna habeat Athmosphæram?

In Lunamul-
ta athmos-
phæra ab
aere diver-
sa.

Per *athmosphæram* terræ intelligimus aëris ambientis & vaporum è terra ascendentium collectionem, talem autem circa *Lunam* nullam dari *athmosphæram* ab æthere diversam demonstrarunt Astronomi ex occultationibus astrorum à Luna. Apparent quidem ope telescopii in Luna variz *maculæ*, quas uti certum est indicare inæqualitates diversas, ita possent

possent quidem *montes* appellari, non
tamen ideo inferendum est, *Lunam* esse
habitabilem. Bishop *Wilkins. Exper.*
Magd. pag. 181.

Q U Æ S T. V.

*Quid de Astrologia judiciaria cen-
sendum?*

Astrologia vanitatem vel hoc arguit, <sup>*Astrologia
judiciaria
vanitas.*</sup>
quod illustres illæ Societates, quæ sci-
entiis promovendis seculo nostro in-
cumbunt, inter tot præclara inventa &
alios *Astronomiæ* usus, in *Cosmographia*,
Geographia, *re nautica*, *temporum com-
puto*, *physica* &c. nihil adhuc prodere
dignati sint de *Astrologia judiciaria*. *Ro-
hault* p. 2. c. 27. *Wendelin* Sect. 3. c. 28.
Gassend. Tom. 1. pag. 740. *Alc Grand*,
p. 5. c. 24.

C O N C L U S I O N E S.

1. Corpora omnia in hoc universo
triplicia sunt.

2. Lucida, quæ lucem emittunt, ut
Stellæ fixæ.

3. Diaphana, quæ lucem transmit-
tunt, ut materia ætherea, quæ fluida est,
& quam cælum communiter vocamus.

4. Et opaca, quæ lucem ab aliis ac-
ceptam reflectunt, ut *terra* & *planetæ*.

5. Ad

5. Ad cœlestia corpora referri debent Cometæ, qui in cœlo ipso apparent, neutiquam autem vel in aëris vel sublunari regione.

6. Non una de motu corporum cœlestium est Astronomorum sententia, atque hinc nata sunt diversa mundi systemata, inter quæ Ptolemaicum rejicitur.

7. Tychonicum supponit solem moveri, quem inter planetas numerat & terram quiescere.

8. Copernicanum autem solem inter stellas fixas numerat & circa illum moveri supponit terram cum reliquis planetis, adeoque non solum illum motum, quem in Sole & stellis fixis videmur percipere, saltem esse apparentem, dum terra potius circa proprium axem convertitur, sed & illum alterum motum, qui annuus est, terræ circumvolutioni deberi.

9. Quartum Systema, quod Longomontani est, annum quidem motum Soli tribuit, sed diurnum à Terræ circa proprium axem conversione accersit.

10. Motus omnium corporum cœlestium fit ab occidente in orientem, præter motum diurnum, qui in Systemate Tychonico attribuitur non tantum Soli, sed & toti cœlo cum corporibus

bus infixis, quique ab oriente in occidentem fit, in cuius locum simplex terræ conversio substituitur à Copernico.

11. Non vel terram vel Solem pro centro universi habemus.

12. Nec cœlum dicimus esse expers generationis & corruptionis, cum in illo Maculas Solares gigni & evanescere videamus.

13. Quæ autem in Luna videntur maculæ, varias saltem ejus Planetæ inæqualitates arguunt.

C A P. XII.

De Aere & Meteoris.

§. I.

E Globo terraqueo beneficio caloris Solis & subterranei attoluntur quotidie *vapores & exhalationes*, ex quibus oriuntur *meteora*, atque illæ exhalationes cum aere, in quo reperiuntur, constituunt illud fluidum, quod proxime ambit terram, & communiter *atmosphæra* dicitur, quæ vix ultra altitudinem unius miliaris à terra extenditur. *Varenius lib. 1. c. 19.*

Atmosphæra.

§. II.

S. II.

Particula-
rum aeris
Natura.

Phil. Burg.
p. I. tr. I.
diff. 3.

Aer non solis constat vaporibus sed proprias etiam sibi habet particulas fluidas & subriles, quæ non solum, quia plicatiles sunt, *vi elastica* donatæ sunt, qua pressæ conantur se restituere; sed & insuper *gravitate* præditæ sunt, ex qua aeris gravitate plurima in rerum natura commodissime explicari possunt phænomena, nimirum omnia illa, quæ antiqui ad fugam vacui retulerunt, & quæ liquorum æquilibrium spectant, aliaque.

Qui terræ globo circumfusus est *aër*, licet multis vaporibus sit permixtus, utpote excipiens ab omnibus fere corporibus emanantes exhalationes, neutiquam tamen credendum est, præter tales vapores nihil ad compositionem *aëris* concurrere, cum aliæ insuper particulae, quæ *vi elastica* præditæ sunt, in aere reperiantur. Sunt autem tales aeris particulae, ut agitatione materiae subtilis, qua cinguntur, facile moveri & separari possint, cumque rarissimæ & levissimæ sint, multum spatii occupant.

Inter

Inter illa quæ de *aëre* nobis hac ætate innotuerunt experimenta, præcipua sunt illa de ejus *gravitate & vi elastica*. Quod aeris *gravitatem* attinet, quemadmodum aqua oceani terram sibi subjectam premit, & eo magis, quo altior est, sic, qui terram undique ambit aer, eandem comprimit pondere suo, & tunc magis, cum altior est ejusdem moles, non dispari modo, ac in lanæ ingenti quodam acervo partes infimæ pondus & compressionem superiorum partium magis sentiunt. Hoc autem aeris pondus nec infinitum est, quia sensim minuitur, nec ita corpora nostra afficit, ut illam pressionem sentiamus, quia nos undique premit æqualiter. Ex hac aeris gravitate ratio deduci potest, cur aqua intra antlias ascendat, embolus enim quando retrahitur aquæ locum cedit, quæ ab incumbentis aeris pondere pressa ascendit, sed saltem ad certam altitudinem, scilicet ad pedes 32, quia tunc fit quasi æquilibrium quoddam aquæ assurgentis, & columnæ aeris prementis.

Aeris gravitas.

phil. Burg.
p. 1. tr. 2.
diff. 3.

Quod illam aeris proprietatem attinet, quam *vim elasticam* vocamus, est *Elaterium* vel *vis Elastica* ille conatus resiliendi, quo partes corporis alicujus compressæ conantur ad pristinam redire formam, ac situm suum recuperare, qui resti-

Aeris vis elastica.

S. II.

Particula-
rum aeris
Natura.

Phil. Burg.
p. I. tr. I.
dig. 3.

Aer non solis constat vaporibus sed proprias etiam sibi habet particulas fluidas & subriles, quæ non solum, quia plicatiles sunt, *vi elastica* donatæ sunt, qua pressæ conantur se restituere, sed & insuper *gravitate* præditæ sunt, ex qua aeris gravitate plurima in rerum natura commodissime explicari possunt phænomena, nimirum omnia illa, quæ antiqui ad fugam vacui retulerunt, & quæ liquorum æquilibrium spectant, aliaque.

Quæ terræ globo circumfusus est *aër*, licet multis vaporibus sit permixtus, utpote excipiens ab omnibus fere corporibus emanantes exhalationes, neutiquam tamen credendum est, præter tales vapores nihil ad compositionem *aëris* concurrere, cum aliæ insuper particulae, quæ *vi elastica* præditæ sunt, in *aere* reperiuntur. Sunt autem tales aeris particulae, ut agitatione materiae subtilis, qua cinguntur, facile moveri & separari possint, cumque rarissimæ & levissimæ sint, multum spatii occupant.

Inter

Inter illa quæ de *aëre* nobis hac ætate innotuerunt experimenta, præcipua sunt illa de ejus *gravitate & vi elastica*. Quod aeris *gravitatem* attinet, quemadmodum aqua oceani terram sibi subiectam premit, & eo magis, quo altior est, sic, qui terram undique ambit aer, eandem comprimit pondere suo, & tunc magis, cum altior est ejusdem moles, non dispari modo, ac in lanæ ingenti quodam acervo partes infimæ pondus & compressiorem superiorum partium magis sentiunt. Hoc autem aeris pondus nec infinitum est, quia sensim minuitur, nec ita corpora nostra afficit, ut illam pressionem sentiamus, quia nos undique premit æqualiter. Ex hac aeris gravitate ratio deduci potest, cur aqua intra antlias ascendat, embolus enim quando retrahitur aquæ locum cedit, quæ ab incumbentis aeris pondere pressa ascendit, sed saltem ad certam altitudinem, scilicet ad pedes 32, quia tunc fit quasi æquilibrium quoddam aquæ assurgentis, & columnæ aeris prementis.

Aeris gravitas.

phil. Burg.
p. 1. tr. 2.
diff. 3.

Quod illam aeris proprietatem attinet, quam *vim elasticam* vocamus, est *Elaterium* vel *vis Elastica* ille conatus resiliendi, quo partes corporis alicujus compressæ conantur ad pristinam redire formam, ac situm suum recuperare, qui resti-

Aeris vis elastica.

restitutionis motus non aliunde profiscitur, quam ab ætherea illa & subtili substantia aeri permista; quæ elaterium in aliis corporibus efficit, licet ipsa elaterio destituatur. Nec alibi clarius demonstrari potest hæc aeris proprietas, quam in *machina pneumatica Boyleana*, in ejus enim recipiente, seu vase quodam vitreo, posita vesicula aere pene vacua, cujus collum arcte ligatum, exhausto per machinam aere, usque adeo intumescit, ut plerumque rumpatur; nempe ita exigua illa aeris in vesicula inclusi quantitas, quando non amplius ab incumbentis aeris pondere impeditur, sese vi elastica evolvit, atque à subtili materia omnia permeante, agitata sese explicat. Hæc *machina Boyleana* ita conformata est, ut ex vase quodam, seu recipiente, ut vocant, vitreo, ope adjunctæ cujusdam antliæ peculiaris artificii, aer inclusus ex hauriri possit, tota interim recipientis capacitate non quidem vacua, nisi ab aere, sed repleta materia illa, quæ aere subtilior est, & vitri omniumque corporum poros permeat. *Difficiles Nugæ. A le Grand* p. 6. c. 17. *Robault* p. 3. c. 2. *Boyle's Exper.* *Deusingius. Ph. Burg.* p. 1. tr. 2. diff. 3.

§. III.

Effluvia è terra in aerem derivata ad duo genera reduci possunt, vel enim sunt *exhalationes calidae*, quæ *fumi* antiquis dicuntur, vel *vapores*, qui aqueæ magis naturæ sunt, atque ex horum effluviis varietate etiam diversa oriuntur *meteora*. *Fron-
mondus. Cartes. Fulke. Du Hamel.
Ph. Burg. p. 2. tr. 2. diff. 1.*

*Effluvia e
terra deri-
vata duum
generum.*

§. IV.

Quando ille halitus sulphureus & nitrosus in terræ cavernis accenditur, fit *terræ motus*, quando in sublimi aere accenditur, fiunt *fulgur, fulmen & tonitru*. Si halitus pinguis & viscosus accendatur, oriuntur *ignis lambens, stelleque currentes & cadentes*, & prout variam vel induit figuram, vel vario motu fertur, exhibet diversa meteora, ut *draconem, capram saltantem, &c.*

*Exhalatio-
nes calidæ.*

Cum halitus in visceribus terræ inclusus vel calore dilatatur, vel accenditur, atque majorem motui suo locum quærit, fit *terræ motus*.

*Terræ mo-
tus.*

Ex

*Tonitrua &
fulgura.*

Ex halitu quidem sulphureo & nitroso oriri videntur *tonitrua & fulgura*, licet quo modo in nubibus procreentur, explicatu non ita facile sit. Dici quidem potest exhalationem sulphuream, densa nube interceptam, & superiorum nubium agitatione inflammata, tantum edere fragorem una cum fulmine. *Cartesius* earum tempestatum, quas tonitru, fulgur & fulmen comitantur, ortum & differentiam deducit ex diversa natura exhalationum, quæ in spatio, quod duas nubes interjacet, reperiuntur, & à modo, quo harum nubium superior in inferiorem cadit.

Est etiam aliud genus *fulguris*, cujus coruscationes non ita vividæ sunt, nec cum tanto fragore junctæ, ideo scilicet, quia exhalationes illæ, ex quibus oritur, non ita inclusæ & compactæ sunt, adeoque illa est differentia inter utrumque fulguris genus, quæ est inter pyrium pulverem in libero aëre accensum, & inclusum tormentis vel alio pondere pressum.

Nec diverso fere modo accenditur halitus pinguis & viscosus in igne *fatuo, lambente, stellisque currentibus & cadentibus*, atque prout illa exhalatio accensa varia figura lucet & motu vario fertur, ita & illa exhibet meteora, quæ *drac-*
onem,

nem, capram saltantem, &c. vulgo nominant.

§. V.

Quando vapores per aerem disperſi & dilatati cum impetu tranſeunt ex uno loco in alium, oriuntur *venti*, quando prope terram conſiſtunt coacti & condenſati *nebulam* generant, *nubes* autem, cum aſcendunt ad ſuperiorem aeris regionem, eademque vaporum collectiones quando in guttulas aquæ condenſantur & decidunt, fit *pluvia*, ubi nocturno frigore condenſantur, *rorem* producant, & quando à frigore obriguerunt, in inferiori aeris regione *pruinam*, in ſuperiori conſtituunt *nivem*, quæ ubi primo ſolvi incipit & mox iterum congelatur, fit *grando*.

Exhalationes aquæ naturæ.

Cum vapores per aerem diſperſi ac dilatati ita feruntur, ut ex loco arctiori in alium, ubi facilius expandi poſſunt, cum impetu tranſeant, non alio fere modo ac in æolipilis videmus, *ventorum* cauſa exiſtunt.

Venti.

Dr. Bohem
Varenius.
Robault.
Phil. Burg.
P. 2. tr. 2.

*Nebula &
pluvia.*

Eisdemque vapores coactos & condensatos, si usque ad superficiem terre descendant, *nebulas* dicimus, *nubes* autem, si in aëre suspensi maneant. Hinc qui altissimorum montium juga ascendant, densam quasi nebulam subire sibi videntur. Quando autem iidem vapores in sublimem aërem elati aut frigore vel vento densantur, aut calore, si nivibus consent nubes, liquescunt, ita ut in guttulas abeant, quæ primo sunt insensibiles, mox inter cadendum audæ dum aliæ aliis associantur, fit *pluvia*.

*Ros, nix &
grando.*

Ubi vapor nocturno frigore densatur, fit *ros*, qui iterum acerrimo frigore congelatur in *pruinam*, atque ubi in superiori aëre plures tales particulae congelatae coalescunt, quæ per tenuissima halituum filamenta connectuntur, producuntur *floci Nivis*, qui ubi calore liquuntur, & mox arctius collecti à subeunte frigidioris vento iterum congelantur, *grandinem* constituunt.

§. VI.

*Iris & alia
Meteoris I-
ridis officina.*

In guttis aqueis è nube cadentibus quando reflectuntur & franguntur radii solis, *Iridis* colores exhibent, & si illæ particulae vel non
ita

ita rotundæ fuerint, vel non ita pellucidæ *Halonem, coronas, virgas, parelios*, oculis nostris exhibent.

Iris in nube rorido, vel potius globulis aqueis è nube cadentibus formatur, quæ varios exhibet colores, ortos à radiorum solarium, in guttulas aqueas incidentium, refractione & reflectione. *Iris quomodo formatur.* Ut enim istæ aquæ guttulæ colores illos producant, necesse est, primo, ut radii duplicem refractionem patiantur, tum in ipso ingressu tum in exitu, deinde ut radii satis vegeti ad oculum perveniant. Sic ubi aquam ore spargimus sole averso, *Irim* artificialem & nullo modo à Naturali diversam efficimus.

Quemadmodum autem particulæ, quæ in *Iride* radios luminis frangunt & reflectunt, rotundæ sunt & omni ex parte pellucidæ, ita eadem, prout ab hac rotunditate & pelluciditate diversimode recedunt, alia exhibent meteora *Iridi* finia, quæ communiter dicuntur, *Halo, Corona, virga, Parelii, &c.*

QUÆST. I.

Quomodo Aeri intermixta sunt particula atherea & varia corporum effluvia?

Aër ille crassior nobis obuius, qui per caloris & frigoris sensum & experimenta barometrica atque hygrometrica adeo manifestus est, & vix ac ne vix ad milliaris unius altitudinem supra terram assurgit, licet plerique communiter multo altius ejusdem sphæram extendant, ille, inquam, aër maximam æthereæ materiæ copiam inter particulas suas habet intermixtam, quæ eadem materia extra aëris regionem ulterius protenditur, & haud improbabiler constituit totum illud cœli expansum, in quo sidera velut suspensa sunt.

Nec illa materia cœlestis & æthereæ tam uniformis est, quin, sive illi figuras sphæricas, ex mente *Cartesii*, sive alias quascunque attribuamus, inter ejus particulas sint alius generis corpuscula in interstitiis globulorum, quæ simul junctæ constituunt illam materiam subtilem, cujus in aere præsentiam ex effectibus variis tam evidenter concludimus, & cui pleraque eorum debentur, quæ

quæ ipsi alias crassiori aeri communiter adscribuntur. Sunt ergo in aere non solum illæ particulæ, quæ proprie ejus massam constituunt, quæque gravitate & elaterio donatæ sunt, sed & aliæ simul subtiliores, quæ, crassioribus intermixtæ, illas varie movent & exagitant; Imo, præter & has & illas, aliæ adsunt plurimæ & heterogeneæ, quarum præsentiam ex variis aeris effectibus concludere cogimur. Ideoque non pauci aerem quasi commune quoddam emporium dixerunt, ubi cælum & terra sua quasi exercent commercia. Ex terra enim continuo proficiscitur turma effluvi-
orum, quorum quia non pauca salina sunt & nitrosa, hinc illa vis aeris adeo resolvens, in ferro, cupro aliisque corporibus non raro vim suam exserens, unde eorundem exsurgit rubigo. Quin & observatum est, terram nitrosam aut aluminosam, imo & vitriolicam, aeri expositas, iis corporibus, quibus jam tum orbatæ fuerunt, iterum imprægnari. Adeoque nec mirum videbitur, ipsum vitriolum & aqua & oleo & spiritu per destillationem spoliatum & sub dio expositum, novum spiritus, aquæ & olei proventum trahere ex circumfuso aere.

QUÆST. II.

Quanam aeris in respiratione est necessitas.

Fluidum illud aereum nos ambiens, in quo vitam ducimus, duplici modo agit in corpus nostrum, vel per inspirationem à pectoris motu reciproco intra pulmones propulsum, vel etiam in toto ambitu corpus afficiens. Varii respirationem sequuntur effectus, dum non solum aliquid à sanguine separatum hoc modo excernitur, sed & aliquid ab aere separatum hac via intra sanguinem recipitur, ejus massæ adeo necessarium, ut sine hoc nec fluiditatem suam conservare, nec arcte satis misceri ac uniri possint illæ particulæ, quæ vel ab alimentorum parte subtiliori prodeuntes, vel ab extremitatibus partium recollectæ, heterogeneæ sunt. Quin & illo respirationis motu ipsius sanguinis cursus adjuvatur, qui cessante respiratione cessat, non solum in pulmonibus, sed & visceribus abdominis, in quibus chyli aliorumque humorum cursus hoc modo non parum promovetur.

QUÆST.

Q U Æ S T. III.

*Quomodo aere poros & spiracula cutis
subeunte, peragitur insensibilis in
corpore nostro perspiratio?*

Non solum motu reciproco per pulmones inspiratur & expiratur Aer, sed & poros ac spiracula cutis nostræ subit, præcipue per particulas subtiliores & æthereas crassiori aeri intermixtas. Atque hoc modo peragitur insensibilis illa transpiratio, quæ ex corpore nostro continua fit, per quam tantum uno die evacuari deprehensum est per Staticæ *Sanctorii* experimenta, quantum per alium quindecim dierum cursu. Nec solum hoc modo fit particularum è corpore nostro secedentium excretio quædam, sed & aliarum subtiliorum ex aere intra poros corporis receptio. Organa autem illa & pori, per quos ista excretio materiæ transpirantis fit, pro ejusdem diversitate, in duplici sunt discrimine, nec enim solummodo illi corporis nostri pori, qui ad oculum sensibiles sunt transpirationis sunt organa; per illos quidem, velut totidem ostia sudoris, eliminatur à sanguine, per glandulas miliares sub cute sitas, illa materia, quæ nonnunquam sub vaporum forma insensibiliter transpirat, nonnunquam con-

densata magis guttularum forma se prodit & excluditur per illa vascula, quæ vel nudis oculis, vel etiam microscopio interjecto accuratius videntur, patula in superficie cutis & præcipue certo quodam ordine disposita in rugis illis digitorum & manuum, quæ alias Chirromantarum sunt offendicula. Sed præter hos poros cutis sensibiles, adsunt alii insensibiles, longe minores, per quos non solum à sanguine, sed & à reliquis corporis nostri partibus secedunt exhalationes, quæ exportantur una cum materia illa ætherea subtiliori, quæ jugi influxu & effluxu penetrat & exit corpus nostrum, imo & alia etiam in rerum Natura corpora, & hujus materiæ actioni debentur ea omnia, quæ de effluviis & atmosphæra corporum superius à nobis prolata sunt. Dum ita subtilis hujus materiæ influxui, tanquam torrenti cuidam, omni tempore perviæ sunt partes omnes corporis nostri, ejus ope functiones & operationes omnes tam sanguineæ massæ, quam reliquarum partium, peraguntur, id quod non clarius magis aut distinctius explicari potest, quam exemplo sacculi cujusdam, pleni lapillis, arena, argilla & sale, demissi in torrentem quendam turbidum, ubi quicquid aquæ misceri potest, è sacculo illo

in torrentem abit, & aliæ etiam fluidi ambientis particulæ ex torrente in sacculum penetrant; Atque non dispari modo & receptaculum sanguineum ingrediuntur particulæ aëreæ iisque immixtæ exhalationes, & e receptaculo sanguineo iterum exeunt fuligines, maiores & alia excrementa.

CONCLUSIONES.

1. Athmosphæram constituunt exhalationes è terra in aërem elevatae.
2. Aëris autem particulæ ab illis diversæ sunt, utpote gravitate & vi elastica præditæ.
3. Et ex his aëris qualitatibus dependent omnia, quæ fugæ vacui à multis adscripta sunt.
4. Uti & quæ liquorum æquilibrium spectant.
5. Ex exhalationibus oriuntur Meteora.
6. Sulphureæ & nitrosæ dant originem meteoris ignitis, ut & terræ motui.
7. Meteoris autem aqueis & ventis vapores.
8. Iris in guttis aqueis è nube cadentibus formatur ex reflectione & refractione radiorum lucis.
9. Cometæ inter meteora non sunt numerandi, nam in cœlo ipso apparent & à nobis sunt remotiores, quàm aëris regio, in qua meteora locum habent.
10. Illa

10. Illa enim aeris nos ambientis regio vix supra milliaris unius altitudinem à terra extenditur.

C A P. XIII.

De Globo Terraqueo.

§. I.

*Partes globi
Terraquei.*

IN globo terraqueo tres partes distinguui possunt. 1. *Exterior*, quæ quasi crusta foecunda est, ex qua progerminant vegetantia & nutriuntur animalia. 2. *Media*, quæ fossilia continet & eousque extenditur, quousque penetrare potest humana industria. 3. *Interior*, quæ nobis ignota est, sed verisimiliter à nonnullis supponitur igneæ & magneticæ naturæ.

*Terrestres
aqueæ &
igneæ parti-
culæ.*

Constat præcipue ille globus particulis terrestribus, aqueis & igneis. *Terrestres* ramosæ sunt & sibi mutuo implexæ varie coherentes. *Aqueæ* lubricæ sunt & flexiles, quæ rigidæ fiunt in glacie. *Igneæ* autem particulæ, quæ *subtilem materiam* efficiunt, in rapidissimo motu constitutæ sunt, & omnium corporum poros permeant, sed diversa quan-

quantitate, pro varietate corporum, & pororum, quibus corpora prædita sunt.

§. II.

Exterior pars globi terraquei vel varias exhibet inæqualitates, uti *montes & valles*, vel plana est, vel variis hiatibus, alveis & fissuris patet, pro *fontibus & decursu fluviorum*, pro aqua in *lacubus* stagnante, vel etiam ingentibus & vastis cavitatibus *mare* ipsum in diversis locis excipit. Et illæ inæqualitates in terræ superficie occurrentes, probabiliter ortæ videntur ex ruptura ipsius terræ facta vel ab ignibus subterraneis, vel aquis.

Inæqualitates in exteriori parte globi terraquei.

Ut enim aqua terrenam materiam dissolvens ad loca declivia eandem devehit, tum in superficie terræ, tum in superficie terræ, tum in cavitatibus, sic ignis obstantia quæque solida resolvens, non modo leviores ejus particulas expellit, sed & gravissima interdum pondera ejaculatur, quo fit, ut in superficie terræ *præcipitia, canales, alvei, montes, valles, planities*, tum in locis editis tum depressis, in terræ autem visceribus

Orta sunt illa ex ruptura terræ per ignem vel aquas facta.

mea-

meatus subterranei & cavernæ formen-
tur.

§. III.

*Strata di-
versi generis
interre su-
perficie.*

Notandum autem, occurrere in
terræ superficie diversi generis *stra-
ta*, quæ efformata videntur ab in-
undatione aquarum, quæ diversis
temporibus acciderunt, & quia aquæ
illæ diversi generis corporibus re-
fertæ fuerunt, varia deposuerunt
sedimenta, quæ, recedentibus iterum
aquis, in solida quædam *strata* in-
duruerunt. Et talia reperire licet
modo *arenacea*, modo *argillacea*, mo-
do *lapidea*, modo ex aliis plurimis,
etiam diversissimi generis corpori-
bus & non raro animalium partibus
composita. *Varenius* lib. 1. c. 7.

*Crusta ter-
renæ exteri-
oris varia
natura.*

Crusta illa terrena exterior, non u-
bique ejusdem naturæprehenditur,
nam ut taceam illa loca, quæ lapidibus
inculta atque aspera sunt, alicubi est a-
renosa, quæ sterilis est & humori reti-
nendo inepta, alibi pinguis & fertilis

*Strata ter-
ræ efforma-
ta sunt ab
inundatione
aquarum*

Ista autem *terrarum* genera ita ple-
rumque mixta sunt, ut veluti diversa
quædam strata sibi invicem incumbant,
quæ quia conveniunt cum aliis stratis,
quæ

quæ aqua turbida deponit, haud inconvenienter dici possunt efformata ab inundatione aquarum, quæ diversis temporibus acciderunt, & quia diversi generis corporibus refertæ fuerunt, subsidentibus illis & fundum petentibus, varia deposuerunt *sedimenta*, quæ, recedentibus iterum aquis, in solida quædam strata induruerunt. Illæ inundationes, quæ in terra contigerunt & hæc deposuerunt *sedimenta*, vel fuere universales, vel particulares. Atque hinc est, quod etiam in montibus altissimis exstent certa vestigia maris, & plurimis in locis terra novis mutata sit accessionibus, non solum à fluminibus, uti magna pars Ægypti à Nilo congesta dicitur, sed & à recessu maris.

§. IV.

Et quantas terrena superficies passa sit mutationes, demonstrant ^{*Ruptura stratorum terre.*} tam diversa, quæ in illa reperiuntur talium *stratorum* genera, eorumque situs varie mutatus per rupturas, factas tam ab ignibus & incendio halituum subterraneorum, quam exedentibus aquis. Atque ut terræ ipsius inæqualitates locum dederunt
coacer-

coacervationi aquarum, in mari, stagnis, & fluviis, ita stratorum terræ diversitas, eorumque interruptio varia occasionem dederunt fontibus.

*Ruptura
stratorum
terræ quo
modo orta
est.*

Terræ mutationes varias evidenter ostendunt, quæ in illa occurrunt, diversa *stratorum* genera, & præcipue eorum *ruptura* & *situs* varie mutatus, dum in quorundam montium vertice ingentia sunt plana, & multa strata horizonti parallela, ab eorum autem lateribus *strata* varia ad horizontem inclinata, & in oppositis collibus ruptorum *stratorum* facies materiæ & figuræ convenientiam demonstrant. Ista autem ruptura fieri potuit vel ab *ignibus subterraneis*, vel ab *aquis*, prout diversa fuerit telluris natura, cum & in montibus eorumque vicinia evidentissima sint ignis subterranei indicia, ut in Vesuvio, Ætna, Hecla, & circa colles e stratis terreis compositos aquæ frequentes reperiuntur. Quin & terram intus hiulcam & voraginosam esse plurimis in locis non pauca persuadent, siue illæ in visceribus terræ cavitates siccæ sint, dum halitibus & exhalationibus implentur, quæ in terræ motibus se produnt, & ex spiraculis montium, quæ flammam vomunt &

& materiam ignitam; five aquis repletae sint, & has Plato tartarum & barathrum vocat, quales saepe integras urbes devoravisse legimus.

Atque hoc modo *mutatus stratorum situs* causa esse potuit *inaequalitatis*, quae in terrena superficie occurrit. Illae autem *inaequalitates* uti locum dederunt coactioni aquarum in mari, stagnis & fluviis, ita & revera illorum *stratorum diversitates & interruptiones* occasionem dedisse fontibus dubitari non potest, ubi ad naturam materiae terrestriis, quae in diversis *stratis* varia est, attendimus.

§. V.

In superficiem enim globi terrae qui incidentes *pluviae & imbres*, tamdiu penetrant terraneas particulas, & per poros in *strato terreno* vel *arenaceo* patentes, sese insinuant, donec occurrat vel aliud *stratum lapideum* aut *argillaceum*, à quo sistuntur; vel etiam ruptura quaedam, quae collectioni particularum aquae, ita per poros terrae exsulantium, locum dat, atque hoc modo ab aquis & pluvialibus & à soluta nive redundantibus generari *fontes* absque dubio est.

Stratorum terrae interruptiones & diversitates occasionem dant fontibus.

Prou

Quomodo
ex pluviis
aristantur
fontes.

Prout e diversis terrarum generibus constant *strata*, ita & diverso modo easdem terras vel penetrant *pluvia*, vel ab iis sistuntur. *Arenosum* enim *stratum* non ita inhibet aqueas particulas, quin easdem potius facillime transmittat, unde non raro omnem operam ludunt Architecti, reperta *arena*, quam *vivam* appellant, tenui scilicet illa glarea, quæ infinitis aquarum scaturignibus permixta est. Contrarium vero deprehendimus in *stratis* non solum *lapideis*, quæ solida sunt, sed & *argillaceis*, quod aquæ particulas non transmittant, sed earum progressum ulteriorem sistant, id quod in aggeribus manifesto patet exemplo, in quibus lutum contra aquarum irruptionem, tanquam unicum obstaculum & firmamentum haberi solet.

Quando ergo percolationi aquæ pluvialis per *stratum terrenum* vel *arenaceum* descendens, resistit subjectum *lapideum* vel *argillaceum*, atque simul occurrit ruptura coacervationi aquæ opportuna, qua data porta ruit & erumpit; atque ita *fontes* generari dicendum est, quando illa pluvialis aquæ humiditas, quæ à terra hausta alias moratur intra ejusdem particulas sparsa, in unum locum, quasi destillatione quadam colligitur. Ideoque animadvertendum est, quod,

quod, licet in editis locis interdum observentur fontes, nunquam tamen occurrant in locis ita elevatis, quin adsit alius tractus terræ elevation, à quo supeditari possit sufficiens aquarum copia, à pluviis ibi antea collecta.

§. VI.

Illi autem fontes, quando per canales declives & alveos terræ alio diducuntur, constituunt rivus, & à pluribus talibus rivulis à diversis fontibus concurrentibus in unum communem alveum, exsurgit fluvius, qui se tandem in mare exonerat; Atque cum secum varias particulas terrestres vehat illa in mare ita infusa aqua, nec illæ particulæ iterum per vapores è mari elevatos separentur, non mirum est, quod aqua maris *salsa* sit.

Ex fontibus oriuntur fluvii, qui se in mare exonerant.

Credibile est *salsedinem* maris provenire ex salis particulis in aqua solutis, sive illæ sint mari coævæ, ut existimant, nonnulli sive in mari sint quasi quædam salis fodinæ, sive, quod probabilius est, omnes illæ ad mare confluentes aquæ, terrestribus particulis prægnantes, de-

Salsedo maris unde provenit?

ponant ibi eas particulas, ex quibus quando sub vaporum forma ascendunt eæ, quæ facilius motui obsequuntur, remanent illæ quæ rigidæ sunt & ad motum ineptiores atque Salinæ naturæ, quam sententiam debemus Illustri Romero, Mathematico Regio, qui eandem jam olim in Regia Parisiensium Academia uberius primus exposuit. *Du Hamel de Meteor. lib. 1. c. 2. Fromondus lib. 5. Ph. Burg. p. 2. tr. 2. diff. 1. c. 5. Boyle.*

Æstus maris.

Cum mare ad certum locum majori copia affluit, tunc *fluxus* nominatur, cum autem impetus ille remittit & minus aquæ advehitur, *refluxus* dicitur. Atque hunc motum, seu *æstum maris reciprocum*, à Luna pendere fatentur pene omnes, quia non solum in noviluniis & pleniluniis major est, quam in quadraturis, sed & singulis diebus variat tempus & hora æstus secundum varietatem motus Lunæ; verum qua ratione eum motum temperet Luna, non ita liquidum est. *Du Hamel de Met. l. 1. c. 2. Varenius. Robault p. 2. c. ult. Fromondus. Cartes. Princip. p. 4. Ale Grand. Phil. Burg. p. 2. tr. 2. diff. 1. c. 6. Exp. Magd.*

§. VII.

Inter *fossilia* numerantur varia *fossilia*.
terrarum genera, succi, metalla, lapides & mineralia.

Terrarum aliz steriles sunt, quia humori retinendo ineptæ sunt, ut *glarea*, *fabulum* & *arena*, aliz fertiles, inter quas locum merentur *limus, argilla* & *marga*, quæ est quasi terræ quædam medulla. Et prout diversæ harum terrarum species admixtos habent succos minerales, coloresque & sapes diversos ita & varias facultates Medicas nactæ sunt.

Quod *Lapidum* & *metallorum* generationem attinet, certum est ea non crescere & augeri modo quodam analogo cum animatis corporibus, nulla enim in iis est vegetatio, nulla semina animalium ovis analogæ. Animata corpora crescunt per appositionem particularum internam, *lapides* autem & *metalla* per *appositionum partium externam* augentur. Et quidem quæ in his ab externo fluido immediate apponuntur solido, in quibusdam proprio pondere versus fundum delabuntur, ut in *sedimentis*, in aliis à fluido penetrante vel undique apponuntur.

ponuntur solido, ut in *incrustationibus*, vel certis duntaxat superficiei solidæ locis, ut in illis, quæ *fila*, *ramos* & *angulata* corpora exhibent. Adeoque corpora illa solida, quæ per appositionem ab externo fluido producta sunt, referri possunt vel ad *sedimenta*, ut *strata terra*, vel ad *incrustationes*, ut *achates*, *chalcidonium*, *aëtites*, *lapis Bezoar*, & omnis generis lapides è lamellis compositi, vel ad *fila*, ut *amianthus*, *alumen plumosum*, varia *filorum* genera, quæ in fissuris lapidum deprehenduntur, nec nisi superficialia sunt, vel ad *angulata corpora*, ut *crystalli montium*, *ferri* & *æris angulata corpora*, *cubi marcasitæ*, *adamantes*, *amethysti*; vel ad *repletiones*, ut omnis generis variegata *marmora*, *granita*, *dendroides*, *conchyliæ lapideæ*, *crystallina*, & ejus generis plurima consumptorum corporum loca replentia. *Ph. Burg.* p. 2. tr. 3. *Robault* p. 3. c. 6, 7. *Ale Grand*, p. 6. c. 8. *Du Hamel de Fossilib.* *Gual. Charlton de Var. Fossil. Gener.*

Q U Æ S T. I.

An omnes Montes, fluvii & Insulae, quæ hodie exstant, fuerint à mundi initio?

Cum toties per rupturam aliquam, factam vel ab aquis vel igne subterraneo,

neo, mutetur *stratorum terræ situs* & inæqualitas terrenæ crustæ interrumpatur, facile apparet, *montes* omnes hodiernos non existisse ab initio, sed posse naturaliter everti *montes*, eorumque cacumina elevari & deprimi, aperiri terras iterumque claudi, posse *flumina* cursum mutare, posse varias produci *insulas* & rursus alias auferri mari jungique terris, quæ, licet apud Historicos non raro legantur, vix tamen fidem merentur, nisi ipsa Naturæ confirmarentur inspectione.

QUÆST. II.

An credibile sit ex solis pluviis oriri fontes, sive perennes sint, sive deficientes?

Varie semper à Philosophis disputatum est, utrum *fontes* ex *pluviis* & soluta nive oriantur, an ex mari, velut magno aquarum thesauro, per varios telluris vel poros vel anfractus deriventur, an utraque ratione ex mari originem trahant, scilicet tam superiori quadam circulatione per nubes, quam inferiori, per secretiores quosdam mæandros in intimis terræ visceribus. Nos, uti nullis firmis argumentis evinci posse existimamus, *fontes* vel oriri ex aquarum subterranearum evaporatione, vel

ex aquis è centro terræ elevatis, vel ex aquis marinis per canales subterraneos ascendentibus, ita unicam *fontium fluviorumque* originem ex pluviis agnoscimus, sive regulares sint, sive irregulares, sive temporales sive perennes aut annui vel aliis certis temporibus fluentes vel deficientes. Etenim videmus diluvia aut ingentes fluminum inundationes provenire aut à pluviis immediate præcedentibus, aut à nivibus & gramine solutis, deinde plurimos fontes sub solis æstu in totum deficere, & omnes minui, præterea nullos unquam in summo montium vertice erumpere, aut adeo prope cacumen, quin semper aliqua portio terræ superior emineat, unde iis suppeditantur aquæ, &, quod ad rem maxime facit, in terris tenacioribus & argillofis, quas aqua difficulter permeat, raro fontes observari, cum nunquam desint in arenosis & saxosis terræ partibus, per quas aqua facile percolatur, denique non omnino iis unquam deesse justam aquarum quantitatem per pluvias suppeditatam, id quod liquet ex illo à *Mariotte* allato experimento in Libro de motu fluidorum, qui in vase quodam libero aëri exposito, repetito sæpius experimento, observans aquæ, quotannis per pluvias delabentis, quantitatem, &
ita,

ita, facto calculo cum ista aquæ quantitate, quæ illum tractum terræ, unde ortum ducit Sequana Gallix fluvius, per pluvias quotannis inundat, cum illa, quæ ex ipsius calculo iterum per eundem fluvium delabitur & in mare eructatur, haud dubie evincit, quod tertia saltem pars delabentis pluvix abunde sufficiat omni isti aquæ quantitati, quæ quotannis per fontes atque fluvios suppeditatur. *Cartes. Princip.* p. 4. art. 64. *Du Hamel de Meteor.* l. 1. c. 2. *A le Grand* p. 6. c. 7. *Robault* p. 3. c. 10. *C. Bartholini Diss. de Font. Or. Fromond.* lib. 5. *Ph. Burg.* p. 2. tr. 2. diss. 1. c. 3.

Q U Æ S T. III.

An gemma & Lapidés producantur ex fluida materia?

Ubi corpora, quæ nos circumstant, exploramus tactu, animadvertimus quædam esse resistentia & non nisi difficulter divisibilia, alia vero non ita resistentia, sed quæ divisionem subeunt facile. Prioris generis corpora solida vocamus, hæc fluida. Fluiditatis naturam non aliunde accersimus, quam ab exiguitate & motu particularum, sic alabastrum in pulverem comminutum & igni admo-

tum liquoris ebullientis speciem præbet, nec ipsa metallorum fusio aliud esse videtur, quam partium comminutio. Quod solida corpora attinet, habent illa particulas vel juxta se invicem quiescentes, vel non nisi tardissimo motu mutantes locum. Ita vidit D. Boyle in turcoide maculas subinde locum mutasse, & in Achate nebulam paulatim evanuisse. Solidum corpus, si secundum naturæ leges generatum est, e fluido est productum. Certe gemmas ex fluida materia originem ducere, omnino persuadent earum pelluciditas, figuræ regularitas, inclusa sæpe heterogenea, colores à mineralium metallorum admixtis succis, & cur non idem de aliis lapidibus, qui non nisi succi puritate ab his differunt, credendum est? Adeo ut frustra quis in generatione lapidum provocaret cum antiquis vel ad vim lapidum formatricem vel ad principium Architectonicum, vel ad, nescio quem, regnantem ubique spiritum, rationibus feminariis prægnantem, quæ nuda sunt verba nihil significantia. Boyle of the Origine and Virtues of Gems. Du Hamel de Fossil. c. 8.

QUÆST.

Q U Æ S T. IV.

*An Testacea fossilia & Glossopetra sint
partes Animalium ?*

In stratis Terræ hinc inde divesissima
occurrunt corpora, prout diversis gene-
ribus corporum imprægnata fuere illa
fluida, quæ stratis coacervandis occa-
sionem dederunt, nec raro etiam inter
illa vel animalium partes vel plantarum
observantur. Inter animalium spolia illa
hic frequentiora sunt, quæ marina sunt,
quia plerumque ex maris sedimentis
coaluerunt strata, & inter ea, quæ marina
sunt, frequentiora observantur illa, quæ
solidoris sunt substantiæ & formam diu-
tius tueri possunt, ut dentes piscium &
Testæ. Atq; hinc exsurgit illa diu inter
Philosophos agitata quæstio, an illa cor-
pora ibi in terra, ex qua effodiuntur,
generata sint aliorum fossilium more,
an vero partes sint animalium. Quod
glossopetras attinet, certum est eas esse
dentes pisces Canis Carchariæ, sed no-
tandum est, quod interdum ipsa dentis
substantia absumpta reperiatur, in ejus
locum succedente alia materia lapidea,
quæ tamen exactam figuram externam
retinet ipsius dentis. Imo & illa Te-
stacea,

stacea, quæ in locis procul à mari sitis reperiuntur & è terra effodiuntur, vera sunt marina, per inundationes illuc deducta, vel ibi olim in aquis stagnantibus genita. Sunt autem duum generum, 1. Naturalia, quæ iterum vel nullo modo mutata sunt, vel succo petrifico imbuta, vel quasi calcinata. 2. Lapidea, quæ saltem figura viventibus similia sunt, sed colore, pondere & duritie referunt lapides, adeoque cum eorum substantiam solventes terræ succi destruxerint, remanent saltem figura corporum, & dum spatia, à testis illis antea occupata, replentur fluido vel faxeo vel marmoreo, exhibent varii generis conchas lapideas.

Nihil vel in terra occurrit, unde eruuntur hæc corpora, vel in ipsis illis corporibus, quo minus per maris inundationes congesta dici possint.

Primo enim dubium esse non potest, quin pro aquæ sedimento sensim congesto, habenda sit terra quæ stratis, diversissimi generis corporibus refertis, abundat, & talia strata cum manifestissime occurrant iis in locis, unde *Testacea Fossilia* & *Glossopetræ* eruuntur, facile concludi potest modus, quo per varias maris inundationes, diversis temporibus factas, intra montium viscera conclusa

clusa ibique congesta sint illa corpora, quæ partes animalium referunt. Et quod ab antiquissimis etiam temporibus ad hunc usque diem ita asservata sint, evincere videtur illud à *Stenonio*, in tractatu de *solido intra solidam contento*, adductum argumentum vetustissimi saxi in foro Volaterrano excisi, intra quod veræ conchæ marinæ repertæ sunt, quod saxum cum multis seculis ante Romanam conditam Volaterranorum Urbi extruendæ convectum sit, certum est illas conchas amplius ter mille annis duravisse, & earum generationem ad diluvium usque referri posse.

Deinde non magis credendum est, integumenta concharum, vacua ab animalibus, in terra sponte formari ex certarum partium concursu, quam villosa quadrupedum coria plumasque avium sine animalibus produci posse. Ad hoc, à quocunque demum principio alio illa facta dicamus, neutiquam tanta semper observaretur conformitas, id quod evidentissime patet in aliis in fluido crescentibus corporibus, quæ variis modis à solita figura recedunt. Hæc vero non modo sibi invicem, sed etiam animalium partibus, quibus respondent, simillima sunt, nec ulla est in striarum ductu, in lamellarum textura, in cavitatum
gyris

gyris & anfractibus, in bivalvium commissuris differentia. Quin & ipsa testarum structura demonstrat, operculum illud, quod omnia testacea ab ortu gerunt, non posse aliter quam cum ipsis animalibus crescere. Quando vero ipsa Testarum substantia à solventibus terræ succis plane destructa est, in earum absumptarum locum non raro succedit alia materia lapidea, figuram saltem externam testarum exacte referens, eodem modo quo videmus ex fuso metallo & in argillas, quibus impressæ sunt variæ figuræ, immisso, ærea fieri signa. Ita & glossopetræ interdum ex materia terrestri & lapidea productæ observantur, absumpta scilicet interiori dentium substantia, & illa maxime, quæ basin constituit, illique vicina est. Atque ubi ad hanc substantiæ differentiam attendimus, facile solvi possunt omnia dubia, quæ contra hanc opinionem non solum de Testaceis fossilibus, sed & glossopetris, à variis prolata sunt, & nuper etiam à *Johanne Reischio* in tractatu de glossopetris *Lunenburgensibus*.

CONCLUSIONES.

1. Inæqualitates in Terræ superficie occurrentes ortæ videntur ex variis rupturis Terræ,

2. Ista autem ruptura oriri potuit & ab ignibus subterraneis & ab aquis.

3. Quemadmodum strata, quæ in crusta terræ exteriori deprehenduntur, efformata sunt ab inundatione aquarum;

4. Id quod haud obscure colligitur ex illa congestione corporum diversissimæ naturæ, quæ in iis plerumque reperiuntur.

5. Cum & non raro quasi partes quasdam & exuvias animalium in iis deprehendamus.

6. Quæ omnia corpora revera habenda sunt vel pro ipsis illis animalium partibus, quas repræsentant,

7. Vel etiam consumptæ illæ partes animalium locum dederunt coacervationi alterius materiæ, quæ exactam figuram istarum partium retinet.

8. Atque hinc facile patet, quid de Testaceis fossilibus, de glossopetris, de ebore fossili, & ejus generis corporibus dicendum.

9. Quia

9. Quia vero strata arenacea transmittunt illabentes pluviales aquas, sed argillacea & lapidea iisdem resistunt, si forte contingat ruptura quædam in terra cui subiectum est lapideum stratum, facile videmus modum, quo datur occasio collectioni aquarum,

10. Atque hoc pacto ex aquis pluvialibus & soluta nive oriri fontes omnes & fluvios credibile est.

11. Adeoque cum tam varie omni tempore mutata sit terrena crusta, non mirum est novos generari posse fontes,

12. Quin & exstare hodie insulas flumina, montes aliasque terræ inæqualitates, quæ ab initio non fuerunt.

13. Metalla non generantur ex semine, nec ulla eorum est vegetatio, sed per appositionem externam partium augentur.

14. Ita & lapides ac gemmæ ex fluida materia concrescunt.

15. Non incredibile est salsedinem maris oriri à particulis terrestribus, quæ cum aquis fluminum in mare invehuntur, nec inde iterum per vapores exhalant.

C A P. XIV.

De Corporis Animati Functionibus.

Rohault p. 4. A le Grand, p. 8.

Phil. Burg. p. 3. Willis de Anima
Brutorum.

§. I.

Corporis Animati partes sunt vel *solidae* vel *fluidae*; tam hæ quam illæ omnes inserviunt vel *Conservationi Individui & speciei* (1), vel *sensui*, vel *motui* (2), ad quæ tria, tanquam summa capita, omnes in corpore animato functiones commodè reducuntur.

Corporis animati functiones.

(1) Inter triplicem *viventium* ordinem, tanquam infimus, hætenus recepta est *Plantarum* familia, quibus *anima vegetativa* attributa est, & ab ea dependentes tres *facultates*, *altrix*, *auctrix* & *procreatrix*, per quas intelligenda sunt organa, quæ *conservationi Individui & speciei* inservientia habent *Plantæ* analogæ animalium organis. Etenim 1. tam in trunco quam *foliis & fructibus* quæ-

Infimus viventium ordo, Planta.

Dieby of Vegetation.

Plantarum partes inservientes conservationi Individui & speciei.

quatuor adfunt vasa, fibræ nimirum lignæ, cum inclusis tracheis, utriculi transversales, & quartum vas peculiare singulis proprium. Per fibras lignæ ascendit succus, qui in transversalibus asservatur & quasi fermentationem aliquam subit, ejusque humoris ascensum vel adjuvant trachæ, vel fermentum aliquod ab aëre acceptum subministrant. Quartum vas in nonnullis terebinthina, gummi, vel alio humore repletum est, & in lactiferis & resinam fundentibus manifestius apparet. 2. In fructu seu stylo, qui in diversis varius, sed in omnibus uteri vicem supplet, asservantur semina, in quibus delineata latitat planta.

Functiones
Animalium,
quæ sensiti-
va dicuntur.

(2) Nec solum partibus Nutritioni, vitæ ac generationi dicatis, in quibus consistit illud, quod animam vegetativam communiter appellarunt, sed sensu insuper & motu prædita sunt ea viventium genera, quæ sensitiva dicuntur. Atque licet tam his quam illis functionibus interfervientes partes in variis diversæ sint, pro ingenti illa animalium varietate, in omnibus tamen fere analogæ observantur. Et per hæc organa, quæ in corporibus animatis, suis singula usibus aptissime conformata, reperiuntur, rectius explicantur omnia, quæ de Facultatibus dixerunt veteres. Ita ad Naturalem facultatem

cultatem (quam perperam statuerunt Hepar suppeditare) pertinent *Nutritio-*
nis organa, ad *vitam*, *Respirationi* &
sanguinis, vel *humoris* illi analogi, *circulationi* ac *cribrationi* dicata organa, ad
animalem, quæ *sensui* & *motui* famulantur.

§. II.

Individui conservatio in eo præcipue consistit, ut novæ indies *sanguini*, vel liquori cuidam vitali, (1) sanguini analogo, subministrentur particulæ tam ex alimentis quam fluido illo, in quo vivit animal, sive aereo sive aquoso, & ab eodem sanguine iterum aliæ separentur in diversis partibus, vel corpori utiles & necessariae vel prorsus inutiles & excrementitiæ. Ita conservatio Corporis nostri à conservatione sanguinis dependet, & solidæ partes absque fluidis consistere nequeunt, ex his enim in illarum substantiam abeunt, ad nutritionem depositæ, particulæ quædam, non secus ac ab illis iterum emeritæ recedunt, alias in immensum corpus augeretur. Et in

K hunc

In homine
& animali-
bus perfecti-
oribus quo-
modo fiat?

hunc finem in animalibus perfectio-
ribus occurrunt, *canalis alimentorum*,
via chyli, *sanguineum receptaculum*,
& partes variæ, instar *cribri*, secer-
nentes à sanguine humores diversos
(2). Etenim, in *ore* dentibus con-
trita & *saliva* imbuta, alimenta de-
truduntur per *œsophagum* in *ventri-
culum*, ibique à *succo* quodam *fer-
mentante* (3) inciduntur atque arte-
nuantur, donec, inde iterum expul-
sa, in *intestinis tenuibus* (4) conflu-
entibus illuc & bile & succo pancre-
atico (5), ita alterentur, ut pars a-
limentorum subtilior separetur à fa-
culenta, quæ ad *intestina crassa* a-
blegatur; illa vero *chylus* dicitur,
qui, per peculiarioria *vasa Lactea* (6)
ductumque thoracicum delatus, in vena
axillari sinistra jungitur cum *sang-
uine*, sanguinique immixtus, cum
eo continua circulatione percurrit
totum corpus, donec sensim induat
naturam & formam sanguinis (7).
Servat autem in motu suo hunc cur-
sum *sanguis*, ut continuis *pulsibus* à
corde (8) distribuatur per *arterias*
ad

T. Bartho-
linus de La-
theis Thor.

ad omnes corporis partes, & ab iisdem ad *cor* revertatur per *venas*, & ita quidem, ut à dextro cordis ventriculo feratur in *pulmones* (9), & ab iisdem reversus in sinistrum ventriculum inde ad reliquas corporis partes pellatur. In illo circuitu, quem *circulationem sanguinis* (10) vocant, in diversis corporis partibus, quæ vulgo *viscera* dicuntur, diversas deponit particulas, quæ à sanguine separantur, quasi per *cribra* quædam (11), & in peculiaria, eaque diversa, *vasa excretoria* secedunt. Ita in glandulis oris percolatur *saliva*, in conglobatis glandulis humor, qui per *lymphatica* vasa decurrit, in pancreate *succus pancreaticus*, in hepate & vesicula felle, *bilis*, in Renibus *urina*, &c. (12). In pulmonibus etiam a sanguine secedit excrementum aliquod, per *respirationem* (13), quando scilicet aer in *inspiratione* a motu pectoris pellitur (14) intra pulmones, & *expiratione* iterum ab iisdem excluditur, atque hoc modo aliquid etiam ab aere se-

paratum sanguini miscetur (15)
quodcunque demum illud sit.

*Diviso ani-
malium re-
spectu liquo-
ris vitalis.*

(1) Respectu *liquoris vitalis* non in-
convenienter dividit *Willisius Anima-*
lia in *Exsanguia* & *sanguinea*, illaque
dicit vel *terrestria*, ut insecta, vel *aqua-*
tica, ut pisces molles, testaceos & cru-
staceos; *sanguinea* vel *frigida* nominat,
quorum nonnulla cor biventre & pul-
mones habent, ut amphibia, alia cor
univentre & branchias, ut piscium re-
liqui, vel *calida*, quæ omnia cor biven-
tre & pulmones habent, cujus generis
præcipuæ species sunt volucres, qua-
drupedes & ipse homo.

*Humores
corporis sunt
trium gene-
rum.*

*Quid de spi-
ritibus cen-
sendum &
calido innat-
o?*

(2) *Humores* in corpore nostro ad
tria genera reduci possunt, nempe *chy-*
lum, *sanguinem* & *humores* à sanguine
secretos. Atque hinc apparet, quid de
quatuor illis humoribus, quos non solum
sanguinem sed & corporis nostri *tem-*
peramentum constituere dixerunt anti-
qui, censendum sit, nempe de *bile*, *sangui-*
ne, *melancholia* & *pituita* seu *sero*;
scilicet massa sanguinea multis hetero-
geneis humoribus est referta, qui sub
eadem forma sanguinis, cum eo mixti,
circulantur, donec in diversis cribris
secedant, ita in hepate separatur bilis
in glandulis conglobatis serum seu lym-
pha

pha, quæ sanguini iterum affunditur per vasa lymphatica ; per melancholiam autem intelligendus est humor acidus, vel in sanguine contentus, ejusque massam inficiens, vel extra receptaculum sanguineum. Per spiritus, quos ita appellarunt antiqui, intelligenda est pars sanguinis subtilior, non solum quando intra receptaculum sanguineum continetur, sed & ubi à cerebri cortice, vel substantia glandulosa, secreta à sanguine, in nervos distribuitur. Ita & quæ de *calido innato & humido radicali* dixerunt veteres, omnia ad sanguinem referri debent.

(3) *Fermentum*, quo imbuuntur alimenta, suppeditant *glandule*, non solum salivales, sed & illæ quæ in interiori ventriculi tunica reperiuntur, ne utquam vero vel arteriæ ventriculi immediate, vel lien per vas breve, quod ab illo in ventriculum patere & succum acidum eructare crediderunt antiqui.

Fermentum ventriculi.

(4) *Intestina cum gula & ventriculo* unum continuum conficiunt ductum, sed in diversis animalibus varie inflexum & circumvolutum, atque in diversis sui partibus varie dilatatum, qui commode *via* vel *canalis alimentorum* dici potest, & secundum varietatem animalium variis modis differt. Cur autem tantam

Canalis alimentorum.

Glisson de Ventr. & Intest.

Cur tanta
ejus in non-
nullis longi-
tudo?

ejus longitudinem nonnulla animalium possideant, non alia causa est, quam 1. ne brevitās intestinorum dejectionis frequentiam produceret. 2. Ut eo plures alimentorum particulæ per superficiem tam late expansam exire & corpori in alimentum cedere possint. Duobus autem modis augetur superficies viæ alimenti, vel dum ipse canalis longius extensus plures gyros format, vel dum in canali breviori & recto membrana in modum heliciis interius circumducitur, ut in Raja aliisque piscibus.

Efferves-
centia inter
bilem & suc-
cum pancre-
aticum ex
mente Syl-
vii.

(5) Inter *bilem* & *succum pancreaticum* effervescentiam quandam excitari in intestino *duodeno*, & illam quidem blandam & naturæ amicam in statu sano, in morbofo autem variis modis depravatam, statuit *Fr. de le Boë Sylvius*.

Venæ Lactææ
in Avibus
nondum re-
pertæ.

(6) In avium quidem genere nondum *venæ Lactææ* deprehensæ sunt; An ergo in iis adhuc illæ lateant; an autem in avibus feratur *chylus* per venas mesaraicas sanguineas, dubium est; etenim per has ante detecta Lactea vasa in omnibus animalibus chylum ferri crediderunt ad hepar, unde etiam illi parti sanguificationis officium adscripserunt. De *assumptorum distributione* dicendum est, illam statim ab ore incipere, cum spiritalia ore assumpta hominis lassæ vires cum

Pars subtilior alimen-
torum ubi-
que in san-
guinem tran-
sire potest.

cum suavitate, velut momento, restau-
rent, præterea cum vasa sanguinea per
totum alimentorum ductum diffusa ag-
noscamus, & ex assumptis quædam fa-
cilius quædam tardius à reliquorum
nexu exiricari, non potest negari, quin
illa ubique in sanguinem ferantur. De
chyli autem distributione magna jam diu
fuit controversia, tum quoad vasa, qui-
bus ab intestinis in sanguinem ferri di-
versi crediderunt, tum quoad ductum
vasorum Lacteorum, quæ chyli distribu-
tioni inserviunt. Novissime deprehen-
sum est, vasa illa, quæ paucis à pastu
horis chylo turgida reperiuntur, om-
nia ad *receptaculum lumbare*, indeque
ad *ductum thoracicum* tendere, ita ut,
cum sanguine per *venam axillarem* fini-
stram descendente, in *Cor* feratur *chylus*,
per hæc vasa delatus.

*Chylus per
vasa La-
ctea, distri-
buitur recta
ad Cor.*

(7) *Sanguificatio nec hepatis nec cordi*
nec alii parti solidæ jure adscribi debet,
sed potius *humoribus* ipsis in se invicem
agentibus, nec ulla inter *partes solidas*
tam dici potest *principalis*, quin potius
inserviant omnes sanguini, vel propel-
lendo & per totum corpus distribuendo
atque iterum ad cor reducendo, vel va-
riis humoribus ab eodem in diversis lo-
cis secernendis, quasi per cribra quæ-
dam, sed singulis humoribus propria.

*Sanguifica-
tio parti so-
lidæ non ad-
scribenda,
nec ullarum
solidarum prin-
cipalis.*

*Sanguinis
Circulatio.*

Lower.

(8) *Præcipua Cordis*, tanquam musculi, functio consistit in propellenda tota massa sanguinea, quasi in orbem, qui motus *Circulationis* nomine venit, non quod vas sanguineum circularem exhibeat canalem à centro æquidistantem, sed quia motus sanguinis perpetuo gyro in Orbem continuatur, cum varia tamen in diversis partibus lege. Ille autem motus *Cordis* non aliunde proficiscitur, quam ab ipsius *musculosa* fabrica, dum fibræ ejus, analogo cum aliis musculis motu, contrahuntur, nec vel ab unica gutta sanguinis in ventriculis *Cordis* quasi rarefcente, uti placet *Cartesio*, vel ab integra massæ sanguineæ effervescentia inter humores diversæ naturæ, uti visum est *Sylvio*. Quæ de *flammula Cordis* & calido innato dixerunt multi, explicari debent per sanguinis partem vivaciorem, quæ in Corde quidem est floridior, propter particulas aëreas per pulmones ipsi admistas, sed inde etiam per totum corpus dispergitur.

*Quid de
flammula
Cordis cen-
sendum?*

*Diversitas
inter cur-
sum sangui-
nis in adulto
& fœtu.*

(9) In animali quidem vivente in aëre omnis sanguis per pulmones transit, deinde in universum corpus distributus partim mediante hepate per venam portæ, partim per cavæ ramos immediate ad cor revertitur, circulo absoluto. In

fœtu

fatu autem, dum in utero vivit, non nisi exigua *sanguinis* pars transit per pulmones, qui in foetu neutiquam moventur, adeoque immediate in universum corpus sanguinem pellit uterque cordis ventriculus, quemadmodum etiam redeuntem sanguinem ab universo corpore uterque immediate recipit.

(10) *Motum sanguinis circularem* non alias manifestiusprehendimus, quam ubi in vivo animali insigniores rami *arteriosi & venosi* in cruribus aliisve partibus detecti, injecto quodam vinculo ligantur, ut videatur pars venarum ab extremis ab vinculum injectum, sanguine adveniente impleri, altera vero detumescere, pars autem arteriarum à corde ad vinculum usque sanguine impleri, sed illa à vinculo ad extrema, sanguine destitui jam ad omnes partes abeunte.

Modus demonstrandi motum sanguinis circularem.

Harvey.
Conringius.
Phil. Burg.
p. 3. Cartes.
de Form.
Fatu.

(11) Cum *sanguis* per *arterias* ad singulas corporis partes deferatur, & antequam ab iisdem per vasa capillaria *venarum* iterum redeat, in nonnullis corporis partibus deponat particulas varias quæ per vasa peculiaria excluduntur, proprie *cribri* nomen meretur illa circumfusa materia, quæ inter capillaria arteriarum & extrema oscula vasorum, quæ commode *excretoria* dici possunt, inter.

Partes a sanguine secernentes, quasi per cribra quædam, humores heterogeneos.

intermedia est, atque efficit, ut transitus fiat non totius sanguinis, sed quarundam saltem ex eo secretarum partium, diciturq; alias *parenchyma vel caro viscerum*. Ita in sanguine post diversorum humorum in se mutuam actionem diversi generis particulæ à tota massa separatæ, in singulis *cribris* sibi convenientes *meatus* inveniunt, & præter illos partium *poros*, ad humorum secretionem etiam peculiare quoddam *fermentum* requiri nonnullis videtur.

*Sudoris ex-
cretio & in-
sensibilis
perspiratio.*

(12) Per totam *cutis* superficiem excernitur *sudoris* materia, quæ à sanguine secedit per minutissimas glandulas, & magnam partem constituit illius materiæ, quæ per *insensibilem perspirationem* è corpore nostro transpirat, de qua per *Sanctorii* experimenta innotuit, eam tanta quantitate quotidie exhalare, ut omnes reliquas corporis nostri excretiones superet.

*Pisces quo-
modo respi-
rant?*

(13) *Respirant* etiam suo modo illa animalium genera, quæ in aquis vivunt & *branchias* habent loco pulmonum, etenim, quemadmodum animalia in aëre viventia, eadem via, nempe per *tracheas*, & recipiunt intra *pulmones cavos*, & emittunt iterum illud fluidum, in quo vivunt, ita pisces, nonnihil diversa via, fluidum, quod per os hauriunt, reddunt &

& emittunt per spatia *branchiarum*, quæ radios quibusdam semicirculis constant, ita conformatis, ut sanguineis vasis comitati, convexam & exterius sitam exhibeant eam trachearum superficiem, quæ in aliorum pulmonibus interiorius retracta & concava conspicitur. Quæ fabrica *excremento pulmonum*, quod in hoc animalium genere crassius est & magis compactum, apprime accommodata est, cum optime hoc modo, velut fluminis præterfluentis impetu, continuo abluatur & abradatur congestum circa *branchiarum tubulos* excrementum.

Amphibia, licet in aquis etiam vivant, *branchiis* tamen destituuntur, & *pulmones* *cavos* habent, quorum orificium superius, nempe tracheam, pro lubitu, claudunt & aperiunt, adeoque & in utroque *fluido* nempe *aëreo* & *aqueo* vivere possunt. Non minori *pulmonum* apparatu gaudent *Insecta*. In illis vero non tota sanguinis moles per pulmones confluit, sed, inversa via, pulmones ipsi vasorum ritu in universum corpus disperguntur, ita ut singulæ partes aeris particulas recipiant, cum nullæ non propages admittant horum vasculorum, quæ conspicuo quidem trunco carent, sed in quovis orificio plures grandiores rami concurrentes in communem hiatum desinunt,

Amphibia
quomodo in
aquis vivere
possunt?

finunt, & ostio cuidam ovali, exterius in ventre conspicuo, respondent, per quod aër ambiens communicatur. Talia in *Bombyce* octodecim numerantur, utrinque novem.

*Inspiratio
aeris intra
pulmones fit
per impulsio-
nem, neuti-
quam per
attractionem.*

*Nulla autem
proprie lo-
quendo da-
tur attra-
ctio.*

(14) In perfectioribus animalibus *in-
spiratione* intra *pulmones* dilatatur via
sanguinis & aëris intra thoracem & con-
stringitur via sanguinis & aëris extra
thoracem, atque ille motus aëris reci-
procus in *Respiratione* dependet à motu
pectoris, quod dum per musculos, respi-
rationi dicatos, elevatur, aër exterior
pressus, quia aliud, quo feratur, spatium
non habet, per asperam arteriam in pul-
monem *impellitur*, neutiquam autem *at-
trahitur*, cum nulla proprie loquendo de-
tur attractio, sed quæ attractioni vulgo
tribuuntur, rectius per impulsione[m] ex-
plicari possint. Etenim, cum impene-
trabiles sint materiae partes & omnia in
mundo plena supponantur, necessarium
est in omni motu dari circulum aliquem,
qui fit, quando corpus, quod movetur,
cogit alia corpora, quæ ipsi obvia sunt
& cedere possunt, deflectere quasi in
circularem motum & succedere in lo-
cum à priori relictum. Atque hoc cir-
culo sublato vel denegato corpori, cessat
ipse motus, qui non aliter quam per
impulsionem fieri potest.

Re-

(15) *Respirationem* duplex sequitur ^{*Respirationis effectus.*} effectus, dum & *excrementum sanguinis* in *pulmonibus* secretum hac via excernitur, & aliquid ex aëre separatum sanguini miscetur, quod, ex mente *Willisi*, *nitrosum* quiddam est, illudque, tanquam necessarium vitæ pabulum, tam ab aëre quam aqua hauriunt animalia. *Malpighius* summe activas particulas esse dicit, quibus & fluiditas sanguinis promovetur & fermentatio excitatur.

§. III.

Conservatio speciei analogo ^{*Conservatio speciei.*} prorsus modo fit in utroque animalium genere, nempe & *viviparis* & *oviparis*, quæ omnia generantur ex ovo (1) per *semen masculum* fœcundato (2), sed hac cum differentia, quod in oviparorum ovis, quæ materiam pro nutritione fœtus in se continent, extra uterum delapsis excludatur animal, in viviparis autem intra *uterum* in ovo (3) formetur & ex *humoribus* ab utero affluentibus crescat fœtus (4), donec, ruptis *membranis* involventibus, statò partus tempore erumpat in lucem.

(1) Analogia deprehenditur manifestissima inter partes *genitales* in omnium ^{*Analogia inter generationem viviparorum.*} spe.

*viparorum
& oviparo-
rum anima-
lium, quæ in
utroque ge-
nere fit ex
ovo.*

specierum animalibus sequioris sexus, quæ in eo conveniunt, quod contineant *ovarium*, in quo asservantur *ova*, & *oviductum* seu *uterum*, per quem vel ova ipsa excluduntur, vel fœtus, qui intra uterum perfectionem & complementum nactus est. In *oviparis* hæc *ova* nulla communi continentur membrana, sed vel in unum quasi racemum coacervata sunt, vel duas distinctas ovorum congeries constituunt. In *viviparis* autem plerumque ova, præter membranam cuilibet propriam, etiam alia communi involvuntur, ita, ut duo talia corpora conspicua efformentur, quæ testes appellant antiqui ; dico plerumque, quia contrarium observatur in iis, quæ vel inter pisces sunt vivipara, ut mustela marina, vel etiam inter insecta, uti scorpio, quam utramque observationem debemus curiositati Celeberr. D. Olig. Jacobæi.

*Ovum quo-
modo a se-
mine mascu-
lo alteratur,
ut fœcun-
dum fiat,
incertum.*

(2) Ovum licet per subtiliorem *seminis masculi* partem, illi communicatam, fœcundum fiat, incertus tamen est modus, quo semen masculum alterat ovum, qui paulo manifestior nobis evaderet, si certo constaret, minutissima illa animalia, quæ in animalium semine masculino innumera, ope microscopii, nuperrime deprehendit *Lewenboeck*, ab ovo excipi, tunc

tunc enim dici posset eadem excepta in fœtum excrescere & augeri ex illa in ovo contenta materia.

(3) *Ovi* nomine in viviparis intelliguntur non solum rotundæ illæ vesiculæ humore plenæ, testiculorum maximam partem constituentes, sed & eadem, ubi ex ovario, post fœcundationem, delapsæ in uterum seu oviductum, ibi in *membranas fœtus* cum omnibus suis contentis excreverunt.

*Per ovum
quid intelli-
gendum in
viviparis.*

(4) Duplici via nutritur *fœtus* in *utero*, primis quidem temporibus per solum *umbilicum*, intra corpus fœtus per venam umbilicalem derivatis iis succis, qui ab utero affluunt, procedente autem tempore simul etiam per os, assumpto scilicet illo *amni liquore*, cui innatat. *Malpighius. Harvey de Gen. Animal. Needham.*

*Nutritio
fœtus in u-
tero.*

§. IV.

Quod ad partes *sensui* dicatas attinet, notandum, in omni sensu occurrere primo *objectum* exterius afficiens organum, deinde ipsum *organum* in animato corpore, illam objecti impressionem excipiens, denique *nervos*, qui eandem eo deferunt,

*Partes sen-
sui dicatæ.*

runt, ubi proprie fit sensibilibium perceptio, nempe ad *cerebrum*, tanquam sedem *sensus communis*, *phantasia* & *memoria* (1). Et objecta quidem sensibilia vel immediate applicantur organis nostris, uti *sapida*, *odorata* (2), & illa quæ *tactum* afficiunt, quando nimirum extremitates nervorum in *lingua*, *naribus* (3) & per totam *cutem* (4) dispersas vellicant; vel per intermediam aliam materiam agunt in organa nostra, ut ea, quæ *visum* afficiunt, per intermedios *radios lucis* (5), qui per *tunicas oculorum* transmissi, in *humoribus* & præcipue *crystallino* varie franguntur, & ita colliguntur, ut in fundo oculi pingatur imago objecti, quam *cerebro* repræsentat *nervus opticus* per *retinam tunicam* expansus (6); objecta *sonora* organum *auditus* afficiunt per intermedium *aerem*, cujus motus tremulus (7) ab objectis percussis resultans & *tympano* vel membranæ auris communicatus, ita movet & *ossicula auditus* & *aerem* internum, ut per *cochleam* dispersæ nervorum

vorum propagines istam sensationem percipiant. Ita in sensuum organis dispersæ nervorum extremitates (9) objectorum sensibilibum impressiones ad *sensorium commune* deferunt, quod licet in *cerebro* esse negari non possit, neutiquam tamen ejus sedi vel *glandula pinealis* (10) vel alia aliqua cerebri pars certo assignari potest, hoc autem certum est, *duplicem* esse *cerebri substantiam* ex qua omnes ejus partes constant, *albam* nimirum, quæ *fibrosa* est atque nervorum continuatio, & *cineritiam*, quæ fibris caret & albæ circumfusa est; in cineritia, quæ glandulosæ est naturæ, separatur materia, quæ per albam substantiam cum nervis continuatam distribuitur, quæque & sensum & motus instinctum dat partibus corporis, & nonnullis dicitur *succus nervosus*, communiter, *spiritus animalis*. Willis de Cerebro. Vieussens.

(1) In rei sensibilis perceptione tria
occurrunt, 1. impressio, quæ fit in or-
gano ab objecto, 2. illius impressionis
relatio ad commune sensorium, quæ fit
I. per

Rei sensibilis perceptio ubi & quomodo fiat.

per nervos, 3. exceptæ impressionis in communi sensorio perceptio, quæ proprie sensus dicitur perfectus, qui saltem inchoatus erat in sensuum exteriorum organis. Illa autem ab objecti impressione resultans perceptio, à nobis ita consideratur, ac si in ipsis partibus, in quas agunt objecta, fieret; cum tamen in ipso cerebro fieri inde appareat, quod qui parte aliqua corporis truncati sunt, quandoque in parte amissa dolorem sentire sibi videantur. Adeoque in rei sensibilis perceptione non fallimur, sed in iudicio. Et cum rei sensibilis actio sensum perfectum non efficiat, nisi cum cognoscitur, atque sentire nihil aliud sit quam cognoscere passionem suam, aut actionem quam in se recipit, fuerunt nonnulli qui brutis denegarunt sensum, seu cognitionem, quæ percipit illam sensibilium impressionem.

Sapores & odores in quo consistant?

(2) Uti *sapores* consistunt præcipue in certa magnitudine, figura & motu partium, ita & *odores* fiunt per substantialem quendam effluxum, & quasi evaporationem quarundam particularum, quæ subtiles sunt, mobiles & cum humido mixtæ, eaque præditæ figura, quæ commovere potest nervorum filamenta per olfactus organum in naribus dispersa.

(3) *Olfactus* verum *organum* non sunt *processus mamillares* in cerebro, sed *offi-* *olfactus or-*
um spongiosorum in naso latitantium *ganum.*
membranæ, per quas copiosi dispergun-
tur nervi, à ramo quinti paris orti. Et-
 enim in *Narium cavitate* distinguuntur
 duæ partes, *via aëris* & ejusdem *diver-*
ticulum, in utraque reperiuntur varix
lamellæ osseæ & cartilagineæ, circumvo-
 lutæ & membranis vestitæ, in quas mem-
 branas desinunt *nervorum* extremitates,
 quæ eo plures recipiunt particulas odori-
 feras, quo majorem superficiem expan-
 sam habet membrana; ideoque & exqui-
 sitiori *olfactus* sensu prædita sunt ea a-
 nimalia, quæ copiosiores *offium* anfra-
 ctus habent, quia in iis plures odoriferæ
 particulæ, per inspirationem intra na-
 res appulsæ, *organum* afficere possunt.

(4) Ex *cute* emergunt innumeræ fere *tactus orga-*
pyramidales papillæ, quæ ubi per corpus *num in cute.*
 quoddam *reticulare*, quod inter *cutem*
 & *cuticulam* crebris foraminibus pertu-
 sum reperitur, una cum sudoris vasculis
 transierunt, desinunt in *cuticulam*, sin-
 gulæ in plures veluti fibrillas divisæ,
 illasque, quia *nerveæ* sunt portiones,
 esse proprium *tactus organum* credibile
 est. Nec absimilis fere structura in *lin-*
gua constituit præcipuum *Gustus orga-*
num, ejus enim membrana exterior du- *gustus or-*
ganum in
lingua.

plicis generis *papillis* referta est, vel *pyramidalibus* vel *rotundis*, quæ prodeunt è *nervorum* extremitatibus per linguam dispersis, sed ita, ut pyramidalium partes membranæ linguæ adhærentes, non uniantur cum illarum partibus, quæ nervis continuæ sunt, nisi per immediatum contactum in foraminibus corporis *reticularis*, quod exteriori linguæ membranæ subjacet.

*Lumen &
color in quo
consistant?*

(5) *Radii lucis* corporei sunt, cum per eos intelligatur *ætherea* illa substantia, quæ poros corporum diaphanorum implet, cui dum *motus* quidam à partibus corporis lucidi communicatur, qui inde, tanquam à centro ad circumferentiam, radiis imperturbatis diffunditur, excitatur in oculis nostris sensus *luminis*, & prout iidem radii vel reflexi vel varie refracti à diversis corporibus remittuntur, varius in nobis producit *colorum* sensus. Adeoque minus recte dicitur *color* objecto illustrato inesse, cum saltem sit in ipso oculo.

visus organum.

(6) Partes in *oculo*, quæ præcipue visioni dicatæ, sunt *tunicæ*, *humores* & *nervus opticus*. *Tunicæ* oculorum tres sunt. I. *Sclerotica*, quæ exterior est & parte anteriori, ubi transparens est & radiis

radiis lucis pervia, vocatur *cornea*. 2. *Choroides*, quæ media est, ejusque pars anterior *uvea* dicitur, & exhibet *foramen pupillæ*, quod per musculosas fibras in loco obscuro dilatatur, constringitur autem in loco magis illustrato. 3. *Retina*, quæ intima est & expansio nervi optici. Humores etiam tres sunt, *aqueus*, qui parte anteriori inter corneam & uveam continetur, *vitreus*, qui parte posteriori, & *crystallinus*, qui in medio situs est, hic quasi in lentis formam, ut tubi optici aut microscopii vitrum, elaboratus est, ut radii per pupillam, velut con- clavis obscuri foramen, cui vitrum con- vexum aptari solet, subeuntes, eo modo infringantur, qui ad distinctam objecti imaginem in fundo oculi, velut in op-posito pariete, delineandam requiruntur. Isti radii lucis, quorum impressionem sola *retina*, quæ cum *nervo optico* conti- nuata est, deferret ad cerebrum, sistuntur à *choroide*, quæ idem officium retinæ tu- nicæ præstat, quod speculis amalgama quoddam à parte postica obductum. No- tandum autem inversa pingi in oculo ob- jecta. *Brerewood. Cartes. Diopt. c. 3. & Seq. Plempii Ophthalmog.*

(7) *Sonus* consistit in tali *motu*, qui *Sonus in*
non solum in ipsis corporibus sonoris *motu aeris*
eorum. *tremulo con-*
sistit.

eorumque particulis insensibilibus tremulus est & reciprocus, sed & qui eodem modo per intermedium *aerem*, repetitis vibrationibus similiter tredientem, propagatur ad organum auditus, ideoq; ubi in chordis tympanisque flaccidis, aut tintinnabulis admota manu, inhibetur ille subsultus & motus tremulus, etiam sonus tollitur vel mutatur.

Auditus Organum.

(8) In *Auditus organo* præter partes exteriores occurrunt. 1. *Meatus auditorius*. 2. *Membrana tympani*, quæ ob tenditur circulo osseo. 3. *Cavitas tympani* interior, in qua sitæ sunt partes osseæ, nempe *ossicula auditus*, *cochlea* & *labyrinthus*. 4. *Nervus auditorius*, qui duos habet ramos, quorum unus per cochleam dispergitur, & objectorum, quæ sonum edunt, impressionem acceptam deferret ad cerebrum. *D. Du Verney de Organo Auditus.*

Quomodo nervi cerebro communicant objectorum sensibilibus impressiones.

(9) *Fibræ nervorum* ita colligatæ & sibi mutuo confertæ sunt ac per longos ductus extensæ, ut vel levi ictu commotæ sensum vegetum in communi sensorio excitent, si ipsæ *nervorum fibræ* ita tensæ sint, ut aliqua sui parte percussæ, totæ tremant, adeoque vim sentientem excitent, quemadmodum placet *Cartesio*, si *spiritus contenti* per eas, velut tubulos, impellantur, & instar lucis

lucis vel ætheris irradiant nervorum
fibras & totum corpus. Et quemadmo-
dum hi *spiritus* cerebri fibras & nervos
in *vigiliis* distendunt, ita in somno eo-
rum plerique contrahuntur & figuntur,
& hinc perfecta perceptio in somno non
fit, quia rerum sensibilibus impressio ad
cerebrum, velut intima animæ penetra-
lia, perferri non potest. Est autem so-
mnus tam necessarius reficiendis viribus
quia eo reparantur spiritus laboribus
exhausti, & eorum agitatio sedatur.

(10) Præcipuam animæ sedem esse in
parte quadam cerebri, quam *glandulam*
pinealem vulgo dicunt, existimat Carte-
sius, & hanc, cum una sit, omnes sen-
suum impressiones excipere, idque ideo
quia in medio ventriculorum cerebri
sitam putat, pensilem esse & ad omnem
motum expeditam. Verum hoc ingenio-
sum commentum sponte ruit, cum de-
monstrari possit, illam glandulam sitam
esse extra omnes cerebri ventriculos, &
si vel maxime in eorum medio esset, non
tamen ab iis spirituum influxum reci-
pere posse, cum nullos contineant, deni-
que non ita mobilem esse & pensilem,
quin potius venis, arteriis & plexui
membranoso, quem choroidem dicunt,
sit affixa.

*Perfecta
perceptio in
somno non
fit.*

*Glandula
pinealis an
sit anima
sedes?*

§. V.

Motus animalium instrumentum proximum.

Motus instrumentum proximum (1) in animato corpore sunt *musculi*, qui constant *fibris* (2) *carnosis*, quæ utraque extremitate desinunt in *tendinosas*, illæ in motu contrahuntur & breviores fiunt, hæ nulum, nisi quem a carnibus accipiunt, motum habent. Unde hujus *contractionis* fibrarum causa (3) procedat incertum est, certum autem, eam absque sanguine neququam fieri posse, & absque materiæ, per nervos communicatæ, influxu, ad voluntatis nostræ arbitrium non fieri. *A. Borellus. Phil. Burg. p. 3. Vienssens de Cerebro lib. 3. c. ult.*

A fibra carnosa provenit motus in animali corpore.

(1) A fibris carnosis non solum ossium & reliquarum partium solidarum motus dependet, sed & partium fluidarum motus per easdem varie determinatur, licet hæ alium insuper motum intestinum particularum habeant.

Sola fibra pars similis.

(2) Inter solidas partes in corpore nostro sola fibra similis pars dici meretur, ex qua pleræque reliquarum componuntur,

tur, quippe quæ in carnibus mollis est, in tendinibus & ligamentis compacta, in membranis & tunicis latius expansa, in cartilaginibus magis indurata, in ossibus plane consolidata:

(3) Unde vim illam se contrahendi habeat fibra carnosa incertum est, an scilicet à se ipsa, an à fluida aliqua materia in illam influente, & ea, an sit vel sanguis vel succus nervosus vel uterque simul junctus, vel etiam his omnibus subtilior materia hunc motum fibræ carnez immediate communicet, illa nempe, quæ æthereæ & subtilissimæ est naturæ, & omnium corporum poros permeans, tanquam prima motus causa in materia haud inconvenienter poni posset.

Causa contractionis fibræ carnosæ.

Q U Æ S T. I.

Qua ratione Plantarum semina sint analogæ animalium ovis?

Cū notum sit ex observationibus recentiorum, non solum hominem & animalia vivipara æque ac ovipara ex ovo produci & generari, sed & insectorum genera, haud absurdum foret dicere in infimo etiam viventium ordine, nempe *Plantis*, aliquid ovo analogum deprehendi. Etenim, si singula accuratius inspiciamus, vegetatio

Homo, & animalia cetera ex ovo generantur.

*Vegetatio
Plantarum
analogia est
animalium
ovis & plan-
tarum se-
men quasi o-
vum quod-
dam est.*

tatio in Plantis non parum analoga est
reliquorum viventium productioni, dum
haud dubiis argumentis evinci potest,
plantarum semen quasi ovum esse, foetus
hunc vegetativum cum partibus magis
principalibus continens, quod etiam per
aliquot annos foecundum conservari po-
test, donec ab exteriori humore, quem
terra, cui semen commissum est, suppe-
ditat, auctæ ipsius partes conspectio-
res reddantur, & ita vegetans oriatur
planta.

*Plantarum
semen magis
respondet
viviparo-
rum ovis,
quam ovipa-
rorum.*

Notandum autem est non tam oviparo-
rum animalium *ovis* similia esse *planta-
rum semina*, quam potius *viviparorum*,
illa enim, præter incubationem nullum
exterius expectant alimentum, quod
ovo totum includitur, hæc autem, scili-
cet *viviparorum ova*, in *uterum* delapsa
perpetuam subeunt mutationem, perco-
latis continuo succis ab ambiente utero
derivatis, atq; ita augetur foetus, cujus
prima in *ovo* jam ante latebant stamina,
non secus ac in *seminibus plantarum* de-
lineatæ partes ab accedente terreno suc-
co sensim dilatantur, crescunt, & augen-
tur.

*Terra plan-
tarum semi-
nibus idem
præstat,
quod uterus
viviparo-*

Quemadmodum ergo *plantarum semi-
nibus* idem præstat terra, cui commit-
tuntur, quod *viviparorum ovis uterus*,
quando in eum delapsa sunt post foecun-
da-

dationem, ita & *ovariis viviparorum* a-
 nalogum receptaculum in *plantis* omni-
 bus habent *semina*, in quo formantur
 & continentur, quod in nonnullis *stylus*
 dicitur, atque in quibusdam est corpus
 membranofum, gracile, concavum &
 tubulofum, in aliis crassior redditur &
 filiqua dicitur, & in aliis adhuc pluri-
 bus particulis succo turgidis obducitur,
 quæ in corpus aliquod insignne coale-
 scunt, quod in omnibus dicitur commu-
 niter *fructus*. Et hujus *ovariorum*, vel fru-
 ctus, gratia *flores* à natura productos
 esse valde videtur verisimile, cum, si fo-
 lia *floris* plus justo luxurient, *semina*
 vel manca reddantur, vel deficient, ma-
 teria scilicet *ovario* & *seminibus* de-
 tracta.

Hæc plantarum ova è *stylo* seu *fructu*
 velut è *materno ovario* delapsa, ubi ter-
 ræ committuntur, statò tempore, quasi
incubata vegetant, eorumque partes ma-
 gis explicitæ manifestantur & adoles-
 cunt. Nec solum incubationis succeda-
 neum in sinu suo exhibet magna Mater
 tellus, sed &, quæ fœcundo ovo defunt,
 abunde & sensim sudpeditat. *Plantæ*
 enim, jam e *semine* supra humum emer-
 genti, adhærent ut plurimum gemina
folia crassa, quæ albumini *ovi* analogæ,
uterinæ placentæ vel *cotyledonum* vices
 sup-

rum oris.
 Et fructus
 in plantis
 est in o-
 vario, in cu-
 jus gratiam
 formantur
 flores.

Folia duæ fe-
 minæ quæ
 in plantis
 primo erum-
 punt ubi ve-
 getare inci-
 piunt, sunt
 instar coty-
 ledonum seu
 placentæ u-
 terinæ.

supplent, quia humore turgent, quem e terra, quasi *utero* emanantem excipiunt ut per propria, quasi *umbilicalia*, vasa *plantæ* crescenti quotidianum suppeditetur alimentum, materia scilicet unde augetur. Ideoque ablatis & avulsis illis *seminalibus foliis*, quando e terra emergunt, perit plerumque in totum *planta* & exarescit.

Terranullas plantas ex se producit nisi semini- bus impræ- gnata.

Denique quemadmodum omnia animalia nobis nota oriuntur ex ovo, seu *semine*, nec ulla datur animalium generatio æquivoca, ita & de *plantarum* genere non dubitamus affirmare, terram ipsam nullo fœcundatam semine, familiares regionibus plantas neutiquam producere, sed omnem *plantarum vegetationem* per *semina* fieri, vel etiam *radicum* & *ramorum* plantata frustula, qui ultimus generationis modus infimo huic viventium ordini præ reliquis peculiaris est. *A le Grand*, p. 7. c. 8. &c. *Spigelius*. *Ph. Burg.* p. 2. tr. 3. *Malpighius*.

QUÆST. II.

An ulla insecta generentur ex putri?

Nulla insecta generantur nisi ex semine.

Inter Eruditos jam diu agitata est quæstio, de *generatione ex putri*, utrum verisimile sit *insecta* quædam nasci ex *putri*, an omnia originem & ortum de-

debeant *seminibus*, scilicet *ovis*. Certe, post tot seculo nostro facta experimenta, maxime credibile est, terram, post primas illas plantas & prima animalia, quæ sub mundi primordia ipsius Creatoris jussu produxit, per se nec herbas, nec arbores, nec ànimalia, qualiacunque perfecta vel imperfecta produxisse, & quod omnia illa, quæ vel præteritis seculis nata sunt, vel hoc tempore in vel ex terra nasci videntur, ex *semine* plantarum atque animalium nascantur, quippe quæ mediante femine proprio species suas conservant. Et quamvis singulis fere diebus videamus ex cadaveribus animalium, uti & omni genere herbarum florum & fructuum putridorum, vermes nasci infinitos, verisimile tamen est omnes hos vermes ex *semine* generari, & carniū herbarumque vel aliarum rerum putrescentium non alias in generatione insectorum esse partes, nec aliud officium, quam ut locum commodum præbeant, in quem ab animalibus deferantur ova, & nisi à matribus producta ova illuc delata sint, nullum ibi vermem generari. Id quod facillimo experimento evincitur, si carnes vel alia putredini obnoxia tempore æstivo relinquuntur aperto aëri, statim vermibus scatent, quæ tamen, ubi vitris, etiam
in

in intensissimo æstu includuntur, ita ut ab aëris injuria servantur immunia, nulla ibi unquam vermium indicia deprehenduntur. *Phil. Burg.* p. 3. tr. 3. diff. 3. *A le Grand* p. 7. c. 26. *F. Redus.*

CONCLUSIONES.

1. Plantæ inter infimum viventium ordinem haud immerito recipi possunt,

2. Habent enim organa analogæ animalium organis tam generationis, quam nutritionis.

3. Et hæc ipsa organa per animam vegetativam indicarunt antiqui.

4. Plantis autem denegata sunt organa sensus & motus, quæ per animam sensitivam intellexerunt veteres.

5. Ad vitam animalium, præter legitimam dispositionem partium solidarum corporis, duo requiruntur:

6. Humor aliquis internus, à quo corpus nutritur & conservatur, qualis est sanguis,

7. Et fluidum aliquod externum, in quo vivit animal & respirat, uti aër vel aqua.

8. Anima brutorum dependet ab organis corporeis & varia dispositione partium, ac spirituum in illas influxu.

9. Sen-

9. Sensus in corpore Animalium dependet à Nervis & cerebro.

10. Motus autem à fibris carnosis.

11. Proprie vero loquendo non sensuum exteriorum organa, sed ipsum cerebrum sentit.

12. Et omnis sensus fit per speciem quandam tactus.

13. Visus non fit per radiorum emissionem, sed receptionem.

14. Generatio omnium animalium fit ex ovo, cui analogum est plantarum semen.

FINIS.



CASPARI BARTHOLINI
Thom. Fil.

DE
Fontium Fluviorumque

Origine ex Pluviis

DISSERTATIO PHYSICA.

EA iudicii subacti maturitate, eo curiosissimorum experimentorum apparatu nubilum hoc de Fontium Fluviorumque origine argumentum persecutus est nobiliss. & celeberrimus Auctor, ut exiguo commentariolo plura incluserit, quam iustis alii de eodem acroamate voluminibus. Proinde nihil equius, quam ut electissima Dissertatio lucem publicam videat, & laudem providentissimi Scriptoris in omne ævum propaget. Ita censi Hafniæ die 7 Novem. An. 1689.

OLAUS BORRICHIIUS.

INDEX SECTIONUM

In Dissertatione de Fontium Fluviorumque origine.

- §. I. *Dissertationis Scopus.* pag. 1.
§. II. *Fontium Generationis modus.* 4
§. III. *De pluviis, unde fontium origo.* 5
§. IV. *De Terra ejusque stratis.* 6
§. V. *De inundationibus, per quas in terra stratis sedimenta deponuntur.* 7
§. VI. *De ruptura stratorum Terræ.* 9
§. VII. *De Terrarum & stratorum differentiis.* 11
§. VIII. *De percolatione aquarum per strata Terræ.* 13
§. IX. *Quod non oriantur fontes ex aquarum subterranearum evaporatione.* 14
§. X. *Quod non oriantur fontes ex aquis e centro terræ.* 16
§. XI. *Quod non oriantur fontes ex aquis marinis, per canales subterraneos ascendentibus.* 17
§. XII. *Quod non magis periodici, quam perennes, fontes oriantur ex pluviis.* 20

INDEX.

- §. XIII. *Probatur, quod per pluvias sufficiens aquarum copia omnibus fontibus & fluviis suppeditari possit.* 22
- §. XIV. *Conclusio, de unica Fontium fluviorumque origine ex aquis pluvialibus.* 25
-

CASPARI BARTHOLINI
Thom. Fil.

DE

Fontium Fluviorumque

Origine ex Pluviis

DISSERTATIO.

NON ultima hæc est inter qua-
stiones physicas de fontium
fluviorumque origine. *Omnia* §. I.
*Dissertatio-
nis scopus.*
*flumina intrant mare, & mare non redun-
dat, ad locum unde exeunt flumina rever-
tuntur, ut iterum fluant, Divinum est,
adeoque & verissimum, Ecclesiastis effa-
tum; sed de modo ac ratione, qua id
fiat, varie semper à Philosophis dispu-
tatum est, utrum scilicet ex pluviis &
solutis nivibus oriantur, an ex mari,
velut magno aquarum thesauro, per va-
rios telluris vel poros vel anfractus de-
riventur; an utraque ratione, scilicet*

ex mari, tam superiori quadam circulatione per nubes, quam inferiori, per secretiores quosdam mæandros in intimis terræ visceribus, originem trahant. Unicam illam fontium fluviorumque omnium ex pluviis originem ita nos hic vindicabimus, ut haud difficulter dissentientium opinionum pateat absurditas.

Sed illud in antecessum monendum, non loqui nos jam de Terra, quomodo à Deo Opt. Max. condita sit, id enim absque philosophia ex verbo Dei cognoscimus, sed ubi Naturam, ita ut nunc est constituta, consideramus, animadvertimus, impossibile esse, vel vaporibus è terra, vel aquis è mari per canales subterraneos ascendentibus, debere suam originem fontes, sed omnia Naturæ phænomena illuc tendere, ut demonstrent, fontes ac fluvios ab aquis pluviæ alibus & solutis nivibus aquarum suarum & originem & augmentum accipere. Fatemur quidem à Divino Mose nos edoceri, antequam terra irrigata esset pluviis, imo & ante stratorum terræ rupturam, existisse fluvios Paradisi, sed hoc non magis repugnat vel augmento eorundem fluviorum per aquas pluviales postea delabentes, vel origini reliquorum fontium, qui postea orti sunt ex pluviis, quam creatio hominis &

& reliquorum animalium, imo & plantarum, quæ à Deo in initio facta est, repugnat animalium & plantarum propagationi, quæ fit per ova & semina. Ita in lapidum generatione describenda, non dubitamus asserere, illos ex fluidi particulis condensatis oriri, cum tamen lapides à Deo productos esse in rerum initio agnoscamus. Quis negaret metalla in fissuris lapidum, per stratorum rupturam factis, & reperiri hodie & ibidem generari, licet jam ante illas fissuras & rupturam stratorum, à Deo cum reliquis terrenis corporibus creata sint metalla. Loquitur ergo Philosophus saltem de modo, quo vel illi fontes & fluvii, qui ab initio mundi exstiterunt, accipiunt aquarum augmentum, vel illi, qui postea producti sunt, jam generantur. Concedimus quidem primos fontes à Deo productos esse, sed defecissent statim iidem, nisi factam continuo aquarum jacturam reparassent decidentes pluviae. Et cum non credendum sit omnes illos fontes fluviosque, qui hodie existunt, mundo coævus esse, neutiquam inficiandum, quin iis, qui postea orti sunt, originem dederint pluviae & stratorum rupturæ, præsertim cum ita à Deo condita fuerit hæc terrena moles, ut statim post lapsum variæ secutæ sint

in ejusdem crusta exteriori mutationes, tam ab ignibus quam aquis, id quod nobis in brevi hac dissertatione dispiciendum est.

§. II.
*Fontium generationis
modus*

Et primo quidem ad mirabilem globi hujus terraquei constitutionem oculos convertimus, in eaque deprehendimus continuis evaporationibus ascendere particulas aqueas, quæ in nubibus condensatæ decidunt iterum in superficiem globi, ejusque terrenas particulas tandem penetrant, per poros, in stratis terrenis vel arenaceis patentes, occultis itineribus se insinuando, donec aliud diversæ naturæ stratum, à quo sisti possunt, occurrat, contingere id autem frequentissime videmus à lapideis & argillaceis, factaq; interim aliqua stratorum ruptura, locus datur collectioni aquarum ita per poros terræ in fontibus destillantium, quæ collectiones aquarum, ubi per declives canales & alveos terræ alio deducuntur, constituunt rivos, ex iisq; rivulis pluribus, ex diversis fontibus concurrentibus in unum communem alveum, ex surgit fluvius, qui se tandem in mare exonerat. Et ut clarius pateat hujus propositionis veritas, nihilque in illa vel absurdi vel ab ipsa Natura alieni deprehendatur, juvabit omnia ejus membra ita ad examen vocare, ut strictim illustrentur singula.

Va-

Vapores aquei, quos mare, flumina & ipsa terra cum corporibus contentis sup-
 peditant, ubi ad mediam aëris pervene-
 runt regionem, condensantur, nubesque
 formant, quæ ulterius ascendere neque-
 unt, cum offendant minus condensatum
 aërem, adeoque & subtiliorem & levio-
 rem, quam ut istas vaporum collectio-
 nes sustinere possit. Isti autem vapores
 ventis agitati & sibi invicem occurrentes,
 guttulas quasdam formant, quæ sensim
 crescentes, gravitate aërem inferiorem
 superant, adeoque descendentes, cum
 aliis in via associantur, ita ut hoc modo
 pluvix in guttas abeant, quæ tanto sunt
 majores, quo altior est Nubes ex qua
 proveniunt, quia longior est via in qua
 sensim istæ guttulæ ab adjunctis particu-
 lis augeri possunt. Atque hæc ratio est,
 cur pluvix hyemales plerumque con-
 sistent minoribus guttis, quia tunc ascen-
 dentes à terra vapores non tam altas
 constituunt nubes. Quin & observatum,
 pluviarum guttas, quæ in superiori mon-
 tium parte majores decidebant, in medio
 montium minores fuisse, & ita sensim
 decrevisse, donec in jugo montium non
 nisi solam constituerent nebulam. Istæ
 in terram cadentes pluvix, eandem pe-
 netrant per minutissimos in terra occur-
 rentes canales, qui haud difficulter se
 pro-

§. III.

*De Pluviiis,
 unde Fonti-
 um Origo.*

produnt, quando enim paulo profundius in terram fodiendo penetramus, colligi sensim videmus aquam ab istis canaliculis suppeditatam, atque hac ratione in diversis terræ partibus puteos excitari videmus.

§. IV.

De Terra ejusque stratis.

Deinde quod ipsam globum terraqueum attinet, in quem incidentes pluviz materiam dant fontium, non jam disputabimus de prima telluris facie ante Diluvium, nec illas Autorum opiniones diversas recensebimus de iis particulis, ex quibus, ceu elementis, ista exsurgit moles ; duobus saltem, quæ ad rem nostram maxime faciunt, hic immorabimur, nimirum in explicandis illis stratis, quæ in exteriori ejus parteprehendimus, & in rupturis examinandis, quæ variis illis inæqualitatibus, alveis & fissuris, quæ in ejus superficie occurrunt, occasionem dederunt.

Crusta illa terrena exterior non ubique ejusdem naturæprehenditur, nam ut taceam illa ejus loca, quæ lapidibus inculta atque aspera sunt, alicubi est arenosa, quæ sterilis est & humori retinendo inepta, alibi pinguis & fertilis, quia sale nitroso & pingui gravida facilius ab humore solvi potest, cujus est tenacior, uti margæ diversæ species, quæ prout admixtos habent succos minera-

nerales, coloresque & sapes varios, ita & varias facultates Medicas nactæ sunt. Ista autem terrarum genera ita plerumque mixta sunt, ut veluti diversa quædam strata sibi invicem incumbant, quæ quia conveniunt cum aliis stratis, quæ aqua turbida deponit, haud inconvenienter dici possunt efformata ab inundatione aquarum, quæ diversis temporibus acciderunt, & quia diversi generis corporibus referta fuerunt, subsidentibus illis & fundum petentibus varia deposuerunt sedimenta, quæ, recedentibus iterum aquis, in solida quædam strata induruerunt. Et talia reperire licet arenacea, argillacea, lapidea, imo & ex plurimis aliis, etiam diversissimi generis corporibus, & non raro animalium partibus, composita.

Istæ autem inundationes, quæ in terra contigerunt, & hæc deposuerunt sedimenta, vel fuere universales vel particulares. De universali Diluvio, præter S. Scripturæ auctoritatem, exstant plurimorum scriptorum Hebræorum testimonia, quorum hac de re fragmenta Libr. I. Antiquit. Judaicarum posteritati servavit *Iosephus*; imo & Latinorum, qui Diluvii Noëtici & Universalis circumstantias referunt ad Deucalionem inundationem. Idemque non minus a-

§. V.

De inundationibus, per quas inter stratis sedimenta deponuntur.

struitur ex inductione populorum, singulas mundi partes incolentium, apud quos omnes exstat grandis quædam memoria seu traditio Cataclysmi universalis. Habent Europæi, habent Africani, habent Asiatici & præcipue Sineses, magnæ notitiam inundationis, quæ & subversas patrias regiones, & periisse omne mortalium genus credunt. Quin & nec desunt Physicæ demonstrationes desumptæ ex altissimis Montibus, in quibus exstant certa vestigia maris, & longissimis terrarum tractibus, qui obducti reperiuntur variis collibus arenosis, ex alluentis & turbidi fluidi sedimento ortis, & magnam cum maris fundo similitudinem habentes. Adeo ut si ubique observarentur terrarum strata & planorum profunditates, ubique reperiuntur argumenta Diluvii, manifestior quinetiam causa esset, quare antiquissimæ quæque Urbes ut plurimum in montibus aut super editis collibus fundatæ observantur.

De particularibus variarum regionum inundationibus plenius loquuntur historicorum libri, atque hinc est quod in plurimis locis terra novis mutata sit accessionibus, non solum à fluminibus, uti *Plinius* memorat ab Acheloo amne continuo terræ inVectu annexam esse
con-

continenti Artemitam Insulam, major-
que pars Ægypti eodem modo à Nilo
congesta dicitur; sed & à recessu maris,
quod accidisse & in Ambraciæ portu de-
cem millium passuum intervallo memo-
ratur, & Ephesi, ubi quondam ædem
Dianæ alluebat; *Herodoto* quidem si cre-
dimus, mare quondam fuit supra Mem-
phim usque ad Æthiopum montes, i-
temque à planis Arabiæ.

Et quantas terra passa sit mutationes
monstrant diversa, quæ in illa occurrunt,
stratorum genera, præcipue autem eo-
rum ruptura & situs varie mutatus, dum
in quorundam montium vertice ingen-
tia sunt plana & multa strata horizonti
parallela, ab eorum autem lateribus stra-
ta varia ad horizontem inclinata, & in
oppositis collibus ruptorum stratorum
facies materiæ & figuræ omnimodam
convenientiam demonstrant. Ista autem
ruptura fieri potuit vel ab ignibus sub-
terraneis vel ab aquis, prout diversa
fuerit telluris natura, cum & in monti-
bus eorundemque vicinia evidentissima
sint ignis subterranei indicia, ut in Ve-
suvio, Ætna, Hecla, & circa colles è
stratis terreis compositos aquæ frequen-
tes reperiantur. Quin & terram intus
hiulcam & voraginosam esse plurimis
in locis non pauca persuadent, sive illæ
in

§. VI.

*De ruptura
stratorum
terre.*

in visceribus terræ cavitates ficcæ sint, dum halitibus & exhalationibus implentur, quæ in terræ motibus se produnt & ex spiraculis montium, quæ flammam vomunt & materiam ignitam; siue aquis repletæ sint, & has *Plato* tartarum & Barathrum vocat, quales & Helicen & Burin & Pompeiopolin devoravisse tradunt. Sunt quippe, ut loquitur Stoicus, in terra specus vasti, sunt ingentes recessus, & spatia suspensis quasi hinc & inde montibus laxa, sunt abrupti in infinitum hiatus, qui sæpe illaplas urbes receperunt, & ingentem in alto ruinam condiderunt. Tantum nimirum quotidie Orbe toto populantur per maria & aquas factæ ruinæ, nec minus varie terrenam superficiem mutant ignium, tot locis emicantium, perpetua tot seculis incendia. Adeoque non mirum quod in multis terræ locis horrida & disrupta sit rerum facies, atq; vastæ moles vel elevata vel depressa situ inæquali & turbido. Quin & facile hinc concludi potest, montes omnes hodiernos non extitisse ab initio, nullam esse montium vegetationem, posse naturaliter everti montes, eorumque cacumina elevari & deprimi, aperiri terras iterumque claudi, posse varias insulas produci, quemadmodum avulsam
me.

mémorant Siciliam ab Italia, Cyprum à Syria, & rursus alias insulas auferri mari, jungique terris, imo & alia ejusmodi plura contingere posse, quæ licet apud Historicos non raro legantur, vix tamen fidem mererentur, nisi ipsa naturæ confirmarentur inspectione.

Atque ita vidimus mutatum stratorum situm causam fuisse inæqualitatis, quæ in terrena superficie occurrit, illas autem inæqualitates locum dedisse coærcervationi aquarum in mari, stagnis & fluviis. Diversitates autem illas & interruptiones stratorum occasionem dedisse fontibus dubitari non potest, ubi ad naturam materiæ terrestris, quæ in diversis stratis varia est, attendimus.

Terrarum tres præcipue sunt differentiæ, prima terra hortensis communiter vocari solet, quæ sterilis vel fertilis existit pro fimi natura, unde ut plurimum generatur; ad secundum genus pertinent glarea, sabulum & arena, quæ iterum varia est, alia in igne abit in vitrum, alia in calcem mutatur, alia immutabilis existit & semidiaphana, ut Porcellana. Tertiæ generis sunt, limus, argilla, lutum, quod etiam varium est juxta pinguedinis gradus, aliud in igne leviter fluit, aliud perfectissime resistit, ut terra Passaviensis, aliud cœruleum est,

§.VII.

De Terrarum & stratorum differentiis.

est, aliud album, quò referri meretur marga, quæ est quasi terræ quædam medulla, cujus magna occurrit copia in toto tractu agrorum pagi Scheensis prope Ringstadium, quæ agricolis valde opportuna, quia fertilitatem terræ denotat.

Et prout è diversis his terrarum generibus constant strata, ita & diversimode easdem terras vel penetrant pluviz vel ab iis sistuntur. Arenosum enim stratum non ita inhibet aqueas particulas, quin easdem facillime transmittat, unde non raro omnem operam ludunt Architecti, reperta arena, quam vivam appellant, id quod eleganter confirmat *Becherus*, qui ex *Chronologia* quadam Minerali refert, metallicolas in quodam Monte ad vastissimam profunditatem laborando eousque pervenisse, ut tandem saxa cessaverint & in glaream adeo tenuem desierint, ut pro clepsydri infervire potuisset, infinitis tamen scaturiginibus aquarum permixta, adeo ut si quis in eam incidisset, in tali arena non secus ac in aqua potuisset submergi. Contrarium vero deprehendimus in stratis non solum lapideis, sed & argillaceis, quod aquæ particulas non transmittant, sed earum progressum ulteriorem sistant, id quod in aggeribus mani-

manifesto patet exemplo, in quibus lutum, & argilla inprimis cœrulea, contra aquarum irruptionem, tanquam unicū obstaculum & firmamentum, haberi solet.

Quando ergo percolationi aquæ plu-
vialis per stratum terrenum vel arena-
ceum descendens, resistit subjectum
lapideum vel argillaceum stratum, at-
que simul occurrit ruptura coacerva-
tioni aquæ opportuna, qua data porta
ruit & erumpit; atque ita Fontes gene-
rari dicendum est, quando illa pluvialis
aquæ humiditas, quæ à terra hausta a-
lias moratur intra ejusdem particulas
sparsa, in unum locum quasi destilla-
tione quadam colligitur, & cum ex ea-
dem humiditate etiam foveantur illa
vegetantia, quæ terra producit, haud
absurde *Plinium* dixisse videmus, de-
cisus plerumque sylvis nasci fontes, quos
alias arborum alimenta consumeant.
Ita observandum est quosdam fontes ex
medio montium erumpere, quibus or-
tum dedit aqua pluvialis per stratum
arenaceum, & lapidei etiam strati fissu-
ras, viam inveniens, donec in medio
montis occurrat ibi aliud, à quo plane
fistitur, stratum, adeoque ita collecta
tamdiu stagnat, donec naturali sua gra-
vitate viam sibi faciat, exitumque in-

§. VIII.

De perco-
latione a-
quarum per
strata ter-
ra.

B

veniat

veniat per rimas lapidum, atque dum alii æstu exsiccantur, hujus generis fontes maxime sunt perennes. Præterea animadvertendum est, quod licet in editis locis interdum observentur fontes, nunquam tamen occurrant in locis ita elevatis, quin adsit alius tractus terræ elevatior, à quo suppeditari possit sufficiens copia, à pluviis ibi antea collecta.

§. IX. Et hætenus nos crustam terrenam percolationi aquarum earumdemque in fontibus collectioni opportunam deprehendimus; sed reclamantem animadvertimus magnam Philosophorum turbam, qui argumentis variis, sed invita Natura excogitatis, alias fontium origines, easque diversas, fingunt.

Quod non oriuntur Fontes ex aquarum subterranearum evaporatione

Ex aeris vaporosi concretionem fontium originem deducit *Aristoteles*, ideoque maximos fluvios ex maximis profluere montibus ait, quod hi, tanquam spongiæ, multum aquæ imbibant. Atque hæc montium cum spongia comparatione apte quidem explicat modum, quo terrenis particulis immiscentur pluviae, nec à vero abluderet hæc opinio, si per aerem vaporosum non quidem illos è terra ad montium superiora ascendentes vapores intelligeret, sed potius in sublimi jam hærentes & aeri inter-

intermixtos, à globo terraqueo corporibusque in eo contentis elevatos.

Ex aquarum subterranearum evaporatione fontium originem repetunt non pauci, interque eos *Cartesius*; sed patiantur sibi opponi ea, quæ hic nobis occurrunt, dubia. Primo enim illa evaporatio plurimis in locis à stratis lapideis & argillaceis impediretur, & maxime iis in locis ubi plerique sunt fontes, præsertim ubi aquæ illæ subterraneæ in montibus profundissimæ sunt. Deinde nihil ob stare videmus, quo minus ulterius pergant vapores, quando ad superficiem terræ pervenerint, tunc enim expeditius moverentur, calore Solis provocati. Valere quodammodo posset hæc sententia, si alicubi daretur stratum lapideum, quo, quasi concameratione quadam undique arcte clausa, impediretur ulterior vaporum ascensus, nisi enim ita coërcerentur undique, ascenderent ulterius, quæ vaporum est natura. Sed talis forsan locus nullus datur, & si daretur, tunc certe analogo quodam modo indicat nobis veram fontium originem & ad eam agnoscendam nos haud obscure manuducit. Quid enim? quando ita condensantur eo modo elevati vapores, nonne speciem exhibent pluviæ? & sive hoc fiat in aëre

libero & aperto, five montium cavernis, habet tamen hæc aqua ita collecta communem cum pluviis originem, & communem generationis modum.

§. X.
Quod non ori-
antur fon-
tes ex aquis
e centro ter-
ræ.

Et illas easdem difficultates opponimus *Bechero*, qui in *Physica subterranea* fontium generationem adscribit condensatis in terra vaporibus, sed iisdem deductis ab ipso terreni globi centro. Supponit nimirum fundum maris profundissime ab aquis penetrari & humectari, & cum omnium communi consensu fundus maris sibi prorsus similis sit, sequi putat, eundem ab aquis penetrari usque ad centrum terræ, ubi cavitatem esse statuit ingentis capacitatis & convexitatis, illas autem aquas à marinis diversas esse, quod marinæ sint claræ & falsæ, centrales autem minus salis habeant, quia ex maris fundo percolatæ sunt, atque has simul lutosas & bituminosas esse existimat, unde innatum quendam in illis calorem esse statuit, ortum ex sulphureis particulis, quibus refertam supponit istam aquam, quæ ibi inclusa quasi in digestionem posita est, atque hinc ex ea, in centro terræ contenta, ad superficiem elevari vapores, tanquam ex loquo calido in frigidum, non aliter ac in destillationibus fieri videmus. Hæc quidem ille; sed quo

quo minus ea à nobis recipiantur vel pro veris vel pro verisimilibus, obstat immensa illa terreni tractus moles, per quam ita è cavitare illa in centro terræ elevaretur aqua, obstat illa, quam in hoc vaporum itinere non solum nobis imaginamur, sed & revera prope superficiem terræ deprehendimus, materiæ diversitas & dispositio varia, & cum diameter terræ mille & octingenta milliarium haud dubie supponatur, vix quicquam de interiori parte concludi potest, cum saltem tantillum crustæ exterioris nobis cognitum sit.

Paulo speciosior prima fronte videtur illa aliorum de origine fontium opinio, nempe illos oriri ab aquis marinis per terræ rimas delatis, quarum motum à variis causis deducunt, vel ventis subterraneis, vel vi aëris elastica, in cavitatibus terræ, vel fluxu & refluxu maris, vel nubium mole mari incumbente, uti fusius explicarunt *Kircherus*, *Schottus*, aliique. Coeterum, quam nullo hæc suppositio nitatur fundamento, patet vel ex ipsis legibus hydrostaticis & æquilibrio, quod in aquis servat natura, adeo ut hoc prorsus ipsi repugnaret Naturæ, si de fontibus loquamur in elevatiori loco repertis. Certum enim est terram esse mari altiore, cum ab eo

§. XI.

*Quod non oriuntur fontes ex aquis marinis per canales subterraneos ascendenti-
bus.*

alias tota inundaretur; id quod etiam evidenter docet decursus fluviorum, qui utique per loca declivia fit, dum omnes se in mare exonerant. Alia autem res est de iis aquis, quæ maris superficie altiores non sunt, adeoque in eodem cum ipso æquilibrio, quas à mari provenire neutiquam inficiamur. Cæterum si æstui maris, uti objiciunt nonnulli, deberetur iste aquarum impulsus, certe ordinatæ essent istæ collectiones, & variz etiam pro fluxus varietate. Præterea nulla satis solida ratione percipimus, quomodo subterranei isti canales, ex mari ad fontes ducerent aquam, nam si ampli essent & patentes, quales eas depingit *Kircherus*, aquam suppeditarent plane falsam, utpote quæ per terram cribrari non posset, adeoque nec falsedinem suam deponere. Si autem per illas vias saltem intelligamus poros vel terræ meatus exiguos, quales revera esse deberent, si per illos ita secerneretur, ut falsedinem suam deponeret, aqua, nulla obstat ratio quo minus undique per terrenam molem dispergeretur aqua, atque ita nec vel in fontes, colligeretur, vel per illos poros & meatus, quasi cribrata, falsedinem suam deponeret, quin potius novas acquireret salinas vires, à particulis terrestribus,

bus, quas secum auferret, quemadmodum videmus mineralium, metallorum & ipsius etiam terræ natura imbui aquas fontium Medicatorum. Et adhuc, quæso, ex qua materia hos ductus fabricatos existimabimus? Ex arena constare impossibile est, lapideos esse ipsa aquæ marinæ natura reclamatur, illam enim licet concedamus absque cribratione in illis ductibus deponere salinas particulas, ab iis tamen ductus illi dudum fuissent obstructi.

Deinde si accuratius rem inspiciamus, nullam omnino videmus viam aut evidentem ductum subterraneum, mediante quo aqua mariana à principio ad finem, nempe ex mari ad scaturiginem deducatur; non enim sola & nuda quædam imaginaria via nobis proponenda est, sed ad praxin naturæ potius recurrendum, nam prout in communibus aquarum ductibus per canales, seu tubos, vel ligneos vel plumbeos animadvertimus, magna eorum requiritur soliditas, si vel ad minimam altitudinem aut distantiam aqua vel in ipsis contineri, vel ab uno in alium locum duci debeat, & licet Hydraulicorum summa industria huiusmodi canales solidentur, non raro tamen, ne rumpantur, periculum est, aut certe per minima & vix sensibilia

aperta foramina se prodant. Concedimus quidem esse in terræ & montium ipsorum visceribus varios aquarum ductus, sed illos omnes contendimus à pluviis ortos esse, si maris superficie altiores sint, cum pro figmentis saltem habeamus quæcunque memorant alii pro stabilienda assertione, quod mare in sui medio terra sit altius.

§. XII.

*Quod non
magis peri-
odici quam
perennes
fontes ori-
antur ex
pluviis.*

Ex his omnibus mixtam opinionem de fontium origine sovent nonnulli, interque eos, præter *Plotium* Anglum, nuperrime inter Germanos in Naturæ indagine Celeberrimus *Sturmius*, qui priorum opinionum Autores omnes aliquid veri dicere concedit, & junctim potius quam separatim rem docere; at quam tuto illud concedatur, liquet ex iis, quæ jam ante in examine illarum opinionum dicta sunt.

Periodicos quidem & per vices crescentes atque decrescentes à pluviis oriri concedunt, non autem perennes. At certe eadem hic & ibi ratio est. Crescunt enim & diminuuntur fontes ac fluvii pro quantitate pluviarum, quæ decidunt, & si illæ forte vel rarius vel omnino non decidunt duorum mensium decursu, diminuentur plusquam ad dimidium fontes, & si ista aëris ficci & sereni constitutio perduraverit, nonnul-
lorum

lorum fluxus in totum cessabit, nonnulli autem, remanente saltem tertia aquarum parte, absumentur, unde facile fieri potest argumentum, si tandem cessaverint pluviae integro anno, non nisi paucissimos fontes perennes fore, vel etiam plane omnes tandem exhauriendos esse. Et si forte quidam fluvii non istam tam sensibilibiter patiantur jacturam, deficientibus licet pluviis, id ideo fieri certum est, non quod non à pluviis oriantur, sed quod istae pluviarum aquae, antequam in fontes exundent, collectae sint intra cavitatem montium, in capaci quodam receptaculo, unde non nisi angustum inveniunt exitum, & ita facilius sufficiunt perennitati fontium, vel etiam, quod ab alio terrarum tractu, etiam longius diffito, originem ducant, qui continuis pluviis madet. Unde non mirum est, esse & ii sin regionibus, ubi aut raro aut nunquam pluit, perennes & inexhaustos fluvios, quia aliunde originem trahunt, quemadmodum de Nilo Aegypti patet, constat enim, quam olim ignoti fuerint ejus fontes, adeo ut in proverbium cesserit, Nili caput quaerere, de re supra humanas vires ardua,

*Nec licuit populis parvum te, Nile,
videre.*

& am-

& ambitiose quondam certatum sit à Regibus & Imperatoribus de gloria inventi capitis Nili. At ex iis omnibus, quia ea de re aliquid prodiderunt, quasi indice digito vera illa fontium origo monstratur, tum quoad ortum, tum incrementa annua. Etenim consentiunt plerique antiquorum in Æthiopia ab innumeris asperrimisque rupibus, quæ Lunæ montes vocantur, frequenti & copiosa scaturigine Nili fontes erumpere, & per istos Æthiopiæ montes singulis annis à solstitio æstivo usque ad æqui-noctium autumnale imbres cadere discimus ex *Diodoro Siculo*. Imo & nostra ætate plerique in eadem sententia acquiescunt, ita *Franciscus Alvarez*, qui anno 1520. abstrusiora illa loca peragravit, multaq; ex Abyssinis, quorum in terris surgit Nilus, curiose sciscitatus est, comperit in terra Abyssinorum hyemem continuis fere & validis imbribus madidam esse.

§. XIII. Sed præterea obijciunt, quod æstivæ pluvix, licet largæ & copiosæ satis, terram tamen non penetrent nisi ad dimidium pedem, id quod in hortorum culta terra maxime observare est, sed licet hoc de isto genere terræ concederemus, in sylvis tamen aliisque incultis locis, ubi plures sunt canaliculi, qui per

Probatur, quod per pluviam sufficiens aquarum copia omnibus fontibus & fluviiis suppeditari possit.

per terræ culturam interrupti & fracti non sunt; ulterius certe descendit aqua pluvialis, præcipue quando per aliquot dies illud è nubibus continuatur stillicidium.

Denique acrius instant, per pluvias quotannis delabentes, non tantam terrenæ crustæ suppeditari aquarum copiam, quæ non solum vegetantibus è terra surgentibus in alimentum cedat, sed & fontium fluviorumque aquis sufficiat, quæ continuo in maria effunduntur, quemadmodum nuperrime *Du Plot* ex computo cujusdam Autoris Galli, concludit conservatoriis fontium fluviorumque tantum aquæ à pluviis & solutis nivibus non suppeditari posse, quantum supplendis aquis, quas in mare intra anni spatium ejiciunt, sufficiat. Sed huic difficultati opponimus experientiam celebris Gallorum Mathematici *Mariotte*, quam affert in Libro de motu fluidorum nuperrime edito. Nimirum libero cœlo exposuerat vas aliquod quadratum, cujus diameter erat circiter duum pedum, in ejusque fundo canaliculus, aquam illam pluvialem in vase exceptam, deducens in adjunctum aliud vas cylindricum, ubi facilius mensurari potuit aquæ per pluvias quotidie descendentes copia. Illud autem primum

mum vas ita erat dispositum, ut nullas
 aliunde exciperet aquas, nisi illas sal-
 tem, quæ immediate in illam ejus pa-
 tentem capacitatem deciderent. Atque
 illud ita integro anno continuatum ex-
 perimentum, confirmavit, pluvias ad
 septendecin pollicum altitudinem toto
 anno delapsas esse, pluriumque deinde
 annorum experientia ejusdem verita-
 tem evidentemprehendit. Atque ex
 illa ita facta observatione supponit
Mariotte, aquæ, globum terrenum toto
 anno irrigantis, quantitatem esse sal-
 tem ad quindecim pollicum altitudi-
 nem, atque ita facto calculo cum ista
 aquæ quantitate, quæ illum tractum
 terræ, unde ortum ducit Sequana Gal-
 liæ fluvius, per pluvias quotannis in-
 undat, cum illa, quæ, ex ipsius cal-
 culo, iterum quotannis per eundem
 fluvium delabitur & in mare eruct-
 atur, manifesto & haud dubie evin-
 cit, quod tertia saltem pars delaben-
 tis pluviae abunde sufficiat omni isti
 aquæ quantitati, quæ quotannis per
 fontes atque fluvios suppeditatur; at-
 que ita, licet supponamus pluviarum
 unam tertiam partem statim iterum per
 vapores elevari, alteram vero tertiam
 partem absumi in humectanda terrena
 crusta & locis subterraneis, tamen ex-
 tra

tra dubium erit, non defuturos fontes, quibus abunde sufficeret tertia pluvi-
alis aquæ pars in terra relicta, ejusque
poros & canales in diversis stratis diver-
simode penetrans. Et si loco quindecim
pollicum, ad quorum altitudinem in
isto suo calculo supponit quotannis col-
ligi pluvias, sumat octodecim pollices,
quemadmodum alius Autor Gallus fate-
tur se ad novendecim usque pollices a-
quæ altitudinem experimento depre-
hendisse, certe, supputato calculo, ani-
madvertit octies majorem esse illam a-
quæ quantitatem, quæ quotannis per
pluvias terræ circumjectæ suppeditatur,
quam illam, quæ iterum per Sequanam
redditur mari.

Atque ita, cum in contraria opinione
nihil quod non absurdum sit, occurrat,
in hac autem nostra nihil quod non cum
ipsa Natura & ejus legibus ubique ob-
servatis conveniat, haud difficulter as-
sensum inveniet hæc de fontium ex plu-
viis origine sententia, siue temporales
sint siue perennes, siue regulares siue
irregulares, siue annui aut certis tem-
poribus fluentes vel deficientes. Ut e-
nim in Dissertationis hujus complemen-
tum omnia nostra momenta in compen-
dium contrahantur, videmus primo di-
luvia aut ingentes fluminum inundatio-
nes

§. XIV.

*Conclusio de
unica Fonti-
um Fluvio-
rumque ori-
gine ex a-
quis pluvii-
alibus.*

nes manifeste provenire aut a pluviis immediate præcedentibus, aut a nivibus & grandine solutis, deinde plurimos fontes sub Solis æstu in totum deficere, & omnes minui, præterea nullos unquam in summo montium vertice erumpere aut adeo prope cacumen, quin semper aliqua portio terræ superior emineat, unde his suppeditantur aquæ; Et quod ad rem maxime facit, in terris tenacioribus argillaceis, quas aqua difficulter permeat, raro fontes observari, cum nunquam desint in arenosis & saxosis terræ partibus, per quas aqua facile percolatur, denique non omnino his unquam deesse justam aquarum quantitatem per pluvias suppeditatam.



F I N I S.

